



APULEIUS.


APOLLONIA

1594










U₁

NOTE ON ARCT

1594



L. APVLEI MA-
DAVRENSIS PHILO-
SOPHI PLATONICI
Apologia.

ISAACVS CASAVBONVS *recensuit, Græcæ*
supplevit, & CASTIGATIONVM
libellum adiecit.

Ad virum illustrem

IOSEPHVM SCALIGERVVM
IUL. CÆS. FIL. eruditorum nostræ
ætatis facile principem.



Ex typographico Hieronymi Comelini.

M. D. XCIIII.

Apologia

JOHANNES G. CAVALONUS RECTOR

UNIVERSITATIS

ALMA MATER

AD ALMA MATER

IN FIDELI

RECTOR

ALMA MATER

EX CAPOGRAPHICO HISTORICO CONSTITUTO

M. D. X CIII



Viro illustri

IOSEPHO SCALIGERO

IUL. CÆSARIS FIL.

IS. CASAVBONVS

S. D.



RÍTNE, vir nobilissime, vt tu
me putes otio meo abusum,
cum hisce diebus recensendæ
huic quã tibi mitto Orationi,
tēporis aliquātum posui? Scis
enim pater illius quàm malè apud multos au-
diat: quàm graues de eius Latinitate sentētiae
vulgò ferantur. Quod si tu idem censes, quid
aliud de me, & ea quam hîc impendi opera
pronunties, nisi bonas horas malè me collo-
casse? Ego verò cum ab eo lōgè absum, vt ita
de hoc scripto (nam reliqua eiudem nihil
moror) existimantibus assentiar: tum eius-
dem te mihi iudicij esse, nullus dubito. Nisi e-
nim illorum opinioni accedimus, qui totius

Latinitatis fines sex, septem auctorum scriptis contineri putant: quid est cur hic liber lectione ac studio nostro indignus esse videatur? Nam equidem sic censeo: post tempora Antoninorum vix quicquam aliud extare hodie magis *πεπρωμένον*, magis comtum, magis denique Latinum. Aut dicat mihi aliquis, ubi maior, quàm in hoc tantulo, & eo quidem forensi scripto, eruditionis non protritæ copia, quàm eleganter, quàm doctè loci hinc aliquot è Philosophia tractantur? quantum in sententiis acumen? quanta in dictione, ut iis temporibus & locis, castitas? Non hinc mihi quisquam reperiat ullos *ῥήσιν ματῶν ὄγκος* & tumores vanos, aut argutiolas ineptas: non, ullas verborum sordes: quæ maxima orationis vitia plerisque omnibus eius sæculi auctoribus, & qui deinceps insecuti, fato quodam Eloquentiæ & Imperij Romani simul ruentium, adhæserunt. At erunt fortasse qui non verborum, sed rerum crimina obiectent: quippe Apologiam hanc, à famoso olim mago pro defensione Magiæ scriptam, ab oculis cōspectūque

etūque nostro esse reiiciendam: more multo-
rum videlicet facient, vt ea dānent quæ nun-
quam legerint, si qui ita sibi persuadebunt.
Nos contrā, non defensionem hanc esse Ma-
giæ, sed grauissimam eiusdem accusationem,
audenter affirmamus. Quid enim aliud hinc
colligas, quàm fuisse omnibus semper sani iu-
diciij hominibus curiosas artes improbatas,
& legibus vetitas? ni ita sit, nunquam profe-
ctò, vt doctè sanctissimus vir Augustinus di-
sputat, tanta contentione, tantòque opere id
crimen, ceu omnium maximum à se auctor
diferissimus amolitum isset. Quamobrem
dabunt, spero, nobis optimi & grauissimi viri
voti nostri veniam, quod tam eruditum anti-
quitatis monumentum non ita lacerum cir-
cūferri, neq; ita *ἀεὶ μέσσι τῶν ἡγῶν* deformari, sem-
per optauerimus. Quamquā votum hoc no-
strum nihil aliud nisi votum fuisse, nōsq; de
hac editione nunquam ante hoc tēpus, quic-
quam cogitasse, & liquidò iurare ipsi possu-
mus: & norunt illi optimè, quorum petitu su-
scepta mihi & nata hæc scriptio est. Nuper

adeo cum apud me essent amici quidam & familiares mei, adolēscētes has literas appri-
me docti, & super mensam orto de huius li-
bri mendis sermone, ostendissem iis quæ pri-
dem inter legendum, ut fit, ad oram mei codi-
cis adnotaueram: ceperūt vehementer à me
contendere, vellem illa ipsa cū studiosis com-
municare. Quid multa? non ante finem oran-
di mei fecerunt, quàm exorarunt. Hęc ita ac-
cidisse, meq; pæne inuitum, certè ἐνόητα ἀένοντι
δυνασὶ horsum fuisse impulsū, illi ipsi amici
mei, quod gaudeo, testimonium mihi apud
te perhibebunt. Commodū enim, ut spero
& opto, eodem tempore & illi isthuc appel-
lent, & hæc nostra in tuas manus venient. En
igitur tibi Iosephe Scaliger princeps erudito-
rum, paucorum dierum dicam, an horarum
foetum: quem etsi ὁπινέμενον, ausus sum muneri
tibi mittere. Nam & gestiebat pridē animus
mei in te amoris atq; obseruantix monumē-
tum aliquod in vulgus edere: & me nunc il-
lustris tui nominis patrociniū cum maximè
indigere probè intelligebam. Tu ne auctori-
tatem

tatem defugias, per ego te nostrā amicitiam,
etiam atq; etiam rogo atque obtestor. Debes
hoc mihi, vir nobilissime, debes: qui tuis lite-
ris ita me nuper excitasti, ita ἐπ' ἑρώσας vt siquid
in hoc negotio confidentiùs à me sit admis-
sum: id ego non tam meum quàm tuum iudi-
cium secutus, peccauerim. Quæ ergo eius ge-
neris erunt, ea tu, pro diuina illa tua æquani-
mitate, quæ me non ita pridem in ruborem
dedit, excusabis: pro illa singulari eruditione,
qua omnes mortales in tui admirationem ra-
puiſti, corriges: ac, pro tuo, tuique parentis il-
lius Sophi, more, quæ nobis aliisq; sunt in-
comperta, nos docebis. Deus O P T. M A X. te
seruet Μοιηέτα. Vale: & proxima foetura,
si vitam idem Deus, si otium con-
cesserit, Athenæum ac Sueto-
nium à nobis expecta.



EX LIBRO VIII. DE
CIVITATE DEI D. AVRELII

Augustini, capite XIX.

POSTREMÒ ipse Apuleius nunquid apud
iudices Christianos de magicis artibus accusatus
est? Quas utique sibi obiectas, si diuinas & pias esse
nouerat, & diuinarum potestatum operibus esse con-
gruas, non solum eas confiteri debuit, sed etiam profiteri, leges cul-
pans potius, quibus hæc prohiberentur, & damnanda puta-
rentur, quæ haberi miranda, & veneranda oporteret. Ita e-
nim vel sententiam suam persuaderet Iudicibus, vel si illi se-
cundum iniquas leges saperent, eumque talia prædicantem
atque laudantem morte mulctarent, digna animæ illius dæ-
mones dona reprehenderent: pro quorum diuinis operibus
prædicandis, humanam vitam sibi adimi non timeret.

Εἰς Ἀπυλῆιον Χειροδῶρα·
Καὶ νοερῆς ἀφ' ὅθεν τα Λατινίδος ὄργια μύσης
Ἄζετο παπταίνων Ἀπυλῆιος ὄνπινα μύσῃν
Αὐσονὶς ἀρρήτῃ σοφίῃς ἀνεθρέφατο σειρήν.



L. APULEI
MADAURENSIS, PHILOSOPHI
PLATONICI

Apologia.

5 **E**RTVS equidem eram, próque
vero obtinebam, Maxime Claudii,
quíque in concilio estis, Sicinium
Æmilianum, senem notissimæ te-
meritatis, accusationem mei prius
apud te cœptam, quàm apud se
cogitatam, penuria criminum, solis conuiciis im-
pleturum. Quippe insimulari quiuis innocens po-
test: reuinci, nisi nocens, non potest. Quo ego v-
10 no præcipuè cōfusus, gratulor medius fidius, quòd
mihi copia & facultas, te iudice, obtigit, purgandæ
apud imperitos Philosophiæ, & probandi mei.
Quamquam istæ calumniæ, vt prima specie graues,
ita ad difficultatem defensionis repentinæ fuère.
Nam, vt meministi, dies abhinc quintus an sextus

est, cum me causam pro vxore mea Pudentilla ad-
uersus Granios agere aggressum, decomposito, nec
opinantem, patroni eius incessere maledictis, &
insimulare Magicorum maleficiorum, ac deni-
5 que necis Pontiani priuigni mei cœpere. Quæ e-
go cum intelligerem, non tam crimina iudiciò,
quàm obiectamenta iurgiò prolata; vtrò eos ad
accusandum crebris flagitationibus prouocaui. Ibi
verò Æmilianus, cum te quoque acrius motum, &
10 ex verbis rem factam videret; quærere occepit ex
diffidentiâ latibulum aliquod temeritati. Igitur
Pontianum fratris sui filium, quum paulò prius oc-
cisum à me clamitaret: postquam ad subscriben-
dum compellitur, illicò oblitus est de morte cogna-
15 ti adolescentis, subitò tacens tanti criminis descri-
ptionem. Tamen ne omnino desistere videretur,
calumniam Magiæ, quæ faciliùs infamatur quàm
probat, eam solùm sibi delegit ad accusandum.
Ac ne id quidem de professo audet: verùm postera
20 die dat libellum, nomine priuigni mei Sicinij Pu-
dētis admodum pueri: & ascribit, se ei assistere, no-
uo more per aliū laceffendi: scilicet vt obtentu eius
ætatulæ, ipse insimulationis falsæ non plecteretur.
Quod cum tu solertissimè animaduertisses, & iccir-
co eum denuò iussisses proprio nomine accusatio-
nem delatam sustinere; pollicitus ita facturum, ne
sic

fic quidem quitus est. vbi vt cominus ageret propellisset; etiam aduersum te contumaciter eminus calumniis velitatur. Ita toties ab accusandi periculo profugus, in assistendi venia perseuerauit. Igitur & priusquam causa ageretur, facile intellectu cuius fuit, qualisnam accusatio futura esset, cuius qui fuerat professor & machinator, idem fieri auctor timeret: ac praesertim Sicinius Aemilianus: qui si quippiam veri in me explorasset; numquam profecto tam contanter hominem extraneum, tot tantorumque criminum postulasset: qui auunculi sui testamentum, quod verum sciebat, pro falso infamarit; tanta quidem pertinacia, vt cum Lollius Urbicus V.C. VERVM VIDERI, ET RATVM ESSE DEBERE, de consilio consularium virorum pronuntiasset; contra clarissima voce iurauerit vecordissimus iste tamen, illud testamentum fictum esse, adeo vt aegre Lollius Urbicus ab eius pernicie temperarit. Quam quidem vocem, & tua aequitate & mea innocentia fretus, spero in hoc quoque iudicio erupturam. Quippe qui sciens innocentem criminatur: eo sane facilius, quod iam vt dixi, mentiens apud praefectum Urbis in amplissima causa conuictus est. Namque peccatum semel, vt bonus quisque postea sollicitius cauet: ita qui ingenio malo est, confidentius integrat; ac iam de

cætero, quo sapius, eo apertius delinquit. Pudor enim, veluti vestis, quanto obsoletior est, tanto incuriosius habetur. Et ideo necessarium arbitror pro integritate pudoris mei, priusquam ad rem ag
5 grediar, maledicta omnia refutare. Sustineo enim non modò meam, verùm etiam Philosophiæ defensionem, cuius magnitudo vel minimam reprehensionem proximam crimini aspernatur: propter quod paulo priùs patroni Æmiliani multa in me
10 propriè conficta, & alia communiter in philosophos ficta ab imperitis, mercenaria loquacitate effutierunt. Quæ etsi possunt ab his futiliter blatterata ob mercedem & auctoramenta impudentiæ, deprehensa haberi, iam concesso quodam
15 more rabulis id genus, quo ferinæ solent linguæ suæ virus alieno dolori locare; attamen vel mea causa paucis refellenda sunt: ne is, qui sedulò laboro ut ne quid maculæ aut inhonestamēti in me admittam, videar cuipiam, si quid ex friuolis præ
20 teriero, id agnouisse potiùs quàm cōtempnisse. Est enim pudentis animi & verecundi, ut mea opinio fert, vel falsa vituperatione grauari; cum etiam hi qui sibi delicti alicuius conscij sunt, tamen cum malè audiunt, impendiò commoueantur, & obirascantur. quamquam exinde ut malefacere cœperunt consueuerint malè audire. Quod si à cæte-

ris silentium est: tamen ipsi sibi met conscij sunt
posse se meritò increpari. Enimuerò bonus & in-
noxius quisque, rudis & imperitas aureis ad malè
audiendum habens, & laudis assuetudine quanto
5 contumeliæ insolens, multo tanto ex animo labo-
rat, ea sibi immeritò dici, quæ ipse possit aliis verè
obictere. Quòd si fortè inepta videbor, & oppi-
dò friuola velle defendere: illis debet ea res vitio
verti, quibus turpe est etiam hæc obiectasse: non
10 mihi culpæ dari, cui honestum erit etiam hæc di-
luisse. Audisti ergo paulò priùs, in principio accu-
sationis ita dici: *Accusamus apud te philosophum formo-
sum, & tam Græcè quam Latine, proh nefas! disertissimū.*
Nisi fallor enim, his ipsis verbis accusationem mei
15 ingressus est Tannonius Pudens, homo verè ille
quidem non disertissimus. Quòd utinam tam gra-
uia formæ & facundiæ crimina verè mihi oppro-
brasset. non difficile ei respōdissem, quod Home-
ricus Alexander Hectori:

20 Οὐ πῶπο' βλητ' ὅτι θεῶν ἐρικύδεια δῶρα

Ὅσα κεν αὐτοῖς δῶσιν, ἐκὼν δ' οὐκ αὖ τις ἐλοίτο.

Munera deūm gloriosissima nequaquam aspernā-
da: quæ tamen ab ipsis tribui sueta, multis volenti-
bus non obtingunt. Hæc ego de forma respon-
dissem. præterea, licere etiam philosophos esse vul-
tu liberali. Pythagoram, qui primūm sese philoso-

phum nuncuparit, eum sui sæculi excellentissimâ
formâ fuisse: item Zenonem illum antiquum Velia
oriundum, qui primus omnium dictionem soler-
tissimo artificio ambifariam dissoluerit, eum quo-
5 que Zenonem longè decorissimum fuisse, vt Plato
autumat. Itémque multos philosophos ab ore ho-
nestissimòs memoriæ prodi, qui gratiam corporis
morum honestamentis ornauerunt. Sed hæc de-
fensio, vt dixi, aliquam multum à me remota est:
10 cui, præter formæ mediocritatē, continuatiō etiam
litterati laboris omnem gratiam corpore deterget,
habitudinem tenuat, succū exorbet, colorem ob-
litterat, vigorem debilitat. Capillus ipse, quem isti
aperto mendacio ad lenocinium decoris promif-
15 sum dixere, vides quàm non sit amœnus ac delica-
tus, horrore implexus atque impeditus, stuppeo
tormento assimilis, & inæqualiter hirtus, & globo-
sus, & congestus: prorsus inenodabilis diutinâ in-
curiâ, non modò comendi, sed saltem expediendi
20 & discriminandi. Satis, vt puto, crinium crimen
quod illi quasi capitale intenderunt, refutatum est.
De eloquentia verò, si qua mihi fuisset, neque mi-
rum, neque inuidiosum deberet videri, si ab in-
cunte æuo vnis studiis litterarum ex summis viri-
bus deditus, omnibus aliis spretis voluptatibus, ad
hoc æui, haud sciam an ne super omneis homines
impen-

impenso labore, diúque noctúque, cum despectu
& dispendio bonę valetudinis, eam quæsissem. Sed
nihil ab eloquentia metuant: quam ego, si quid o-
mnino promoui, potius spero quàm præsto. Sanè
5 quidem si verum est, quod Statium Cæcilium in
suis poëmatibus scripsisse dicunt, *Innocentiam elo-*
quentiam esse, ego verò profiteor ista ratione, ac præ
me fero, nemini omnium de eloquentia concessu-
rum. Quis enim me hoc quidem pacto eloquen-
10 tior viuat? quippe qui nihil vmquā cogitavi, quod
eloqui non auderem. Eundem me aio facundissi-
mum: nam omne peccatum semper nefas habui.
Eundem disertissimum: quòd nullum meum fa-
ctum vel dictū extet, de quo disserere publicè non
15 possim. ita vt iam de versibus dissertabo, quos à me
factos quasi pudendos protulerunt: cùm quidem
me animaduertisti cum risu illis succensentē, quòd
eos absone & indoctè pronuntiarent. Primò igitur
legerunt è Ludicris meis epistolium de denti-
20 fricio, versibus scriptum ad quendam Calpurnia-
num: qui cùm aduersum me eas litteras promeret,
non vidit profectò cupiditate lædendi, si quid mi-
hi ex illis fieret criminofum, id mihi secū esse com-
mune. Nam petisse eum à me aliquid tersui den-
tium, versus testantur:

Calpurniane salue properis versibus:

Nisi, ut peristi, mundicias dentium:

Nitelas oris ex Arabicis frugibus,

(Nisi fortè in eo reprehendendus sum, quòd Calpurniano puluisculum ex Arabicis frugibus miserim: quem multo æquius erat, spurcissimo ritu
5 Hiberorum, ut ait Catullus, --sua sibi vrina

Dentem atque rufam pumicare gingiuam.)

Tenuem, candificum, nobilem puluisculum,

Complanatorem tumidulae gingiuulae,

10 *Conuerritorem pridiana reliquia,*

Nequa visatur tetra labes sordium,

Restrictis fortè si labellis riseris.

Quæso quid habet isti versus re aut verbo pudendum? quid omnino, quod philosophus suum
15 lit videri? Vidi ego dudum vix risum quosdam tenentes, cum mundicias oris videlicet, orator ille asperè accusaret, & dentifricium tanta indignatione pronuntiaret, quanta nemo quisquā venenum. Quid ni? crimen haud contemnendum philosopho,
20 nihil in se sordidum sinere, nihil vspiciam corporis apertum, immundum pati ac foetulentum: præsertim os, cuius in propatulo & conspicuo usus homini creberrimus: siue ille cuiuspiam osculum ferat, seu cum cuiquam sermocinetur, siue in auditorio dissertet, siue in templo preces alleget. omnem quippe hominis actum sermo præit: qui, ut ait poëta

ta præcipuus, è dentium muro proficiscitur. Da-
res nunc aliquem similiter grandiloquum: dice-
ret suo more, cum primis cui vlla fandi cura sit,
impensius cætero corpore os colendum, quòd es-
5 set animi vestibulum, & orationis ianua, & co-
gitationum comitium. Ego certè pro meo captu
dixerim, nihil minus quàm oris illuuiem libero
& liberali viro competere. Est enim ea pars ho-
minis loco celsa, visu prompta, vsu fœcunda.
10 Nam quidem feris & pecudibus os humile, & de-
orsum ad pedes deiectum, vestigio & pabulo pro-
ximum, nūquam fermè nisi mortuis, aut ad mor-
sum exasperatis, conspicitur: hominis verò nihil
prius tacentis, nihil sæpius loquentis, contemplê-
15 re. Velim igitur censor meus Æmilianus respon-
deat, vñquam ne ipse soleat pedes lauare? vel si id
non negat, contendat maiorem curam mundi-
ciarum pedibus, quàm dentibus impertiendam.
Planè quidem, si quis ita vt tu Æmiliane, num-
20 quam fermè os suum nisi maledictis & calumniis
aperiat, cenfeo, ne vlla cura os percolat, neque ille
exotico puluere denteis emaculet, quos iustius car-
bone de rogo obtriuerit: neque saltem communi
aqua perluat, quin ei nocens lingua mendaciorum
& amaritudinum præministra, semper in fœtuti-
nis & olenticetis suis iaceat. Nam quæ malum, ra-

tio est, linguam mundam & lotam, vocem contrā spurcam & tetram possidere? viperæ ritu, niueo denticulo atrum venenum inspirare? Ceterum qui sese sciat rationem prompturum neque inutilem neque iniucundam, eius meritò os, ut bono potui poculum, prælauitur. Et quid ego de homine nato diutius? Belua immanis crocodilus ille qui in Nilo gignitur, ea quoque, uti comperior, purgandos sibi denteis innoxio hiatu præbet. Nam quòd est ore amplo, sed elingui, & plerumque in aqua recluso, multæ arundines dentibus implectuntur: eas illi, cum egressus in præripia fluminis hiauit, vna ex auibus fluuiialibus amica auis, iniecto rostro sine noxæ periculo exscalpit. Mitto hæc. venio ad cæteros versus, ut illi vocant, amatorios: quos tamen tam durè & rusticè legere, ut odium mouerent. Sed quid ad magica maleficia, quòd ego pueros Scribonij Læti, amici mei, carmine laudauī? An ideo Magus quia poëta? Quis vñquam fando audiuit tam similem suspicionem? tam aptam coniecturam? tam proximum argumentum? Fecit versus Apuleius: si malos, crimen est, nec tamen id philosophi, sed poëtæ: si bonos, quid accusas? At enim ludicros & amatorios fecit. Num ergo hæc sunt crimina mea, & nomine erratis, qui me magiæ detulistis? Fecere tamen & alij ta-

lia:

lia: & si vos ignoratis, apud Græcos Teius quidam, & Lacedæmonius, & Ceus, cū aliis innumeris: & mulier Lesbia, lasciue illa quidem, tantæque gratia, vt nobis insolentiam linguæ suæ, dulcedine carminum commendet: apud nos verò, 5
Ædituus, & Portius, & Catullus: isti quoque cum aliis innumeris. At philosophi non fuere. Nū igitur etiam Solonem fuisse serium virum, atque philosophū negabis? cuius ille lasciuiissimus versus est:

10 Μνησθὲν ἰμείρεον, καὶ γλυκερὲς σόματος.

Et quid tam petulans habent omnes versus mei, si cum isto vno contendantur? vt taceā scripta Diogenis cynici, & Zenonis Stoicæ sectæ conditoris. Id genus plurima recitem denuò, vt sciant me eorum non pigere. 15

Et Critias mea delicias sit salua Charine,

Pax in amore meo vita tibi remanet.

Ne metuas: nam me ignis & ignis torreat vt vult:

Hasce duas flammæ, dum potior, patiar.

20 *Hoc modò sim vobis, vnus sibi quisque quod ipse est:*

Hoc mihi vos eritis, quod duo sunt oculi.

Recitem nunc & alios, quos illi, quasi intemperatissimos, postremum legere:

Florea ferta, meum mel, & hæc tibi carmina dono.

Carmina dono tibi, ferta tuo genio:

Carmina, vti Critia lux hæc optata canatur,

B. ij.

*Quæ bis septeno vere tibi remeat,
Serta autem, ut lato tibi tempore tempora vernent:*

A Etatis florem floribus ut decores.

Tu mihi da contrà pro verno flore tuum ver,

Ut nostra exuperes munera muneribus.

Pro implexis sertis, complexum corpore redde:

Proque rosis, oris sania purpurei.

Quod si animum inspires, dona & iam carmina nostra

Cedent victa tuo dulciloquo calamo.

Habes crimen meum, Maxime, quasi improbi commissatoris, de sertis & canticis compositum. Hic illud etiam reprehendi animaduertisti, quòd cùm aliis nominibus pueri vocetur, ego eos Charinum & Critiam appellitarim. Eadem igitur opera accusent C. Catullum, quòd Lesbianam pro Clodia nominarit: & Tigidam similiter, quod quæ Metella erat, Perillam scripserit: & Propertium, qui Cynthiam dicat, Hostiam dissimulet: & Tibullum quod ei sit Plania in animo, Delia in versu: Equidem C. Lucillum, quamquam sit Iambicus, tamen improbarim, quod Gentilem & Macedonem pueros directis nominibus carmine suo prostituerit. Quanto modestius tandem Mantuanus poeta, qui itidem ut ego, puerum amici sui Pollionis bucolico ludicro laudans, & abstinens nominum, sese quidem Corydonem, puerum verò Alexin vocat? Sed
Æmilia-

Æmilianus, vir ultra Virgilianos opiliones & bu-
sequas rusticanus, agrestis quidem semper & bar-
barus, verum longè austerior, ut putat, Serranis &
Curiis & Fabriciis, negat id genus versus Platoni-
co philosopho competere. Etiamne Æmiliane, si
Platonis ipsius exemplo doceo factos? cuius nulla
carmina extant, nisi amoris elegia: nam cætera
omnia, credo quòd tam lepida non erant, igni
deussit. Disce igitur versus Platonis philosophi in
puerum Astera: si tamen tantus natu potes literas
discere.

Ἀσέρας εἶσα θρεῖς, Ἀσὴρ ἐμὸς, εἶδε γυνοῖμιν
Οὐρανὸς ὡς πολλοῖς οὐμασιν εἰς σε βλέπω.

*Astra vides. utinam fiam, mi sidus, Olympus,
Ut multis sic te luminibus videam.*

15 Ἀσὴρ ὡρὴν μὲν ἔλαμπες ἐνὶ ζωοῖσιν ἑῷος,
Νῦν δὲ θανάων λάμπεις ἔσπερος ἐν φθιμύοις.

*Lucifer ante meus rutilans mortalibus Aster:
Hesperus à fato manibus ecce nites.*

Item eiusdem Platonis, in Alexin Phædrumq; pue-
ros, in coniuncto carmine:

20 Νῦν ὅτε μηδὲν Ἀλεξίς ὅσον μόνον εἶπ' ὅτι χαλὸς
Ὡπται, καὶ πάντῃ πᾶς τις ὅπως ρέφεται.

Θυμὲ, τί μινύεις κυσὶν ὅς ἐόν, εἴτ' ἀνήσεις
Ἵερον, ἔχ' ἔγω Φαῖδρον ἀπολεσάμεν.

*Dixerit hic tantum cum nil nisi pulcer Alexis
Exitit, & verrunt quilibet in te oculos.*

Cur anime os canibus monstras, a facis que dolore

Postmodò? non Phædrum sic prius amisimus?

Et, ne plures commemorem, nouissimum versum eius de Dione Syracusano si dixerò, finem faciam.

Κείσας δ' ὀρυχόρω ἐν πατρίδι, πῆμος ἀσπίς,

ὣ ἐμὸν θυμὸν ἔχεις, θυμὸν ἔχεις Δίων,

Ciuius ingenti in patria laudate iaces nunc,

Qui insanum me animi reddis amore Dion.

Sed sumne ego ineptus, qui hæc etiam in iudicio? an vos potius calumnioli, qui etiam hæc in accusatione? quasi vllum specimen morum sit, versibus ludere. Catullum ita respondentem maliuolis non legistis?

Nam castum esse decet pium poetam

Ipsum, versiculos nihil necesse est,

Diuus Hadrianus, cum Voconij amici sui poetæ tumultum versibus veneraretur, ita scripsit:

Lasciuus versu, mente pudicus eras.

Quod nunquam ita dixisset, si forent lepidiora carmina, argumentum impuditiæ habenda. Ipsius etiam diui Hadriani multa id genus legere me meministi. Audes igitur Æmiliane dicere, malè id fieri, quod Imperator, & Diuus, & Censor Hadrianus fecit, & factum memoriæ reliquit. Cæterum Maximum quidquam putas culpaturum, quod sciat Platonis exemplo à me factum? Cuius versus, quos nunc percensui, tanto sanctiores sunt, quâto aper-
tio-

tiores: tanto pudicitius cōpositi, quanto simplicius
professi. Namque & id genus omnia dissimulare &
occultare, peccantis: profiteri & promulgare, luden-
tis est. Quippe natura vox innocentiae, silentiū ma-
5 leficio distributa. Mitto enim dicere alta illa & di-
uina Platonica, rarissimo cuique piorum gnara, cæ-
terum omnibus profanis incognita: geminam esse
Venerem deam, proprio quamq; Amore & diuer-
fis amatoribus pollētis. Earum alteram Vulgariam,
10 quæ sit percita populari Amore, non modò huma-
nis animis, verum etiam pecuinis & fērinis ad libi-
dinem imperitare, vt immodico trucique percul-
forum, animalium serua corpora complexu vin-
cientem: alteram verò Cælitē Venerem, prædita
15 quæ sit optimati Amore, solis hominibus, & eorū
paucis curare, nullis ad turpitudinem stimulis vel
illecebris sectatores suos percellentem. Quippe e-
ius amore non amœnum & lasciuum, sed contra
incomptum & serium, pulcritudine honestatis vir-
20 tutis amatoribus suis cōciliare: & si quando decora
corpora commendet, à contumelia eorum procul
absterrere. Neque enim quidquam aliud in corpo-
rum forma diligēdum, quàm quòd admoneat di-
uinos animos eius pulcritudinis, quam prius verā
& sinceram inter Deos videre. Quapropter, vt sem-
per, eleganter Afranius hoc scriptum reliquit,

Amabit sapiens, cupient ceteri.

Attamen si audire verum velis AEmiliane, vel si hæc intelligere umquam potes: non tam amat sapiens, quàm recordatur. Da igitur veniam Platoni philosopho versuum eius de amore, ne ego necesse habeam, contra sententiam Neoptolemi Enniâni, pluribus philosophari: vel si tu id nō facis, ego me facilè patiar in huiusmodi versibus culpari cū Platone. Tibi autem Maxime habeo gratiam propensam, cū has quoque appēdices defensionis meæ, 13 idcirco necessarias, quia accusationi rependuntur, tam attentè audis: & ideo hoc etiam peto, quod mihi ante ipsa crimina superest, audias, ut adhuc fecisti libenter & diligenter. Sequitur enim de Speculo, longa illa & censoria oratio: de quo pro rei 15 atrocitate pænè diruptus est Pudens, clamitans: *Habet speculum philosophus, possidet speculum philosophus.* Ut igitur habere concedam, ne aliquid obiecisse te credas, si negaro: non tamen ex eo accipi me necesse est. exornari quoque ad speculum solere. 20 Quid enim si choragium thymelicum possiderē, num ex eo argumentarēre etiam uti me consueſſe. tragœdi ſyrmate histrionis: crotaloue ad Trieterica Orgia, aut mimi centunculo? Non opinor. Nā & contrā plurimis rebus possessu careo, vſu fruor. Quod si neque habere vtendi argumentum est, neque

neque non vtendi non habere: & speculi non tam
possessio culpatur, quàm inspectio, illud etiam do-
ceas necesse est, quando, & quibus præsentibus,
in speculum inspexerim, quoniam, vt res est,
5 maius piaculum decernis, speculum philosopho,
quàm Cereris mūdum profano videre. Cedo nūc,
etsi inspexisse me fateor, quod tamen crimen est
imaginem suam nosse; eamque non vno loco con-
ditam, sed quoquò velis paruo speculo promptam
10 gestare? An tu ignoras, nihil esse aspectabilius ho-
mini nato, quàm formam suam? Equidem scio
& filiorum cariores esse, qui similes videntur: &
publicitus simulacrum suum cuique, quod videat,
pro meritis præmio tribui. Aut quid sibi statuæ &
15 imagines variis artibus effigiatae volunt? nisi fortè
quod artificio elaboratum laudabile habetur, hoc
natura oblatum culpabile iudicandum est: cū sit
in ea vel magis miranda & facilitas & similitudo,
Quippe in omnibus manu faciundis imaginibus
20 opera diutinò sumitur, neq; tamē similitudo æquē
ac in speculis comparet. Deest enim & luto vigor,
& saxo color, & picturæ rigor, & motus omnibus,
qui præcipua fide similitudinem repræsentat. Cū
in eo visitur imago mirè relata, vt similis, ita mo-
bilis, & ad omnem nutum hominis sui morigera:
eadem semper contemplantibus æquæua est, ab

ineunte pueritia, ad obeuntē senectam. tot ætatis
vices induit, tam varias habitudines corporis par-
ticipat: tot vultus eiusdem lætantis vel dolentis
imitatur. Enimuerò quòd luto fictum, vel ære in-
fufum, vel lapide incisum, vel cera inustū, vel pig- 5
mento illitum, vel alio quopiam humano artificio
adsimilatū est, non multa intercapedine temporis
dissimile redditur: & ritu cadaueris, vnum vultum
& immobilem possidet: tantum præstat imaginis
artibus ad similitudinem referendum, læuitas illa 10
speculi fabra, & splendor opifex. Aut igitur vnus
Agésilai Lacedæmonij sententia nobis sequenda
est, qui se neque pingi neque fingi vñquam, dif-
fidens formæ suæ, passus est: aut si mos omnium
cæterorum hominum retinendus videtur, in sta- 15
tuis & imaginibus non repudiandis, cur existi-
mes imaginem suam cuique visendam potius in
lapide, quàm in argento? magis in tabula, quàm
in speculo? An turpe arbitraris, formam suam spe-
ctaculo assiduo explorare? An non Socrates phi- 20
losophus vltro etiam suasisse fertur discipulis suis,
crebrò vt semet in speculo contemplarentur? vt
qui eorum foret pulcritudine sibi complacitus, im-
pendio procuraret, ne dignitatem corporis malis
moribus dedecoraret: qui verò minus se commen-
dabilem formâ putaret, sedulò operam daret, vt
virtutis

virtutis laude turpitudinem tegeret. Adeò vir omnium sapientissimus speculo etiam ad disciplinam morum utebatur. Demosthenem verò , primum dicendi artificem , quis est qui non sciat, 5 semper ante speculum, quasi ante magistrum, causas meditatum ? ita ille summus orator, cum à Platone philosopho facundiam hausisset, ab Ebulide dialectico argumentationes edidicisset, novissimam pronuntiandi congruentiam ab speculo petiuit. 10 Vtrum igitur putas maiorem curam decoris in adseueranda oratione suscipiendam rhetori iurganti, an philosopho obiurganti ? apud iudices forte ductos paulisper disceptanti, an apud omnes homines semper differenti ? de finibus agrorum 15 litiganti, an de finibus bonorum & malorum docenti ? Quid ? quòd nec ob hæc debet tantummodo philosophus speculum inuisere. Nam sæpe oportet non modò similitudinem suam , verum etiam similitudinis ipsius rationem considerare : Num, ut 20 ait Epicurus, profectæ à nobis imagines, velut quedam exuiæ , iugi fluore à corporibus manantes, cum læue aliquid & solidum offenderunt , illis reflectantur, & retro expressæ controuersim respōdeant : an vti alij philosophi disputant , radij nostri, seu mediis oculis proliquati , & lumini extraneo mixti , atque eiuniti, vti Plato arbitratur,

seu tantum oculis profecti, sine villo foris admi-
 niculo, vt Architas putat, seu intentu aëris fra-
 cti, vt Stoici rentur, cum alicui corpori incidē-
 re spisso & splendido & læui, paribus angulis,
 quibus inciderant, resultent ad facies suas redu-
 ces: atque ita quod extrà tangunt ac visant,
 id intra speculum imaginentur. Videntur ne vo-
 bis debere philosophi hæc omnia vestigare & in-
 quirere, & cuncta specula vel vda vel fuda soli
 videre? Quibus præter ista quæ dixi, etiam illa ¹⁰
 ratiocinatio necessaria est, cur in planis quidem
 speculis fermè pares obtutus & imagines videan-
 tur in tumidis verò & globosis omnia defectiora:
 at contrà in cauis auctiora: vbi, & cur læua cum
 dexteris permutentur: quando se imago eodem ¹⁵
 speculo tum recondat penitus, tum foras exerat:
 cur caua specula, si ex aduersum Soli retineantur,
 appositum fomitem accendunt? qui fiat, vti ar-
 quus in nubibus, varij & duo Soles æmula similitu-
 dine visantur? Alia præterea eiusdēmodi plurima, ²⁰
 quæ tractat volumine ingēti Archimedes Syracu-
 sanus, vir in omni quidē Geometria multum ante
 alios admirabili subtilitate: sed haud sciam, an
 propter hæc vel maximè memorandus, quòd in-
 spexerat speculum sæpe ac diligenter. Quem tu li-
 brum Æmiliane, si noffes: ac non modò campo &
 gle-

glebis, verùm etiam abaco & puluisculo te dedisses:
mihi istud crede, quamquam teterrimum os tuum
minimùm à Thyesta tragico demutet, tamen pro-
fectò, discendi cupidine, speculum inuideres: & ali-
5 quando, relicto aratro, mirarè tot in facie tua sul-
cos rugarum. At ego non mirer, si boni consulis
me de isto distortissimo vultu tuo dicere, de mori-
bus tuis multo truculentioribus reticere. Ea res est:
præterquàm quòd non sum iurgiosus, etiam liben-
10 ter te, nuper vsque, albus an ater esses ignoravi. ad-
huc hercle non satis noui. Id adeò factum, quòd &
tu rusticando obscurus es, & ego discendo occu-
patus. ita & tibi vmbra ignobilitatis à probatore
obstitit: & ego numquam studui malefacta cuius-
15 quam cognoscere: sed semper potius duxi mea pec-
cata tegere, quàm aliena indagare. Igitur hoc mihi
aduersum te vsuuenit, quod qui fortè constitit in
loco lumine conlustrato, atque eum alter è tene-
bris prospectat. Nam ad eundem modum tu qui-
20 dem quid ego in propatulo & celebri agam, facilè
è tenebris tuis arbitraris, cùm ipse humilitate abdi-
ta & lucifuga, non sis mihi mutuò conspicuus. Ego
adeò seruior: tu an habeas ad agrum colendum, an
ipse mutuarias operas cum vicinis tuis cambias, ne-
que scio neque laboro. At tu me scis eadè die treis
Oeæ manumisisse. Idque mihi patronus tuus inter

cætera à te sibi edita obiecit, quamquam modico prius dixerat, me vno seruo comite Oeam venisse. Quod quidem velim mihi respondeas, qui potuerim ex vno treis manumittere, nisi & hoc magicum est? Tantàmne esse mentiendi cæcitatem dicam, an consuetudinem? *Venit Apuleius Oeam cum vno seruo.* dein, pauculis verbis intergarritis: *Apuleius Oea vna die treis manumisit.* Ne illud quidem credibile fuisset, cum tribus venisse, omnes liberaſſe. quod tamen si ita fecissem, cur potius treis seruos inopiæ signum putares, quàm treis libertos opulentia? Nescis profectò, nescis Æmiliane, philosophum accusare, qui famulitij paucitatem obprobarris: quam ego gloriæ causa ementiari debuissem. quippe qui scirem, non modò philosophos, quorū me sectatorem fero, verùm etiam Imperatores populi Romani paucitate seruorum gloriatos. Itane tandem, ne hæc quidem legere patroni tui? M. Antonium consularem, solos octo seruos domi habuisse? Carbonem verò illum, qui rebus potitus est, vno minus? Atenim Manio Curio, tot ad oreis longè incluto, quippe qui ter triumphum vna porta egerit: ei igitur Manio Curio, duos solos in castris calones fuisse? Ita ille vir de Sabinis, deque Samnitibus, deque Pyrrho triumphator pauciores seruos habuit, quàm triumphos. M. autem Cato nihil oppertus

pertus vt alij de se prædicarent, ipse in Oratione scriptum reliquit, cum in Hispaniam consul profisceretur, treis seruos solos ex Vrbe duxisse: quum iam ad villam publicam venerat, parum visum qui
5 vteretur: iussisse duos pueros in foro de mensa emi: eos quinque in Hispaniam duxisse. Hæc Pudens si legisset, vt mea opinio est, aut omnino huic maledicto supersedisset: aut in tribus seruis multitudinem comitum philosophi, quàm paucitatem re-
10 prehendere maluisset. Idem mihi etiam paupertatem obprobrauit, acceptum philosopho crimen, & vltro profitendum. Enimuerò paupertas olim philosophiæ vernacula est: frugi, sobria, paruo potens, æmula laudis, aduersum diuitias possessa, habitu
15 secura, cultu simplex, consilio benesuada: neminem vmquàm superbia inflauit, neminem impotentia deprauauit, neminem tyrannide efferauit. delicias ventris & inguinum neque vult vllas, neque potest. Quippe hæc & alia flagitia, diuitiarum
20 alumni solent. Maxima quæque scelera si ex omni memoria hominum percenseas, nullum in illis pauperem reperies: vbi contra haud temerè inter illustres viros diuites comparent. sed quemcunque in aliqua laude miramur, eum paupertas ab incunabulis nutrita est. Paupertas inquam, prisca apud secula omnium ciuitatum

conditrix, omnium artium repertrix, omnium peccatorum inops, omnis gloriæ munifica, cunctis laudibus apud omnes nationes perfuncta. Eadem enim est paupertas apud Græcos in Aristide iusta, in Phocione benigna, in Epaminunda strenua, in Socrate sapiens, in Homero disertata. Eadem paupertas etiâ populo Rom. imperium à primordio fundavit. proque eo in hodiernum Diis immortalibus simpulo & catino fictili sacrificat. Quod si modò iudices de causa ista sederent C. Fabricius, Cn. Scipio, Manius Curius, quorum filia, ob paupertatem, de publico dotibus donata ad maritos ierunt, portantes gloriam domesticam, pecuniam publicam: si Publicola regum exactor, & Agrippa populi reconciliator, quorum funus, ob 15 tenuis opes, à populo Romano collatis sextantibus adornatum est: si Atilius Regulus, cuius agellus ob similem penuriam publica pecunia cultus est: si denique omnes illæ veteres prosapiæ Consulares & Censoriæ & triumphales, breui vsura lucis 20 ad iudicium istud remissæ audirét: auderésne paupertatē philosopho exprobrare, apud tot Consules pauperes? An tibi Claudius Maximus idoneus auditor videtur ad irridendam paupertatem, quòd ipse vberem & prolixam rem familiarem sortitus est? Erras Æmiliane: & longè huius animi frustra es, si
eum

eum ex Fortunæ indulgentia, non ex philosophiæ
censura metiris: si virum tam austeræ sectæ, tamque
diutinæ militiæ non putas amicitiorem esse coërci-
tæ mediocritati, quàm delicatæ opulentia: Fortu-
5 nam, velut tunicam, magis concinnam quàm lon-
gam probare. quippe etiam ea si non gestetur, &
trahatur, nihilo minus quàm lacinia præpendens
impedit, & præcipitat. Etenim omnibus ad vitæ
munia vtendis, quidquid aptam moderationem
10 supergraditur, oneri potius quàm vsui exuberat. I-
gitur & immodicæ diuitiæ, velut ingentia & enor-
mia gubernacula, facilius mergunt quàm regunt:
quòd habent irritam copiam, noxiam nimietatem.
Quin ex ipsis opulentioribus eos potissimùm vi-
15 deo laudari, qui nullo strepitu, modico cultu, dis-
simulatis facultatibus agunt: & diuitias magnas ad-
ministrant sine ostentatione, sine superbia, specie
mediocritatis pauperum similes. Quòd si etiam di-
tibus ad argumentum modestiæ quæritur imago
20 quæpiam & color paupertatis, cur eius pudeat te-
nuiore, quòd ea non simulata, sed verè fungimur?
Possum quidem tibi & ipsius nominis controuer-
siam facere: neminem nostrum pauperem esse, qui
superuacanea nolit, poscit necessaria. quæ natura
oppidò pauca sunt. Namque is plurimum habebit,
qui minimum desiderabit. Habebit enim quatum

volet, qui volet minimum. Et iccirco diuitiæ non melius in fundis & in fœnore, quàm in ipso hominis æstimantur animo. qui si est auaritiâ egeus, & ad omne lucrum inexplebilis, nec montibus auri satiabitur, sed semper aliquid, antè parta vti augeat, mendicabit. Quæ quidem vera confessio est paupertatis. Omnis enim cupido acquirendi ex opinione inopiæ venit. Nec refert quàm magnū sit quod tibi minus est. Non habuit tantam rem familiarem Philus, quātam Lælius: nec Lælius, quantam Scipio: nec Scipio, quantam Crassus Diues: at enim nec Crassus Diues, quantam volebat. Ita cū omneis superaret, à suamet auaritia superatus est: omnibūque potius diues visus est, quàm sibi. At contrā hi philosophi quos cōmemorauī, non vltrā¹⁵ volentes quàm poterant, sed congruentibus desideriis & facultatibus, iurè meritōque dites & beati fuerunt. Pauper enim sis appetendi egestate, diues non egēdi satietate. quippe qui inopia, desiderio, opulentia, fastidio cernuntur. Igitur Æmiliane,²⁰ si pauperem me habere vis, prius auarum esse doceas necesse. Quòd si nihil in animo deest, de rebus extraneis quantum desit non laboro: quarum neque laus in copia, neque culpa in penuria cōsistit. Sed finge hæc aliter esse, ac me ideo pauperem, quia mihi Fortuna diuitias inuidit, easque, vt fer-
mè

mè euenit, aut tutor minuit, aut inimicus eripuit,
aut pater non reliquit: hocine homini obpro-
brari, pauperiem, quod nulli ex animalibus vitio
datur? non aquilæ, non tauro, non leoni. Equus si
5 virtutibus suis polleat vt sit æquabilis vector, &
cursor pernix, nemo ei penuriam pabuli expro-
brat: tu mihi vitio dabis, non facti vel dicti alicu-
ius prauitatem: sed quòd viuo gracili Lare, quòd
pauciores habeo, parcius pasco, leuius vestio, mi-
10 nus obsono? Atqui ego contrà, quantulacunque
tibi hæc videntur multa etiam, & nimia arbitror, &
cupio me ad pauciora coërcere: tanto beatior fu-
turus, quanto collectior. Namque animi, ita vt cor-
poris, sanitas expedita, imbecillitas laciniosa est:
15 certumque signum est infirmitatis, pluribus indi-
gere. Prorsus ad viuendum, velut ad natandum, is
melior, qui onere liberior. Sunt enim similiter e-
tiam in ista vitæ humanæ tempestate leuia susten-
tatiui, grauia demersui. Equidem didici, ea re præ-
20 cedere maximè Deos hominibus, quòd nulla re ad
vsum sui indigeant. Igitur ex nobis, cui quàm mi-
nimis opus sit, eum esse Deo similiorem. Proinde
gratum habitum, ad contumeliam diceretis, rem
familiarem mihi peram & baculum fuisse. quod v-
tinam tantus animi forem, vt præter eam supelle-
ctilem nihil quidquam requirerem, sed eundem

ornatum dignè gestarem, quem Crates vltro diuitiis abiectis appetiuit ! Crates inquam, si quid credis Æmiliane, vir domi inter Thebanos proceres diues, & nobiles, amore huius habitus quem mihi obiectas, rem familiarem largam & vberem populo donauit. multis seruis à sese remotis solitatem delegit : arbores plurimas & frugiferas præ vno baculo spreuit : villas ornatissimas vna perula mutauit. quam postea, comperta utilitate, etiam carmine laudauit, flexis ad hoc Homericis versibus, quibus ille Cretam insulam nobilitat. Principium dicam, ne me hæc ad defensionem putes confinxisse:

Πήρη τις πόλις ἐστὶ μέσῳ ἐνὶ οἴνοπι τύφῳ

Καλὴ καὶ πείρα.

Ceruleo in medio quædam vrbs est perula ponto

Pulchra & opima.

Iam cætera tam mirifica. quæ si tu legis, magis mihi peram, quàm nuptias Pudentillæ inuidisses. Peram & baculum tu philosophis exprobrares? igitur & equitibus faleras, & peditibus clypeos, & signiferis vexilla, & denique triumphantibus quadrigas albas & togam palmatam. Non sunt quidem ista Platonice sectæ gestamina, sed cynicæ insignia familiæ. Verumtamen hoc Diogeni & Antistheni pera & baculus, quod Regibus diadema, quod Imperatoribus

peratoribus paludamentum, quod Pontificibus gal-
lerum, quod lituum Auguribus. Diogenes quidem
Cynicus, cum Alexandro Magno de veritate re-
gni certabundus, baculo vice sceptri gloriabatur.
5 Ipse denique Hercules inuictus, quoniam hæc tibi
vt quædam mendicabula animi sordent, ipse in-
quam Hercules lustrator orbis, purgator ferarum,
gentiũ domitor: is tamẽ Deus cùm terras peragra-
ret, paulo prius quàm in cælum ob virtutes ascitus
10 est, neque vna pelle vestitior fuit, neque vno bacu-
lo comitator. Quòd si hæc exempla nihili putas,
ac me non ad causam agendam, verùm ad censum
differendum vocasti, ne quid tu rerum mearum
nescias, si tamen nescis, profiteor mihi ac fratri
15 meo relictum à patre H S. vicies, paulo secus: idque
à me longa peregrinatione, & diutinis studiis, &
crebris liberalitatibus modicè imminutum. Nam
& amicorum plerisque opem tuli, & magistris plu-
rimis gratiam retuli, quorundam etiam filias dote
20 auxi, neque enim dubitassem equidem vel vniuer-
sum patrimonium impendere, vt acquirerem
mihi, quod maius est, contemptum patrimonij.
Tu verò Æmiliane, & id genus homines, vti tu
es, inculti & agrestes, tanti reuera estis, quantum
habetis: vt arbor infecunda & infelix, quæ nul-
lum fructum ex sese gignit, tãti est in pretio, quan-

ti lignum eius in trunco. Attamen parce postea, Æmiliane, paupertatem cuipiam obiectare, qui nuper vsque agellum Zarathensem, quem tibi vnicum pater tuus reliquerat, solus vno asello ad tempestiuum imbrem, triduò exarabas. Neque enim, diu est, cum te crebræ mortes propinquorum immeritis hereditatibus fulserunt: vnde tibi potius, quàm ob istam teterrimam faciem, Charon nomen est. De patria mea verò, quòd eam sitam Numidiæ & Gætuliæ in ipso confinio, meis scriptis ostendi: scis quibus memet verbis professus sum, cum Lolliano Auito c. v. præsentè publicè differerem, Seminumidam & Semigætulum. Non video, quid mihi sit in ea re pudendum: haud minus quàm Cyro maiori, quòd genere mixto fuit Semimedus ac Semiperfa. Non enim vbi prognatus, sed vt moratus quisque sit, spectandum: nec qua regione, sed qua ratione vitam viuere inierit, considerandum est. Olitori & cauponi meritò est concessum, olus & vinum ex nobilitate soli commendare: vnum Thasium, olus Phliasium. Quippe illa terræ alumna multum ad meliorem saporem iuuerit, & regio fœcunda, & cælum pluuium, & ventus clemens, & Sol apricus, & solum succidum. Enimverò animo hominis extrinsecus in hospitium corporis immigranti, quid est istis addi vel minui ad virtutem

virtutem vel malitiam potest? Quando non in omnibus gentibus varia ingenia prouenêre quam quam videantur quædam stultitia vel solertia insigniores. Apud socordissimos Scythas, Anacharis sapiens natus est: apud Athenienses catos, Melitides fatuus. Neque hoc eò dixi, quò me patriæ meæ pæniteret, etsi adhuc Syphacis oppidum essemus. quo tamen victo, ad Masinissam regem concessimus, munere populi: ac deinceps, veteranorum militum nouo conditu, splendidissima colonia sumus. in qua colonia patrem habui loco principe Duumviralē, cunctis honoribus perfunctum. Cuius ego locum in ea republ. exinde, vt participare curiam cœpi, nequaquā degener, pari spero honore & existimatione tueor. Cur ergo illa protuli? vt mihi tu, Æmiliane, minus posthac succēseas, potiusque vt veniam impertias, si per negligentia fortè non elegi illud tuum Atticum Zarathe, vt in eo nascerer. Nōne vos puditum est, hæc crimina tali viro audiente, tam asseueratè obiectare? friuola & inter se repugnantia simul promere? & vtraque tamen reprehendere? An non contraria accusatis? peram & baculum, ob auctoritatem: carmina & speculum, ob hilaritatem: vnum feruum, vt deparci, treis libertos, vt profusi? præterea eloquentiam Græcam, patriam barba-

ram? Quin igitur tandem expergiscimini, ac vos cogitatis apud Claudium Maximum dicere, apud virum seuerum & totius prouinciæ negotiis occupatum? Quin inquam vana hæc conuicia aufertis? quin ostenditis, quod insimulauistis, scelera immunia, & inconcessa maleficia, & arteis nefandas? Cur vestra oratio rebus flaccet, strepitu viget? Aggredior enim iam ad ipsum crimen Magiæ, quod ingenti tumultu, ad inuidiam mei, accensum, frustrata expectatione omnium, per nescio quas anileis fabulas deflagrauit. Ecquandone vidisti Maxime, flammam stipula exortam, claro crepitu, largo fulgore, cito incremento? sed enim materia leui, caduco incendio, nullis reliquiis? Hem tibi illa accusatio iurgiis inita, verbis aucta, argumentis defecta, nullis post sententiam tuam reliquiis calumniæ permansura. quæ quidem omnis Æmiliano fuit in isto vno destinata, me Magum esse. & ideò mihi libet quærere, ab eruditissimis eius aduocatis, quid sit Magus. Nam si, quod ego apud plurimos lego, Persarum lingua Magus est, qui nostra sacerdos, quod tandè est crimen, sacerdotem esse? & ritè nosse, atque scire, atque callere, leges ceremoniarum, fas sacrorum, ius religionum! Si quidem Magia id est, quod Plato interpretatur θεῶν δεξαμενίαν, cùm commemorat, quibusnam disciplinis puerum regium adulescen-

lescentē Persæ imbuant. Verba ipsa diuini viri meminī, quæ tu mecum Maxime recognosce, dicētia:
 δις ἐπὶ τὰ δὲ γυρομύρων ἐτῆρ' τὸν παῖδα πῶς λαμβάνουσιν οὐς ἐκεί-
 νοι βασιλείους παιδαγωγούς ὀνομάζουσιν. εἰσὶ δὲ ἐξ ἐιλεγμῶν
 περὶ τῶν οἱ ἀριστοὶ δόξαντες ἐν ἡλικίᾳ τέτταρες. ὁ, τε σοφώτατος,
 5 καὶ ὁ δικαιοτάτος, καὶ ὁ σωφρονέστατος, καὶ ὁ ἀνδρείοτατος. ὧν ὁ
 μὲν μαγίαν τε διδάσκει τὴν Ζωροάστρου, τοῦ Ὀρομάρζου· ὅς τ'
 δὲ τοῦτο θεῶν θεραπεία. διδάσκει δὲ καὶ τὰ βασιλικά· Au-
 ditísne Magiam, qui eam temerè accusatis, artem
 esse Diis immortalibus acceptam, colendi eos ac
 10 venerandi pergnaram, piam scilicet, & diuini sci-
 entem, iam inde à Zoroastre & Oromaze auctori-
 bus suis nobilem, cælitum antistitam? quippe inter
 prima regalia docetur. nec vlli temerè inter Persas
 concessum est Magum esse, haud magis quàm re-
 15 gnare. Idem Plato in alia sermocinatione, de Za-
 molxi quodam Thraci generis, sed eiusdem artis
 viro, ita scriptum reliquit: θεραπεία δὲ τὴν ψυχὴν ἔφ'
 ὧ μαγείᾳ, ἐπιδάσκει πρὸς τὰς δὲ ἐπιδάσκει τοὺς λόγους ἐπὶ τοὺς καλούς.
 Quod si ita est, cur mihi nosse non liceat vel Za-
 20 molxi bona verba, vel Zoroastri sacerdotia? Sin ve-
 rò, more vulgari, eum isti propriè Magum existi-
 mant, qui communione loquendi cum Diis Im-
 mortalibus, ad omnia quæ velit incredibilia qua-
 dam vi cantaminum polleat; oppidò miror cur ac-
 cusare non timuerint, quem posse tantum fatētur.
 Neque enim tam occulta & diuina potentia ca-

ueri potest, itidem vt cætera, Sicarium qui in iudicium vocat, comitatus venit : qui venenarium accusat, scrupulosius cibatur. qui furem arguit, sua custodit. Enimuerò qui Magum, qualem isti dicunt, in discrimē capitis deducit, quibus comitibus, quibus scrupulis, quibus custodibus perniciem cæcam & ineuitabilem prohibeat ? nullis scilicet. & ideo id genus crimen non est eius accusare, qui credit. Verùm hæc fermè communi quodam errore imperitorum Philosophis obiectantur: vt partim eorum 10 qui corporum causas meras & simpliceis rimantur, irreligiosos putent, eoque aiant Deos abnuere, vt Anaxagoram, & Leucippum, & Democritum, & Epicurum, cæterosque rerum naturæ patronos: partim autem, qui Prouidentiam mundi curiosius 15 vestigant, & impenſius Deos celebrant, eos verò vulgò Magos nominent: quasi facere etiam sciant, quæ sciant fieri: vt olim fuere Epimenides, & Orpheus, & Pythagoras, & Aftanes. Ac dein similiter suspectata Empedocli Catharinæ, Socrati Dæmonion Platonis, τὸ ἀζαθόν. Gratulor igitur mihi: cū & ego tot & tantis viris adnumeror. Cæterum quæ ab illis ad ostendendum crimen obiecta sunt vana & inepta & simplicia, vereor ne ideo tantum crimina putes, quod obiecta sunt. *Cur, inquit, piscium quædam genera quæſisti ?* Quasi id cognitionis gratia philo-

philosopho facere non liceat, quod luxurioso gula causa liceret? *Cur mulier libera tibi nupsit post annos tredecim viduitatis?* Quasi non magis mirandum sit, quod tot annis non nupsit. *Cur prius quam tibi nuberet, scripsit nescio quid in epistola, quod sibi videbatur?* Quasi quisquam debeat causas alienae sententiae reddere. *At enim maior natu non est iuuenem aspernata.* Igitur hoc ipsum argumentum est, nihil opus Magia fuisse, ut nubere vellet mulier viro, vidua coelibus, maior iuniori. Iam & illa similia: *Habet quidam Apuleius domi, quod secretò colit.* Quasi non id potius crimen sit, quod colas non habere. *Cecidit praesente Apuleio puer.* Quid enim si iuuenis, quid si etiam senex adsistete me corruisset, vel morbo corporis impeditus, vel lubrico soli prolapsus? His citane argumentis Magiam probatis: casu puerili, & matrimonio mulieris, & obsonio piscium? Possem equidem bono periculo, vel his dictis contentus, perorare. Quoniam tamē mihi pro accusationis longitudine largiter aquae superest, cedò, si videtur, singula cōsideremus. Atq; ego omnia obiecta, seu vera, seu falsa sint, nō negabo: sed perinde atq; si facta sint fatebor, ut omnis ista multitudo, quae plurima undique ad audiendum cōuenit, aperte intelligat, nihil in philosophos non modò verè dici, sed ne falsò quidem posse confingi, quod nō ex innocen-

tia fiducia, quamuis liceat negare, tamen habeant
potius defendere. Primum igitur argumēta eorum
conuincam, ac refutabo nihil ea ad Magiam perti-
nere: deinde, etsi maximè Magus forem: tamen
ostendam, neque causam vllam, neq; occasionem,
fuisse, vt me in aliquo maleficio experirentur. Ibi
etiam de falso inuidia, deq; epistolis mulieris per-
peram lectis, & nequius interpretatis, deque matri-
monio meo ac Pudentillæ disputabo. idq; à me su-
sceptum officij gratia, quàm lucri causa docebo. 10
Quod quidem matrimonium nostrum Æmiliano
huic immane quanto angori, quantæque inuidiæ
fuit. Inde omnis huiusce accusationis obeundæ ira
& rabies, & denique insania exorta est. Quæ si
omnia palàm & dilucidè ostendero, tunc denique 15
te, Claudii Maxime, & omneis qui adsunt contesta-
bor, puerum illum Sicinium Pudētem priuignum
meum, cuius obtentu & voluntate à patruo eius
accusor, nuperrimè curæ meæ ereptum, postquam
frater eius Pontianus & natu maior, & moribus 20
melior, diē suum obiit, atque ita in me ac matrem
suam nefariè efferatum non mea culpa, desertis
liberalibus studiis, ac repudiata omni disciplina,
scelestis accusationis huius rudimentis, patruo
Æmiliano potius quàm fratri Pontiano similem
futurum. Nunc, vt institui, proficiscar ad omnia
Æmiliana-

Æmiliani huiusce deliramenta, orsus ab eo, quod
ad suspicionem Magiæ, quasi validissimū in prin-
cipio dici animaduertisti: nonnulla me piscium
genera per quosdam piscatores pretio quæsisse. V-
5 trum igitur horum ad suspectandam Magiam va-
let? quod ne piscatores mihi piscem quæsierunt? sci-
licet ergo phrygionibus aut fabris negotium istud
dandum fuisse: atque ita opera cuiusque artis per-
mutanda, si vellem calumnias vestras vitare, vt fa-
10 ber mihi piscem, vt piscator mutuò lignum dedo-
laret? An ex eo intellexistis maleficio quæri pisci-
culos, quòd pretio quærebantur? Credo si conui-
uio vellem, gratis quæsissem. Quin igitur etiam ex
aliis plerisque me arguitis? Nam sæpenumero & vi-
15 num, & olus, & pomum & panem pretio mutavi.
Eo pacto cupediariis omnibus famem decernis.
Quis enim ab illis obsonare audebit? siquidem sta-
tuitur, omnia edulia, quæ depenso parantur, non
cænæ, sed Magiæ desiderari. Quod si nihil remanet
20 suspicionis, neque in piscatoribus mercede inuita-
tis, ad quod solent, ad piscem capiundum, quos ta-
mē nullos ad testimonium produxêre: quippe qui
nulli fuerunt: neque in ipso pretio rei venalis, cuius
tamen quantitatem nullam taxauere, ne, si medio-
cre pretium dixissent, cōtemneretur: si plurimum,
non crederetur: si in his, vt dico, nulla suspicio est,

respondeat mihi Æmilianus, quo proximo signo ad accusationem Magiæ sit inductus. *Pisces*, inquit, *quæris*. Nolo negare. Sed oro te, qui pisces quærit, Magus est? Equidem non magis arbitror quàm si lepores quærerem, vel apros, vel altilia. An soli pi-
 sces habent aliquid occultum aliis, sed Magis co-
 gnitum? Hoc si scis quid sit, Magus es profectò:
 sin nescis, confitearis necesse est, id te accusare,
 quod nescis. Tam rudes vos esse omnium littera-
 rum, omnium denique vulgi fabularum, vt ne
 fingere quidem possitis ista verisimiliter? Quid e-
 nim competit ad amoris ardorem accendendum,
 piscis brutus & frigidus, aut omnino res pelago
 quæsitæ? Nisi fortè hoc vos ad mendacium indu-
 xerit, quòd Venus dicitur pelago exorta. Audi sis
 Tanti Pudentis, quàm multa nescieris, qui de pi-
 scibus argumentum Magiæ recepisti. At si Virgi-
 lium legisses, profectò scisses, alia quæri ad hanc
 rem solere. Ille enim, quantum scio, enumerat vit-
 tas molleis, & verbenas pingueis, & thura mascula, & licia
 discolora: præterea laurum fragilem, limum durabilem,
 ceram liquabilem: nec minus, quæ iam in opere scri-
 psit serio,

Falcibus & messe ad Lunam quærentur ahenis

Pubentes herba, nigri cum lacte veneni.

Quæritur & nascentis equi de fronte reuulsus

Et

Et matri præreptus amor.

At tu piscium insimulator, longè diuersa instru-
 menta Magis attribuis: non frontibus teneris de-
 tergenda, sed dorsis squallentibus excindenda: nec
 5 fundo reuellenda, sed profundo extrahenda: nec
 falcibus metenda, sed hamis inuncanda. Postremò,
 in maleficio ille venenum nominat, tu pulmen-
 tum: ille herbas & surculos, tu squamas & ossa: ille
 pratum decerpit, tu fluctum scrutaris. Memorassem
 10 tibi etiam Theocriti paria, & alia Homeri, & Or-
 pheï plurima, & ex comædiis & tragædiis Græcis,
 & ex historiis multa repetissem, nisi te dudum ani-
 maduertissem Græcam Pudentillæ epistolam lege-
 re nequiuisse. Igitur vnum etiam poëtam Latinum
 15 attingam. versus ipsos, quos agnoscent qui Læ-
 lium legere:

Philira omnia vndique eruunt.

Antipathes illud quaeritur,

Trochiscili, vngues, tenia,

20 *Radicula, herba, surculi,*

Aurea ilices, bichordila.

Hinnientum dulcedines.

Hæc & alia quæsisse me potius, quàm pisces, longè
 verisimilius confinxisses, (his etenim fortasse per
 famam peruulgatam fides fuisset,) si tibi vlla eru-
 ditio adfuisset. Enimuero piscis ad quam rem fa-

ciat captus, nisi ad epulas coctus? cæterum ad Magiam nihil. Quare autē videatur nihil adiutare, dicam vnde id cōiectem. Pythagoram plerique Zoroastri sectatorem, similiterque Magiæ peritum arbitrati, eum memoriæ prodiderunt, cū animaduertisset proximè Metapontum, in littore Italiæ suæ, quam subsiciuam Græciam fecerat, à quibusdā piscatoribus euerriculum trahi, fortunam iactus eius emisse: & pretio dato, iussisse illico pisces eos qui capti tenebātur, solui retibus, & reddi profundo. Quos scilicet eum de manibus amissurum non fuisse, si quid in his vtile ad Magiam comperisset. Sed enim vir egregiè doctus & veterum æmulator, meminerat Homerum poëtam multiscium, vel potius cunctarum rerum adprimè peritum, vim omnem medicaminum non mari sed terræ ascripsisse: cū de quadam saga ad hunc modum memorauit:

Τοῖα Διὸς θυγάτηρ ἔχε φάρμακα μητόεντα
 Ἐὐδ' λάτ' οἱ Πολύδαμνα πόρεν Θῶνος ὠδ' ἄκοιτις
 Αἰγυπλίῃ τῇ πλεῖστα φέρει ζείδωρος ἄρ' ἄρα
 Φάρμακα, πολλὰ μὲν ἔσ' λά μ' ἐμιγμύα, πολλὰ δ' ἔλ' ὑγρὰ.

20

Itémque alibi carminum similiter:

Ὡς ἄρα φωνήσας, πόρε φάρμακον Ἀργειφόντης
 Ἐκ γαίης ἐρύσας.

Cū tamen numquam apud eum marino aliquo & pisculento medicauit: nec Proteus faciem, nec Vlyf-

Vlysses scrobem, nec Æolus follem, nec Helena crateram, nec Circe poculum, nec Venus cingulū. At vos soli reperti estis ex omni memoria, qui vim herbarum, & radicum, & furculorum, & lapillorum, quasi quadam colluione naturæ, de summis montibus in mare transferatis, & penitus piscium ventribus insuatis. Igitur vt solebat ad Magorum cerimonias aduocari Mercurius carminum vector, & illex animi Venus, & Luna noctium conscia, & manium potens Triuia: vobis auctoribus, posthac Neptunus cum Salacia, & Portunus cum omni choro Nereidum, ab æstibus fretorum ad æstus amorum transferentur. Dixi cur non arbitrer quidquam negotij esse Magis & piscibus. Nunc, si videtur, credamus Æmiliano, solere pisces etiam ad Magicas potestates adiuuare. nū ergo propterea, quicumque piscem quærit, & ipse Magus est? Eo quidem pacto, & qui myoparones quæsierit, pirata erit: & qui vectem, perfossor: & qui gladium, sicarius. Nihil in rebus omnibus tam innoxium dices, quin id possit aliquid aliquà obesse: nec tam lætum, quin possit ad tristitudinem intelligi. Nec tamen idcirco omnia ad nequiorem suspensionem trahuntur. vt si thus & casiam & myrrham, cæterosque id genus odores funeri tantum emptos arbitreris, cum & medicamento parentur, & sacrificio. Cæte-

rùm eodẽ piscium argumento, etiam Menelai
socios putabis Magos fuisse, quos ait poëta præci-
puus, flexis hamulis apud Pharum insulam famem
propulsaſſe. etiam mergos, & delphinos, & scyllas,
tu eodẽ referes: etiam gulones omneis, qui im-
penſo piſces pretio à piſcatoribus mercantur: e-
tiam ipſos piſcatores, qui omnium generũ piſceis
arte anquirunt. Cur ergo & tu quæris? Nolo equi-
dem, nec neceſſarium habeo tibi dicere: ſed per te,
ſi potes, ad hoc quæſiſſe me argue. Vt ſi hellebo- 10
rum, vel cicutam, vel ſuccum papaueris emiſſem, i-
tem alia eiufdem modi, quorum moderatus uſus
ſalutaris, ſed commixtio vel quantitas noxia eſt:
quis æquo animo pateretur, ſi me per hoc venefi-
cij arceſſeres, quòd ex illis poteſt homo occidi? Vi- 15
deamus tamen quæ fuerint piſcium genera, tam
neceſſaria ad habẽdum, tamque rara ad reperien-
dum, ut meritò ſtatuto præmio quærerentur. Tria
omnino nominauerunt: vnum falſi, duo mentiti.
Falſi, quòd leporem marinum fuiſſe dixerunt, qui 20
alius omnino piſcis fuit: quem mihi Themifon ſer-
uus noſter, medicinæ non ignarus, ut ex ipſo audi-
ſti, ultro attulit ad inſpiciundum. nam quidem Le-
porem nondum etiam inuenit. Sed profiteor me
quærare & cætera, non piſcatoribus modò, verùm
etiam amicis meis negotio dato, quicũque minus
cogniti

cogniti generis piscis inciderit, vt eius mihi aut
formam commemorent, aut ipsum viuum: si id ne-
quierint, vel mortuum ostendant. Quamobrem id
faciam, mox docebo. Mentiti autem sunt callidif-
5 simi accusatores mei, vt sibi videntur: cum me ad
finem calumniæ confinxerunt, duas res marinas,
impudicis vocabulis quæsisse. quas Tannonius il-
le, cum vtriusque sexus genitalia intelligi vellet, sed
eloqui propter infantiam, caufidicus summus, ne-
10 quiret, multum ac diu hæsitato, tandem *virile mari-
num*, nescio qua circumlocutione malè ac sordidè
nominauit. Sedenim feminal nullo pacto reperiēs
munditer dicere, ad mea scripta confugit, quia & è
quodam meo libro legit: *Interfeminium regat, & femo-
15 ris obiectu, & palmæ velamento*. Hic etiam, pro sua gra-
uitate, vitio mihi vertebat, quòd me nec sordidio-
ra dicere honestè pigeret. Atego illi contrà iustius
exprobrauerim, quòd qui eloquentiæ patrocinium
vulgò profiteatur, etiam honesta dictu sordidè
20 blatteret, ac sæpe in rebus nequaquam difficilibus
fringultiat, vel omnino obmutescat. Cedo enim, si
ego de Veneris statua nihil dixissem, neque *inter-
feminium* nominassem, quibus tandem verbis ac-
cusasses crimen illud, tam stultitiæ quàm linguæ
tuæ congruens? An quidquam stultius, quàm ex
nominum propinquitate vim similè rerum conie-

ctari? Et fortasse an peracutè reperisse vobis videbami-
mini. At quæsisse me fingeretis ad illecebras Magi-
cas duo hæc marina, Veretillam, & Virginal. disce
enim nomina rerum Latina. quæ propterea variè
nominaui, vt denuò instructus accuses. Memento
tamen tam ridiculum argumentum fore, desidera-
ta ad res Venereas marina obscœna, quàm si dicas
marinum pectinem comendo capillo quæsitum,
vel aucupandis volantibus piscem accipitrem, aut
venandis apris piscem apriculum, aut eliciendis
mortuis marina caluaria. Respondeo igitur ad
hunc vestrum locum, non minus insulsè quàm ab-
surdè commentū, me hæc nugas marinas, & quif-
quillas littoraleis neque pretio neque gratis quæ-
sisse. Illud etiam præterea respondeo, nescisse vos,
quid à me quæsitum fingeretis. Hæc enim friuola,
quæ nominastis, pleraque in littoribus omnibus
congestim & aceruatim iacent, & sine ullius opera,
quolibet leuiter motis flucticulis, vltro foras euol-
uuntur. Quin ergo dicitis me eadem opera pretio
impenso per plurimos piscatores quæsisse de lito-
re, conchulam striatam, testam hebetem, calculum
teretem: præterea cancrorum furcas, echinorum
calyculos, lolliginum ligulas: postremò assulas, fe-
stucas, resticulas, & ostrea Pergami vermiculata:
denique muscum, & algam, & cætera maris eiecta-
menta

menta. quæ vbique litorum ventis expelluntur,
falo expuuntur, tempestate reciprocantur, tran-
quillo deferuntur. Neque enim minus istis, quæ
commemoravi, accommodari possunt similiter ex
5 vocabulo suspiciones. Posse dicitis ad res Venereas
sumpta de mari spuria & fascina, propter nomi-
num similitudinem, qui minus possit ex eodem lit-
tore calculus ad vesicam, testa ad testamentum, can-
cer ad vlcera, alga ad querquerum? Næ tu Claudi
10 Maxime nimis patiens vir es, & oppidò proxima
humanitate, qui hæc eorum argumentationes diu
herclè perpeßus sis. Equidem cùm hæc ab illis qua-
si graua & inuincibilia dicerentur, illorum stulti-
tiam ridebam, tuam patientiam mirabar. Cæterùm,
15 quamobrem plurimos iam piscis cognouerim,
quorundam adhuc nescius esse nolui, discat Æmi-
lianus, quoniã vsque adeò rebus meis curat. quam-
quam est iam præcipiti æuo, & occidua senectute,
tamen si videtur, suscipiat doctrinam, seram planè,
20 & postumam. Legat veterum philosophorum mo-
numenta, tandem vt intelligat, non me primùm
hæc requisisse, sed iam pridem maiores meos, Ari-
stotelem dico, & Theophrastum, & Eudemum, &
Lyconem, cæterosque Platonis minores: qui pluri-
mos libros de genitu animalium, deque victu, de-
que particulis, deque omni differentiâ relique-

runt. Bene, quòd apud te, Maxime, causa agitur, qui pro tua eruditione legisti profectò Aristotelis Περὶ ζώων γενέσεως, Περὶ ζώων ἀνατομῆς, Περὶ ζώων ἰσοείας multiu-
ga volumina: præterea Problemata innumera eiusdem: tum ex eadem secta cæterorū, in quibus id ge-
nus varia tractantur. Quæ tanta cura conquisita, si honestum & gloriosum fuit illis scribere, cur turpe sit nobis experiri? præsertim cū ordinatius & co-
hibilius, eadē Græcè & Latinè adnitar conscribere, & in omnibus aut omissa anquirere aut defecta sup-
plere? Permittite, si opera est, quædam legi de Magi-
cis meis; vt sciat me Æmilianus, plura, quàm putat, quærere, & sedulò explorare. Prome tu librum ex Græcis meis, quos fortè hîc amici habuere, sed utiq;
Naturalium Quæstionum: atque eum maximè, in
quo plura de piscium genere tractata sunt. Interea dum hic quærit, ego exemplum rei competens di-
xero. Sophocles poëta Euripidi æmulus & super-
stes, vixit enim ad extremam senectam: cū igitur accusaretur à filio suomet dementiæ, quasi iam per
ætate desiperet: protulisse dicitur Coloneum suam, peregre-
regiam tragœdiarum, quam fortè tum in eo tempore conscribebat: eam iudicibus legisse, nec quidquā amplius pro defensione sua addidisse, nisi vt audacter dementiæ cōdemnarent, si carmina se-
nis displicerent. Ibi ego comperior, omnes iudices
tanto

tanto poëtæ adfurrexisse, miris laudibus eum tulisse, ob argumēti solertiam, & cothurnum facundiæ: nec ita multum omnis abfuisse, quin accusatorem potius demētiae condēnarent. Inuenisti tu librum?
 5 Beasti. Cedò. enim experiamur, an & mihi possint in iudicio litterę meę prodesse. Lege pauca in principio, deinde quędā de piscibus. At tu, interea dum legit, aquam sustine. LOCVS EX GRAECO LIBRO
 APVLEI NATVRALIVM QVÆSTIONVM.
 10 Audisti Maxime, quorum pleraque scilicet legeras apud antiquos philosophorum. & memento, de solis piscibus hæc volumina à me cōscripta: qui eorum coitu progignantur; qui ex limo coalescant; quoties & quid anni cuiusque eorum generis fe-
 15 minæ subent, mares furiant; quibus membris & causis discreuerit natura viuiparos eorum & ouiparos. ita enim appello, quæ Græci ζωοτόντα καὶ ὠοτόντα. Et, ne operosē animalium genita pergam, deinde de differentia & victu, & membris, & æ-
 20 tatibus, cæterisque plurimis, scitu quidem necessariis, sed in iudicio alienis. Pauca etiam de Latinis scriptis meis, ad eandem peritiam pertinentibus, legi iubebo. in quibus animaduertes, cum in eis cognitu rara, tum nomina etiam Romanis inusitata, & in hodiernum, quod sciam, infecta: ea tamen nomina labore meo & studio ita

de Græcis prouenire, vt tamen Latina moneta percussa sint. Vel dicant nobis, Æmiliane, patroni tui, vbi legerint Latinè hæc pronuntiata vocabula. de solis aquatilibus dicam, nec cætera animalia nisi in communibus differentiis attingam. Ausculta igitur quæ dicam. Iam me clamabis magica nomina Ægyptio vel Babylonico ritu percensere GRÆCA VOCABULA. Possum etiam pergere. sed non est operæ in istis diem terere, vt sit mihi tempus aggredi ad cætera. hæc interim, quæ dixi, pauca recitata, Latinè à me enuntiata. VERSIO SUPERIORVM GRÆCORVM VOCABVLORVM.

Vtrum igitur putas philosopho, non secundum Cynicam temeritatem rudi & indocto, sed qui se Platonicae scholæ meminerit, vtrum ei putasturpe, scire ista an nescire? negligere, an curare? nosse quanta sit etiam in istis prouidentiae ratio, an de Diis immortalibus matri & patri credere? Q. Ennius ædes Phagitica, quæ versibus scripsit, innumerabilia piscium genera enumerat, quæ scilicet curiosè cognouerat. Paucos versus memini. eos dicam:

*Omnibus vt Clypea præstat, mustela marina,
Mures sunt AEni, ast aspra ostrea plurima Abydi,
Mirylena est pecten, caprosque apud Ambracienses
Brundusii sargus bonus est. hunc, magnus erit si,*

Sume.

*Sume. Apriculus piscem scito primum esse Tarenti.
 Surrenti fac emas, glaucum Cumas apud. at quid?
 Scarum præterij, cerebrum Iouis pæne supremi.
 Nestoris ad patriam hic capitur magnusque bonusque.
 5 Melanurum, turdum, merulamque, umbramque marinam.
 Polypus Corcyra, caluaria pinguis Atarnæ
 Purpura, muriculi, murex, dulces quoque echini.*

Alios etiam multis versibus decorauit, & ubi
 gentium quisque eorum inueniatur ostendit: qua-
 liter assus aut iussulentus optimè sapiat. nec tamen
 10 ab eruditis reprehenditur: ne ego reprehendar, qui
 res paucissimis cognitas Græcè, Latinè propriis &
 elegantibus vocabulis conscribo. Cùm hoc satis
 dixi, tum aliud accipe. Quid enim tandem, si medi-
 15 cinæ neque instudiosus, neque imperitus, quæpiam
 remedia ex piscibus quæro, ut sanè sunt plurima,
 cum in aliis omnibus rebus eodem naturæ munere
 interspersa atque interfeminata, tum etiam non-
 nulla in piscibus. an remedia nosse, & ea conqui-
 20 rere, magi potius esse, quàm medici, quàm denique
 philosophi putas? qui illis non ad quæstum, sed ad
 suppetias usus est. Veteres quidem medici etiam
 carmina remedia vulnerum norant, ut omnis ve-
 tustatis certissimus auctor Homerus docet: qui fa-
 cit Ulixi de vulnere sanguinem profluentem sisti
 cantamine. Nihil enim quod salutis ferendæ gratia

fit, criminofum eſt. *At enim*, inquit, *piſcem cui rei niſi
male proſcidifti, quem tibi Themifon ſervus attulit* ? Quaſi
verò non paulò prius dixerim, me de particulis
omnium animalium, de ſitu earum, deque nume-
ro, deque cauſa conſcribere : ac libros *Ἀνατομῶν* 5
Ariſtoteli & explorare ſtudio, & augere. Atque
adeò miror, quòd vnum à me piſciculum inſpectũ
ſciatis, cum iam plurimos qui vbicunque locorum
oblatis ſunt, æquè inſpexerim. præſertim quòd ego
nihil clanculo, ſed omnia in propatulo ago, ac qui 10
uis vel extrarius arbiter aſſiſtat : more hoc & inſti-
tuto magiſtrorum meorum, qui aiunt, hominem
liberum & magnificum debere, ſi queat, in primo-
ri fronte animum geſtare. Hunc adeò piſciculum,
quem vos *leporem marinum* nominatis, plurimis 15
qui aderant oſtendi. necdum etiam decerno quid
vocent, niſi quæram fanè accuratius, quòd nec
apud veteres philoſophos proprietatem eius piſcis
reperio. quamquam ſit omnium rariffima, & hercu-
lè memoranda. Quippe ſolus ille, quantum ſciam, 20
cũ ſit cætera exoffis, duodecim numero offa, ad
ſimilitudinem talorum ſuillorum, in ventre eius
connexa & catenata ſunt. Quod Ariſtoteles ſi
ſciſſet, numquam profectò omiſiſſet ſcripto pro-
dere: qui aſelli piſcis ſolius omnium in mediâ aluo
corculum ſitum pro maximo memoravit. *Piſcem*,
inquit

inquit *proscidisti*. Hoc quis ferat philosopho crimen
 esse, quòd lanio vel coco non fuisset? *Pisces prosci-*
disti. quod crudum? id accusas? si cocto ventrem ru-
 sparer, hepeticia suffoderem, ita vt apud te puerulus
 5 ille Sicinius Pudens suomet obsonio dixit, eam
 rem non putares accusandam? Atqui maius cri-
 men est philosopho comesse pisceis, quàm inspi-
 cere. An hariolis licet iocinera rimari, philoso-
 pho contemplari non licebit? qui se sciat omnium
 10 animalium aruspicem, omnium Deum sacerdo-
 tem? Hoc in me accusas, quod ego & Maximus in
 Aristotele miramur? cuius nisi libros bibliothecis
 exegeris, & studiosorum manibus extorseris, ac-
 cusare me non potes. Sed de hoc pænè plura quàm
 15 debui. Nunc præterea vide, quàm ipsi sese reuin-
 cant. Aiunt, mulierem magicis artibus, marinis il-
 lecebris à me petita eo in tempore, quo me nō ne-
 gabunt in Gætuliæ mediterraneis montibus fuisse:
 vbi pisces per Deucalionis diluuià reperiantur.
 20 Quod ego gratulor nescire istos, legisse me Theo-
 phraستي quoque *Περὶ δαιμονίων καὶ βλητικών*, & Nicandri,
Θηριακά. Ceterum me etiam veneficii postularent: vt
 qui hoc negotiū ex lectione & æmulatione Aristoteli
 nactus sim: non nihil & Platone me adhortan-
 te, qui ait, eum qui ista vestiget, *φρονεῖν ἀθάνατα καὶ θεῖα*
αἵ περ ἀληθείας ἐφάπτεται. Nūc quoniam pisces horum

fatis patuerunt: accipe aliud, pari quidem stultitia,
sed multo tanto vanius & nequius excogitatum.
Scierunt & ipsi, argumētum piscarium futile, & ni-
hili futurum: præterea nouitatem eius ridiculam.
Quis enim fando audiuit, ad maleficia Magica dis-
quamari & exdorsari pisceis solere? Potius aliquid
de rebus peruulgationibus, & iam creditis fingen-
dum esset. Igitur ad præscriptū opinionis & famæ,
confinxere puerum quempiam carmine cantatum
remotis arbitris, secreto loco, arula & lucerna, &
paucis consociis testibus: ubi incantatus sit, cor-
ruisse: postea nescientem sui, excitatum. Nec ultra
isti quidem progredi mēdacio ausi. Etenim fabula
ut impleretur, addendum etiam illud fuit, puerum
eundem multa prælagio prædixisse. quippe hoc
emolumentum canticis accipimus, prælagium &
diuinationem. Nec modò vulgi opinione, verum
etiam doctorum virorū auctoritate, hoc miracu-
lū de pueris cōfirmatur. Memini me apud Varronē
philosophum, virum accuratissimè doctum atque
eruditum, cū alia huiusmodi, tum hoc etiam le-
gere: Trallibus de euentu Mithridatici belli Ma-
gica percontatione cōsulentibus, puerum in aqua
simulacrum Mercurij contemplantem, quæ futura
erant centum sexaginta versibus cecinisse. Itēque
Fabium, cū quingentos denarios perdidisset, ad
Nigi-

Nigidium consultum venisse: ab eo pueros carmine instinctos indicant, ubi locorum defossa esset crumena, cum parte eorum: ceteri viderent distributi: vnum etiam denarium ex eo numero habere
5 M. Catonem philosophum. quem se à pedisse quo in stipe Apollinis accepisse Cato confessus est. Hęc & alia apud plerosque de Magicis pueris lego equidem: sed dubius sententiæ sum, dicamne fieri posse, an negem. Quamquam Platoni credam, inter
10 Deos atque homines, naturâ & loco medias quasdam diuorum potestates intersitas, easque diuinationes cunctas & Magorum miracula gubernare. Quin & illud mecum reputo, posse animum humanum, & puerilem præsertim, simplicemque, seu
15 carminum auocamento, siue odorum delinimento soporari, & ad obliuionem præsentium externari: & paulisper remota corporis memoria, redigi ac redire ad naturam suam, quæ est immortalis scilicet, & diuina: atque ita, veluti quodam sopore, futura rerum præfagire. Verum enim uerò, vt ista se-
20 se habent, si qua fides hisce rebus impertienda est, debet ille nescio qui puer prouidus, quantum ego audio & corpore decorus atque integer deligi, & animo solers, & ore facundus: vt in eo aut diuina potestas, quasi bonis ædibus, diuersetur, si dignè tamen ea pueri corpore includitur: aut ipse animus

expergitus, citò ad diuinationem suam edigatur: quæ ei promptè insita, & nulla obliuione faucia & hebes, facilè reseruitur. Non enim ex omni ligno, ut Pythagoras dicebat, debet Mercurius exsculpi. Quod si ita est, nominate quis ille fuerit puer, sanus, incolumis, ingeniosus, decorus, quem ego carmine dignatus sim initiare. Cæterùm Thallus, quem nominastis, medico potius quàm Mago indiget. est enim miser morbo comitali ita infectus, ut ter aut quater die sæpenuerò, sine vllis cantaminibus, corruat, omniàque membra conflictationibus debilitet: facie vlcerosus, fronte & occipitio conquassatus, oculis hebes, naribus hiulcus, pedibus caducus. Maximus omnium Magus est, quo præsentè Thallus diu steterit. ita plerumque morbo seu somno vergens inclinatur. Eum tamen vos carminibus meis subuersum dixistis, quòd fortè me coram semel decedit. Conserui eius plerique adsunt, quos exhiberi denuntiastis. Possunt dicere omnes, quid in Thallo dispiciat: cur nemo audeat cum eo ex eodem catino cænare, eodem poculo bibere. Et quid ego de seruis? vos ipsi videtis. Negate Thallum, multò prius quàm ego Oeam venirem, corruere eo morbo solitum, medicis sæpenuerò ostensum. Negant hoc conserui eius, qui sunt in ministerio vestro? Omnium rerù cōuictum
me

me fatebor, nisi de omnium consensu rus diu ab-
legatus est, in longinquos agros, ne familiam con-
taminaret. Quod ita factum, nec ab illis negari po-
test: eò nec potuit hodie à nobis exhiberi. Nam, vt
5 omnis ista accusatio temeraria & repentina fuit,
nudiustertius nobis Æmilianus denūtiavit, vt ser-
uos numero quindecim apud te exhiberemus. Ad-
sunt quatuordecim, qui in oppido erant. Thallus
solus rus ablegatus, vt dixi, & quidem fermè ad cen-
10 tesimum lapidē, longè ex oculis. Thallus solus ab-
est, sed misimus qui eum curriculò aduehat. Inter-
roga Maxime, quatuordecim seruos, quos exhibe-
mus, Thallus puer vbi sit, & quàm saluè agat: inter-
roga seruos accusatorum meorum. non negabunt,
15 turpissimum puerum corpore putri & morbidò
caducum, barbarum, rusticanū. Bellum verò pue-
rum elegistis, quem quis sacrificio adhibeat, cuius
caput contingat, quem pulcro pallio amiciat, à quo
responsum speret. Vellem herculè adesset, tibi eum
20 Æmiliane permissem, vt teneres ipse, vt inter-
rogares. Iam in media quæstione, hic ibidem
pro tribunali oculos truces in te inuertisset, fa-
ciem tuam spumabundus conspuisset, manus con-
traxisset, caput succussisset, postremò in sinu tuo
corruisset. Quatuordecim seruos quos postula-
sti, exhibeo: cur illis ad quæstionem nihil vteris,

vnum puerum, atque eum caducū, requiris, quem olim abesse pariter mecum scis? Quæ alia est euidē-
tior calumnia? Quatuordecim serui petitu tuo ad-
sunt, eos dissimulas: vnus puerulus abest, eum insi-
mulas. Postremò quid vis? puta Thallum adesse. Vis
probare, eum præsentem me concidisse? Vltrò confi-
teor. Carmine id factum dicis? hoc puer nescit: ego,
non factum, reuincō. Nunc, caducū esse puerum,
nec tu audebis negare. Cur ergo carmini potius,
quàm morbo attribatur eius ruina? An euenire
non potuit, vt fortè præsentem me idem pateretur,
quod sæpè alias multis præsentibus? Quod si ma-
gnū putarem, caducū deiicere, quid opus car-
mine fuit? cū incēsus gagates lapis, vt apud phy-
sicos lego, pulchrè & facilè hunc morbum explora-
ret: cuius odore etiam in venalitiis, vulgò sanitatem
aut morbum venalium experiantur. Etiam orbis à
figulo circumactus, non difficile eiusdem valitudi-
nis hominē vertigine sui corripit: ita spectaculum
rotationis, eius animum faucium debilitat: ac mul-
tò plus ad caducos consternendos figulus valet,
quàm Magus. Tu frustra postulasti vt seruos exhi-
berem: ego nō de nihilo postulo, vt nomines, qui-
nam testes huic piaculari sacro adfuerint, cū ego
ruentem Thallum impellerē. Vnum omnino no-
minas puerulum illum Sicinium Pudentem, cuius
me no-

me nomine accusas: is enim affuisse se dicit. cuius pueritia etsi nihil ad religionem suffragaretur, tamen accusatio fidem derogaret. Facilius fuit Æmiliane, ac multo grauius, tete vt ipsum diceret inter-
5 fuisse, & ex eo sacro cœpisse demētire potiùs, quàm totum negotium, quasi ludicrum, pueris donares. Puer cecidit, puer vidit. num etiam puer aliquis incantauit? Hic satis veteratoriè Tannonius Pudens, cùm hoc quoque mēdacium frigere, ac propè iam
10 omnium vultu & murmure explosum videret: vt vel suspiciones quorundam spe moraretur, ait pueros alios producturum, qui sint æquè à me incantati. atque ita ad aliam speciem argumenti trāsgressus est. Quod quamquam dissimulare potui,
15 tamen vt omnia, ita hoc quoque vltro prouoco. Cupio enim produci eos pueros, quos spe libertatis audio confirmatos ad mentiendum. Sed nihil amplius dico, quàm vt producant. Postulo igitur & flagito, Tannoni Pudēs, vt expleas quod es pol-
20 licitus. Cedò pueros istos quibus cōfiditis. produc, nomina qui sint. mea aqua licet ad hoc vtare. Dic inquam Tannoni. quid taces? quid contaris? quid respectas? Quòd si hic nescit quid dixerit, aut nomina oblitus est, at tu Æmiliane cede huc. dic quid aduocato tuo mandaueris. exhibe pueros. Quid expalluisti? quid taces? hoc cine accusare est?

hoccine tantum crimen deferre? an Claudium Maximum, tantum virum, ludibrio habere, me calumnia infectari? Quod si fortè patronus tuus verbo prolapsus est, & nullos pueros habes quos producas, saltem quatuordecim seruis, quos exhibui, ad aliquid vtere: aut cur sisti postulabas tantam familiam? Magiæ accusans de quindecim seruis denuntiasti: quòd si de vi accusares, quot tandem seruos postulares? Sciunt ergo aliquid quindecim serui, & occultum est? an occultum non est, & 10 Magicum est? Alterum horum fatearis necesse est: aut illicitum non fuisse in quo tot conscios non timuerim: aut si illicitum fuit, scire tot conscios non debuisse. Magia ista, quantum ego audio, res est legibus delegata, iam inde antiquitùs duodecim 15 Tabulis propter incredundas frugum illecebras interdicta. Igitur & occulta non minus, quàm tetra & horribilis, plerumque noctibus vigilata, & tenebris abstrusa, & arbitris solitaria, & carminibus murmurata. cui non modò seruorum, 20 verùm etiam liberorum pauci adhibentur. Et tu quindecim seruos vis interfuisse? Nuptiæ ne illæ fuerunt, an aliud celebratum officium, an conuiuium tempestiuum? Quindecim serui sacrum Magicum participant, quasi Quindecimviri sacris faciundis creati. Cui tamen rei tot numero adhibuissem,

sem, si conscientiae nimis multi sunt? Quindecim
liberi homines, populus est: totidem serui, familia:
totidem vincti, ergastulum. An adiutorio multi-
tudo eorum necessaria fuit, qui diutinè hostias lu-
5 straleis tenerent? At nullas hostias nisi gallinas no-
minastis. An ut grana thuris numerarent? an ut
Thallum prosternerent? Mulierem etiam liberam
perductam ad me domum dixistis, eiusdem Thal-
li valitudinis: quam ego pollicitus sim curaturum:
10 eam quoque incantatam à me corruisse. Ut video,
vos palæstritam, non Magum accusatum veni-
stis: ita omnis qui me accesserint, dicitis cecidisse.
Negauit tamen quærente te Maxime, Themison
medicus, à quo mulier ad inspiciendum perducta
15 est, quidquam ultra passam: nisi quæsisse me, Ec-
quid illi aures obtinnirent, & vtra earum magis:
vbi responderit, dextram sibi aurem nimis inque-
tam, confestim decessisse. Hic ego Maxime quam-
quam sedulò impræsentiarum à laudibus tuis tem-
20 pero, nec ubi tibi ob causam istam videar blâditus,
tamen solertiam tuam in percõtando nequeo quin
laudem. Dudum enim cùm agitarentur hæc, & illi
incantatam mulierem diceret, medicus qui adfue-
rat abnueret, quæsisisti tu nimis quàm prudenter,
quòd mihi emolumentum fuerit incantandi: respon-
derunt, ut mulier rueret. Quid deinde? mortua est?

inquis: negarunt. Quid ergo dicitis? quod Apuleij commodum, si ruiſſet? ita enim pulchrè ac perſeueranter tertio quæſuiſti, vt qui ſcires omnium factorum rationes diligentius examinandas, ac ſæpius cauſas quæri, facta concedi: eoque etiam patronos litigatorum cauſidicos nominari, quòd cur quæque facta ſint, expediant. Cæterum negare factum, facilis res eſt, & nullo patrono indiget: rectè factum vel perperam, docere, id verò multo arduum & difficile eſt. Fruſtra igitur, an factum ſit, quæritur, quòd nullam malam cauſam habuit vt fieret. Ita facti reus, apud bonum iudicem ſcrupulo quæſtionis liberatur, ſi nulla fuit ei ratio peccandi. Nunc quoniam neque incantatam, neque proſtratam mulierem probauerunt, & ego non nego pe-
titu medici à me inſpectam, dicam tibi Maxime, cur illud de aurium tinnitu quæſierim, non tam purgandi mei gratia in ea re quam tu iam præiudicasti neque culpæ neque crimini confinem, quàm vt ne quid auribus tuis & doctrinæ tuæ congruens
reticuerim. Dicam igitur quàm breuiſſimè poterō. etenim admonendus es mihi, non docendus. Plato philoſophus in illo præclariffimo Timeo cæleſti quadam facundia vniuerſum Mundum molitus, poſtquam de noſtri quoque animi trinis poteſtatibus ſolertiſſimè diſſeruit, & cur quæque mem-
bra

bra nobis diuina prouidentia fabricata sint, aptissime demonstrauit : causam morborum omnium trifariam percenset. Primam causam primordiis corporis attribuit: si ipsæ elementorum qualitates, humida & frigida, & his duæ aduersæ non congruant. id adeo euenit, cum quæpiam earum modo excessit, aut loco demigrauit. Sequens causa morborum inest in eorum vitio, quæ iam concreta ex simplicibus elementis, vna tamen specie coaluerunt : vt est sanguinis species, & visceris, & ossis & medullæ, porro illa quæ ex hisce singularibus mixta sunt. Tertiò, in corpore concrementa variij fellis, & turbidi spiritus, & pinguis humoris, nouissima ægritudinum incitamenta sunt. Quorum è numero præcipua sit materia morbi comitialis, de quo dicere exorsus sum, cum caro in humorem crassum & spumidum inimico igni conliquescit, & spiritu indidem parto ex candore compressi aëris albida & tumida tabes fluit. Ea namque tabes, si foras corporis prospirauit, maiore dedecore quàm noxa diffunditur. Pectoris enim primorem cutim vitiligine insignit, & omnimodis maculationibus conuariat. sed cui hoc usu venerit, numquam postea comitali morbo attentatur. Ita ægritudinem animi grauissimam, leui turpitudine corporis compēsat. Enimuerò si pernicio-

sa illa albedo intus cohibita, & bili atræ sociata, venis omnibus furēs peruasit: deinde ad summum caput viam molita, dirum fluxum cerebro immiscuit; illico regalem partem animi debilitat, quæ ratione pollens, verticem hominis velut arcem & regiam infedit. Eius quippe diuinas vias & sapientes meatus obruit & obturbat. quod facit minore perniciæ per soporem; cum potu & cibo plenos comitialis morbi prænuntia strangulatione modicè angit. Sed si usque adeò aucta est, vt etiam vigilantium capiti offundatur: tum verò repentino mentis nubilo obtorpescent, & moribundo corpore cessante animo cadunt. Eum nostri non modò maiorem & comitalem, verùm etiam diuinum morbum, ita vt Græci *ἰεγὲν νόσον*, verè nuncuparunt. videlicet quòd animi partem rationalem, quæ longè sanctissima est, eam violet. Agnoscis Maxime rationem Platonis, quantum potui pro tempore perspicuè explicatam. cui ego fidem arbitratus, causam diuini morbi esse, cùm illa pestis in caput redundauit: haudquaquam videor de nihilo percōtatus, an esset mulieri illi caput graue, ceruix torpens, tempora pulsata, auris sonora. Et cæterum, quòd dextræ auris crebriores tinnitus fatur, signum erat morbi penitus adacti. Nam dextera corporis validiora sunt. eòq; minus spei ad sanita-

sanitatem relinquunt, cùm & ipsa ægritudini succumbūt. Aristoteles adeò in Problematis scriptum reliquit, quibus æquè caducis à dextero morbus occipiat, eorum esse difficiliore medelam. Longum est, si velim Theophrasti quoque sententiam de eodem morbo recensere. est enim etiam eius egregius liber *De caducis*. Quibus tamen in alio libro, quem *De non videntibus animalibus* conscripsit, remedio esse ait exuias stellionum, quas velut senium, more cæterorum serpentium, temporibus statutis exuant: sed nisi confestim eripias, malignone præfagio, an naturali adpetentia, illico conuertuntur, & deuorant. Hęc idcirco commemoraui, nobilium philosophorum disputata, simul & libros sedulò nominaui, nec vllum ex medicis aut poëtis volui attingere, vt isti desinant mirari, si philosophi suapte doctrina causas morborum & remedia nouerunt. Igitur cùm ad inspiciendum mulier ægra, curationis gratiâ, ad me perducta sit, atque hoc, & medici confessione qui adduxit, ad meam ratiocinationem rectè factum esse conueniat: aut constituent, Magi & malefici hominis esse, morbis mederi: aut si hoc dicere non audent, fateantur se in puero & muliere caducis vanas & prorsus caducas calumnias intendisse. Imò enim, si audire verum velis Æmiliane, tu potiùs caducus,

qui iam tot calumniis cecidisti. Neq; enim grauius est corpore quàm corde collabi: pede potius quàm mente corruere: in cubiculo despui, quàm in isto splendidissimo cœtu detestari. At tu fortasse te putas sanum, quòd non domi cōtineris, sed insaniam, tuam, quoquò te duxerit, sequeris. Atqui si contendere vis furorem tuum cum Thalli furore, inuenies non permultum interesse: nisi quod Thallus sibi, tu etiam aliis furis. Cæterùm Thallus oculos torquet, tu veritatem: Thallus manus contrahit, 10 tu patronos: Thallus pauimentis illiditur, tu tribunalibus. Postremò ille quidquid agit, in ægritudine facit, ignorans peccat: at tu, miser, prudens & sciens delinquis: tanta vis morbi te instigat. falsum pro vero insimulas, infectũ pro factocrimina- 15 ris. quẽ innocentem liquidò scis, tamen accusas vt nocentem. Quin etiam, quod præterij, sunt quæ fatearis nescire: & eadem rursus, quasi scias, criminaris. Ais enim, me habuisse quædam sudariola inuoluta apud Larcis Pontiani. Ea inuoluta quæ & 20 cuiusmodi fuerint, nescisse te cōfiteris: neque præterea quemquam esse qui viderit. tamen illa contendis instrumenta Magiæ fuisse. Nemo tibi blandiatur Æmiliane. Non est in accusando versutia, ac ne impudẽtia quidem, ne tu arbitreris. Quid igitur? furor infelix acerbi animi, & misera insania crudæ

crudæ senectutis. His enim pænè verbis cum tam
 graui & perspicaci iudice egisti : *Habuit Apuleius*
quæpiam linteolo inuoluta apud Lareis Pontiani. hæc quo-
niam ignoro quæ fuerint, idcirco Magica fuisse contendo. cre-
 5 *de igitur mihi quod dico, quia id dico quod nescio.* O pulcra
 argumenta, & apertè crimen reuincencia! Hoc fuit,
 quoniam quid fuerit ignoro. Solus repertus es Æ-
 miliane, qui scias etiam illa quæ nescis. Tantum su-
 per omneis stultitiâ euectus es. quippe qui solertis-
 10 simi & acerrimi philosophorum fuerūt, ne iis qui-
 dem confidendum esse aiunt, quæ videmus. At tu
 de illis quoque affirmas, quæ neque cōspexisti vm-
 quam, neque audisti. Pontianus si viueret, atque
 eū interrogares quæ fuerint in illo inuolucro; ne-
 15 scire se responderet. Libertus etiam ille qui clauēs
 eius loci in hodiernum habet, & à vobis stat, num-
 quàm se ait inspexisse : quamquam ipse aperiret,
 (vt pote promus librorum qui illic erant conditi,) pænè
 quotidie, & clauderet: sæpe nobiscum, multo
 20 sæpius solus intraret, linteum in mensa positum
 cerneret, sine vlllo sigillo, sine vinculo. Quid ni
 enim? Magicæ res, in eo occultabantur: eò negli-
 gentiùs adseruabam. Sed enim liberè scrutandum
 & inspicendum, si liberet, etiam auferendum, te-
 merè exponerebam, alienæ custodiæ commenda-
 bam, alieno arbitrio mittebam. Quid igitur

impræsentiarum vis tibi credi, quod ne Pontianus
 quidem sciret, qui indiuiduo contubernio mecum
 vixit, id te scire, quem numquam viderim nisi pro
 tribunali? An quòd libertus assiduus, cui omnis fa-
 cultas inspiciendi fuit, quòd is libertus nō viderit, 5
 te, qui numquam eò accesseris, vidisse? denique
 ut quod nō vidisti, id tale fuerit, quale dicis? Atqui
 stulte, si hodie illud sudariolum tu interceptisses,
 quidquid ex eo promeres, ego Magicum negarem.
 Tibi adeò permitto, finge quiduis, reminiscere, ex- 10
 cogita, quod possit Magicum videri: tamen de eo
 tecum decertarem. aut ego subiectum dicerem,
 aut remedio acceptum, aut sacro traditum, aut
 somnio imperatum. Mille alia sunt, quibus pos-
 sem more cōmuni & vulgatissima obseruationum 15
 consuetudine verè refutare. Nunc id postulas,
 ut quod deprehensum & detentum, tamen nihil
 me apud bonum iudicem læderet, id inani suspi-
 cione incertum & incognitum condemnet. Haud
 sciam, an rursus ut soles, dicas: *Quid ergo illud fuit,* 20
quod linteo tectum, apud Lareis potissimū deposuisti? Ita ne
 est Æmiliane? sic accusas, ut omnia à reo percon-
 tēre, nihil ipse adferas cognitum. *Quamobrem pis-*
ceis quæris? Cur agram mulierem inspexisti? quid in sudario
habuisti insutum? Accusatum an interrogatum ve-
 nisti? Si accusatum, tute argue quæ dicis: si in-
terro-

terrogatum , noli præiudicare quid fuerit , quod
ideò te necesse est interrogare , quia nescis. Cæte-
rùm hoc quidem pacto omneis homines rei con-
stituentur: si ei qui nomen cuiuspiã detulerit, nulla
5 necessitas sit probandi, omnis contrà facultas per-
cõtandi. Quippe omnibus sicut fortè negotiũ Ma-
giæ facessitur, quidquid omnino egerint, obiicie-
tur. Votũ in alicuius statuę femore assignasti: igitur
Magus es: aut cur signasti? Tacitas preces in tem-
10 plo Deis allegasti? igitur Magus es: aut quid opta-
sti? Contrà, nihil in templo precatus es: igitur Ma-
gus es: aut cur Deos non rogasti? Similiter si po-
fueris donũ aliquod, si sacrificaueris, si verbenam
sumpseris. Dies me deficiet, si omnia velim perse-
15 qui, quorum rationem similiter calumniator flagi-
tabit. præsertim quod conditum cunque, quod
obsignatum, quod inclusum domi adseruatur, id
omne eodem argumento Magicum dicetur: aut è
cella promptuaria in forũ atque in iudicium pro-
20 feretur. Hæc quanta sint, & cuiusmodi, Maxime,
quantũsque campus calumniis hoc Æmiliani tra-
mite aperiatur, quantũque sudores innocentibus
hoc vno sudariolo adferantur, possem equidem
pluribus disputare. sed faciam quod institui. etiam
quod non necesse est confitebor: & interrogatus
ab Æmiliano respondebo. Interrogas Æmiliane

quid in sudario habuerim. at ego, quamquam omnino positum vllum sudarium meum in bibliotheca Pontiani possim negare, tamē Maxime fuisse concedam: cū habeam dicere, nihil in eo inuolutum fuisse: quæ si dicam, neque testimonio aliquo, neque argumento reuincar. Nemo enim qui attigerit est: vnus libertus, vt ais, qui viderit: tamen inquam, per me licet fuerit repertissimū. sic enim, si vis, arbitrare: vt olim Vlixis focij thesaurum reperisse arbitrati sunt, cū vtrem ventosissimum 10 manticularentur. Vin dicam, cuiusmodi illas res in sudario obuolutas, Laribus Pontiani commendarim? Mos tibi geretur. Sacrorum pleraque initia in Græcia participauī. Eorum quædam signa & monumenta tradita mihi à sacerdotibus sedulo 15 conseruo. Nihil insolitum, nihil incognitum dico: vel vnus Liberi patris symmistæ, qui adestis, scitis, quid domi conditum celetis, & absque omnibus profanis tacitè veneremini. At ego, vt dixi multiiuga sacra, & plurimos ritus, varias cerimonias, studio veri & officio erga Deos didici. Nec hoc ad tempus compono: sed abhinc fermè triennium est, cū primis diebus quibus Oeam veneram, publicè differēs de Æsculapij maiestate, eadem ista præmetuli, & quot sacra nossē percensui. Ea disputatio celebratissima est: vulgò legitur: in omniū 20 manibus

manibus versatur, non tam facundiâ meâ, quàm
mentionem Æsculapij, religiosis Oensibus com-
mendata. Dicite aliqui, si quis fortè meminit, hu-
ius loci principium. Audisne Maxime multos sug-
gerentes? immò ecce etiam liber offertur, recitari i-
pse hæc iubebo: quoniam ostendis humanissimo
vultu, auditione te ista non grauari. LOCUS EX
ORATIONE APVLEI OEAE HABITA. Etiâm-
ne cuiquam mirum videri potest, cui sit vlla me-
10 moria religionis, hominem tot mysteriis Deum
conscium, quædam sacrorum crepundia domi ad-
feruare: atque ea lineo texto inuoluere, quod purif-
simum est rebus diuinis velamentum? Quippe la-
na, segnissimi corporis excrementum, pecori de-
15 tracta, iam inde Orphei & Pythagoræ scitis, profa-
nus vestitus est. Sed enim mundissima lini seges,
inter optimas fruges terra exorta, non modò indu-
tui & amictui sanctissimis Ægyptiorum sacerdoti-
bus, sed opertui quoque inde rebus sacris vsurpa-
20 tur. Atque ego scio nonnullos, & cum primis Æ-
milianum istum, facetiæ sibi habere, res diuinas de-
ridere. Nam, ut audio, percensentibus iis qui istum
nouere, nulli Deo ad hoc æui supplicauit, nullum
templum frequentauit. si fanum aliquod prætereat,
nefas habet, adorandi gratia manum labris admo-
uere. Iste verò nec Diis rurationis, qui eum pascunt

ac vestiunt, segetis vllas, aut vitis aut gregis primicias impartit. nullum in villa eius delubrum situm, nullus locus aut lucus consecratus. Et quid ego de luco & delubro loquor? Negant vidisse se, qui fuere, vnum saltem in finibus eius aut lapidem vnum, aut ramum coronatum. Igitur agnomenta ei duo indita: Charon, vt iam dixi, ob oris & animi diritatem: sed alterum quod libentius audit, ob Deorum contemptum, Mezentius. Quapropter facile intelligo, hasce ei tot initiorum enumerationes nugas videri: & forsan, ne ob hanc diuini contumaciam non inducat in animum, verum esse quod dixi, me sanctissime tot sacrorum signa & memoracula custodire. Sed ego quid de me Mezentius sentiat, manum non vorterim. Cæteris autem clarissima voce profiteor, si qui fortè adest eorumdem solemnum mihi particeps, signum dato, & audiat licet quæ ego adseruem. Nam equidem nullo vmquam periculo compellar, quæ reticenda accepi, hæc ad profanos annuntiare. Vt puto, Maxime, satis videor cuius vel iniquissimo animum expleffe, & quod ad sudarium pertineat, omnem criminis maculâ deterfisse: ac bono iam periculo ad testimonium illud Crassi, quod post ista quasi grauissimū legerūt, à suspicionibus Æmiliani transcensurus. Testimonium ex libello legi audisti

audisti gumia cuiusdam, & desperati lurconis, Iu-
nij Crassi, me in eius domo nocturna sacra cū Ap-
pio Quintiano amico meo factitasse, qui ibi mer-
cede deuersabatur. Idque se ait Crassus, quamquam
5 eo tempore vel Alexandria fuerit, tamen à cæde &
fumo & auium plumis cōperisse. Scilicet eum, cū
Alexandrię symposia obiret: (est enim Crassus iste,
qui non inuitus de die in ganeas correpat:) in illo
cauponis nidore pinnas de penatibus suis adue-
10 ctas, aucupantem, fumū domus suæ agnouisse, pa-
trio culmine longè exortum. Quem si oculis vidit,
vltra Vlixī vota & desideria hic quidem est ocula-
tus. Vlixes fumum terra sua emergentem complu-
ribus annis è littore prospectans, frustra captauit:
15 Crassus in paucis quibus abfuit mensibus, eundem
fumum, sine labore in taberna vinaria sedens, con-
spexit. Sin verò naribus nidorē domesticum præ-
sensit, vincit idem sagacitate odorandi canes &
vulturios. Cui enim cani, cui vulturio Alexandrini
20 cæli, quidquā abusque Oceansium finibus oboleat?
Est quidem Crassus iste summus helluo, & omnis
fumi non imperitus. sed profectò pro studio bi-
bendi, quo solo censetur, facilius ad eum Alexan-
driam vini aura quàm fumi perueniret. Intellexit
hoc & ipse incredibile futurum. Nam dicitur ante
horam diei secundam, ieiunus adhuc & abstemius,

testimonium istud vendidisse. Igitur scripsit, hæc
se ad hunc modum comperisse. Postquam Alexan-
dria reuenerit, domum suam rectà contendisse, ex
qua iā Quintianus migrarat. ibi in vestibulo mul-
tas auium pinnas offendisse: præterea parietes fuli- 5
gine deformatos: quæsisse causas ex seruo suo quem
Oeæ reliquerit, eumque sibi de meis & Quintiani
nocturnis sacris indicasse. Quàm verò subtiliter
compositum, & verisimiliter commentum, me, si
quid eius facere vellem, non domi meæ potius fa- 10
cturum? Quintianum istum qui mihi assistit, quem
ego pro amicitia, quæ mihi cum eo artificissima est,
proque eius egregia eruditione, & perfectissima e-
loquentia, honoris & laudis gratia nomino: hunc
igitur Quintianum, si quas auis in cæna habuisset, 15
aut quod aiunt, Magiæ causa interemisset, puerum
nullum habuisse qui pinnas conuerteret, & foras
abiiceret? præterea fumi tantam vim fuisse, vt pa-
rietes atros redderet: eamque deformitatem, quoad
habitauit, passum in cubiculo suo Quintianum? 20
Nihil dicis Æmiliane. non est verisimile. nisi fortè
Crassus nō in cubiculum reuersus perrexit, sed suo
more rectà ad focum. Vnde autem seruus Crassi su-
spicatus est, noctu potissimum parietes fumigatos?
an ex fumi colore? videlicet fumus nocturnus ni-
grior est, eoque diurno fumo differt? Cur autem
susplicax

susplicax seruus, ac tam diligens, passus est Quintia-
num migrare prius, quàm mundam domum red-
deret? Cur illæ plumæ, quasi plumbeæ tamdiu, vs-
que ad aduentum Crassi manserunt? Non insimu-
s let Crassus seruum suum? sed ipse hæc potius de fu-
ligine & pinnis mentitus est, dum non potest nec
in testimonio dando discedere longius à culina.
Cur autem testimonium ex libello legistis? Crassus
ipse vbi gentium est? An Alexandriam tædio do-
10 mus remeauit? an parietes suos detergit? an, quod
verius est, ex crapula helluo attentatur? Nam equi-
dem hæc fabra tecum hesternæ die animaduerti sa-
tis notabiliter in medio foro tibi Æmiliane obru-
ctantem. Quære à nomenclatoribus tuis Maxime,
15 quamquam est ille cauponibus quàm nomencla-
toribus notior: tamen inquam interroga, an hic
Iunium Crassum Oeensem viderint, non negabūt.
Exhibeat nobis Æmilianus iuuenem honestissi-
mum, cuius testimonio nititur. Quid sit diei vides.
20 Dico Crassum iamdudum ebrium stertere, aut se-
cundo lauacro, ad repotia cænæ obeunda, vinolē-
tum sudorem in balneo desudare. Ille cum maxi-
mè præsens per libellum loquitur, non quin adeò
sit alienatus omni pudore, vt etiam sub oculis tuis si
foret, sine rubore vlllo mentiretur: sed fortasse nec
tantulum potuit ebrius sibi temperare, vt hanc ho-

ram sobriè expectaret, aut potius Æmilianus de consilio fecit, ne eum sub tam seueris oculis tuis constitueret, ne tu belluam illam vulsis maxillis, fœdo aspectu, de specie improbares: cùm animaduertisses caput iuuenis barba & capillo populatum, madentes oculos, cilia turgentia, rictum: saliuosa labia, vocem absouam, manuum tremorem, rictus. Nam patrimonium omne iam pridem abligurriuit: nec quidquam ei de bonis paternis superest, nisi vna domus ad calumniã venditandam. 10 quam tamen numquam carius quàm in hoc testimonio locauit. Nam temulentum istud mendacium tribus milibus nummis Æmiliano huic vendidit: idque Oeæ nemini ignoratur. Omnes hoc, antequam fieret, cognouimus. & potui denuntia- 15 tione impedire, nisi scirem mendacium tã stultum potius Æmiliano, qui frustra redimebat, quàm mihi, qui meritò contemnebã, obfuturum. Volui & Æmilianum damno affici, & Crassum testimonij sui dedecore prostitui. Cæterum nudiustertius 20 haudquaquam occulta res acta est in Rufini cuiusdam domo, de quo mox dicam, intercessoribus & deprecatorib⁹ ipso Rufino & Calpurniano. Quod eo libentius Rufinus perfecit, quod erat certus, ad uxorem suam, cuius supra sciens dissimulat, non minimam partem præmij eius Crassum relaturum.

Vidi

Vidi te quoque Maxime, coitionem aduersum me,
& coniurationem eorum pro tua sapientia suspi-
catum, simul libellus ille prolatus est, totam rem
vultu aspernantem. Denique quamquam sunt so-
luta audacia & importuna impudentia præditi, ta-
men testimonium Crassi, cuius oboluisse facem
videbant, nec ipsi ausi sunt perlegere, nec quidquã
eo niti. Verùm ego ista propterea commemoravi,
non quòd pinnarum formidines, & fuliginis ma-
culam, te præsertim iudice, timerem: sed vt ne im-
punitũ Crasso foret, quòd Æmiliano homini ru-
stico fumum vendidit. Vnde etiam crimen ab il-
lis, cum Pudentillæ litteras legerent, de cuiusdam
figilli fabricatione prolatum est. quod me aiunt ad
Magica maleficia occulta fabrica, ligno exquisi-
tissimo cõparasse: & cùm sit sceleti forma turpe &
horribile, tamen impendio colere, & Græco voca-
bulo nuncupare βασιλέα. Nisi fallor, ordine eorum
vestigia persequor, &, singillatim apprehendens,
omnem calumniæ textum retexo. Occulta fuisse fa-
bricatio figilli, quod dicitis, quĩ potest? cuius vos
adeò artificem non ignorastis, vt ei, vtĩ præstò es-
set, denuntiaueritis? En, adest Cornelius Satur-
ninus artifex, vir inter suos & arte laudatus, &
moribus comprobatus, qui tibi. Maxime, paulo
antè diligenter sciscitanti, omnem ordinem gestæ

rei summa cum fide & veritate percensuit: me, cùm apud eum multas geometricas formas è buxo vidissem subtiliter & adfabrè factas, inuitatum eius artificio, quædam mechanica, vt mihi elaboraret, petisse: simul & aliquod simulacrum cuiuscunque; vellet Dei, cui ex more meo supplicarem, quacunque materia, dummodò lignea exsculperet. igitur primò buxeam tentasse. interim dum ego ruri ago, Sicinium Pontianum priuignum meum, qui mihi factum volebat, impetratos hebeni loculos à 10 muliere honestissima Capitolina ad se attulisse: ex illa potius materie rariore & durabiliore, vt faceret, adhortatum: id munus cum primis gratum mihi fore. ex ea se fecisse, perinde vt loculi suppetebant. Ita minutatim ex tabellis compacta crassitudine Mercuriolum expediri potuisse. Hæc, vt dico, omnia audisti. Præterea à filio Capitolinæ probissimo adolescente, qui præsens est, sciscitante te, eadem dicta sunt: Pontianum loculos petisse, Pontianum Saturnino artifice detulisse. Etiam il- 20 lud non negatur, Pontianum à Saturnino perfectum sigillum recepisse, & postea dono mihi dedisse. His omnibus palàm atque apertè probatis, quid omnino superest, in quo suspicio aliqua Magiæ delitescat? immo quid omnino est quod vos manifesti mendacij non reuincat? Occultè fabricatum

catum esse sigillum dixistis, quod Pontianus splendidissimus eques fieri curauit : quod Saturninus, vir grauis, & probè inter suos cognitus, in tabernula sua sedens, propalam exsculpsit : quod ornatissima matrona munere suo adiuuit : quod & futurum, & factum multi cùm seruorum, tum amicorum, qui ad me ventitabant, scierunt. Lignum à me toto oppido, & quidem oppidò quæsitum, nō piguit vos commentiri: quem quidem abfuisse eo
10 tempore scitis. quem iussisse fieri qualicunque materia probatum est. Tertium mendacium vestrum fuit, macilētam, vel omnino euisceratam formam diri cadaueris fabricatam, prorsus horribilem & larualem. Quòd si compertum habebatis adeo eu-
15 dens signum Magiæ : cur mihi vt exhiberem non denuntiastis ? An vt possetis in rem absentem liberè mentiri ? Cuius tamen falsi facultas, opportunitate quadam meæ cōsuetudinis vobis adempta est. Nam morem mihi habeo, quoquò eam simulacrum alicuius Dei inter libellos conditum gestare:
20 eiq; diebus festis, thure & mero, & aliquādo victimis supplicare. Dudum ergo cū audirem sceletum perquam impudēti mendacio dictitari: iussi curriculo iret aliquis, & ex hospitio meo Mercuriolum afferret, quem mihi Saturninus iste Oeæ fabricatus est. Cedò tu: eum videant, tēneant, considerent.

En vobis, quem scelestus ille sceletum nominabat. Auditis ne reclamationem omnium qui adsunt? Auditis ne mēdaciū vestri damnationem? Non vos tot calumniarum tandem dispudet? Hiccine est scelestus? hæccine est larua? hoccine est quod appellitabatis Dæmonium? Magicum ne istud, an solemne & commune simulacrum est? Accipe quæso Maxime, & cōtemplare: bene tam puris & tam piis manibus tuis traditur res cōsecrata. En, vide quā facies eius decora & succi plena sit, quā hīlaris Dei ¹⁰ vultus: vt decenter vtrinq; lanugo malis deserpat: vt in capite crispatus capillus sub imo pilei umbraculo appareat: quā lepidè super tēpora pares pinnulæ emineant: quā autem festiuè circa humeros vestis sustrieta sit. Hunc qui sceletum ¹⁵ audet dicere, profectò ille simulacra Deorum nulla videt, aut omnia negligit. Hunc denique qui Laruam putat, ipse est laruatus. At tibi Æmiliane, pro isto mendacio, duat Deus iste, Superūm & Inferūm cōmeator vtrorumq; Deorum malam gratiam, sem- ²⁰ pērq; obuias species mortuorum, quidquid Umbrarum est vsquam, quidquid Lemurum, quidquid Manium, quidquid Laruarum oculis tuis oggerat: omnia noctium occurfacula, omnia bustorum formidamina, omnia sepulcrorum terriculamenta, à quibus tamen æuo & merito haud longè abes. Cēterūm

terum Platonica familia nihil nouimus nisi festum
 & lætum & solemne & superum & cæleste. Quin
 altitudinis studio secta ista etiam cælo ipso subli-
 miora quæpiâ vestigauit, & in extimo mûdi tergo
 5 degit. Scit me vera dicere Maximus, qui πὸν ὑπερ-
 ραγίων τόπον ὅτι τῷ τοῦ οὐρανοῦ ἰώτῳ legit in Phædro di-
 ligenter. Idem Maximus optimè intelligit, vt de
 nomine etiam vobis respondeam, quisnam sit ille
 non à me primo, sed à Platone nuncupatus βασιλεὺς,
 10 totius rerum naturæ causa, & ratio & origo initia-
 lis, summus animi genitor, æternus animatum sos-
 pitator, assiduus mûdi sui opifex. Sedenim sine ope-
 ra opifex, sine cura sospitator, sine propagatione
 genitor: neque loco, neque tempore, nec vice vlla
 15 comprehensus, eoque paucis cogitabilis, nemini effa-
 bilis. En, ultro augeo Magiæ suspicionem. non re-
 spōdeo tibi Æmiliane quem colam βασιλέα. Quin
 si ipse proconsul interroget, quid sit Deus meus, ta-
 cebo. De nomine, vt impræsentiarum satis dixi.
 20 Quod superest, nec ipse sum nescius, quosdam cir-
 cumstantium cupere audire, cur non argento vel
 auro, sed potissimum ex ligno simulacrû fieri vo-
 luerim, idque eos arbitror tam ignoscendi quàm
 cognoscendi causa desiderare: vt hoc etiam scrupu-
 lo liberetur, cùm viderint omnem suspicionem
 criminis abundè confutatam. Audi igitur, cui cu-

ra cognoscere est : sed animo quantum potes erecto & attento , quasi verba ipsa Platonis iam senis, de nouissimo Legum libro auditurus : *Θεοῖσι δὲ ἀναθήματα χρῶν ἑμμετα τὸν μέτριον ἀνδρα ἀνατιθέντα δωρεῖσθαι. Γῆ μὲν δὲν ἐστὶα τε οἰκῆσεως, ἱερά πασι πάντων θεῶν· μηδὲ εἰς οὐδὲν δευτέρως ἱερά καὶ θιερεῖται θεοῖς.* Hoc eò prohibet, vt delubra nemo audeat priuatim constituere. Censet etenim satis esse ciuibus , ad immolandas victimas, templa publica. Deinde subnectit: *χρυσὸς δὲ καὶ ἄργυρος ἐν ἄλλαις πόλεσιν ἰδίχ τε, καὶ ἐν ἱεροῖς ἐστὶν ὀπίφθορον κτήμα· ἐλέφας δὲ ὀπολελοιπότος ψυχῇ σώματος, καὶ οὐ χερὲς ἀνάθημα· σίδηρος δὲ καὶ χαλκός, πολέμων ὄργανα. ξύλα δὲ μονόξυλον δ', πᾶν ἐδέλη τις ἀνατιθέντω, καὶ λίθος ὡσαύτως πρὸς τὰ κοινὰ ἱερά.* Vt omnium assensus declarauit , maximè que qui in consilio estis , competentissimè videor vsus Platone, vt vitæ magistro, ita causæ patrono, cuius legibus obediē-
tem me videtis.

Nunc tempus est ad epistolas Pudentillæ præuerti, vel adeò totius rei ordinem paulò altiùs petere: vt omnibus manifestissimè pateat, me, quem lucri cupiditate inuasisse Pudentillæ domum dicunt, si vllum lucrum cogitarem, fugere semper à domo ista debuisset: quin & in ceteris causis minimè prosperum matrimonium , & nisi ipsa mulier tot incommoda virtutibus suis repensaret, inimicum. Neque enim vlla alia causa præter cassam inuidiam, reperiri potest, quæ iudicium istud mihi, &
multa

multa antea pericula vitæ conflauerit. Cæterum
cur Æmilianus commoueretur, etsi verè me Ma-
gum comperisset, qui non modò vllò facto, sed
ne tantulo quidem dicto meo læsus est, vt videre-
5 tur se meritò vltum ire? Neque autem gloriæ causa
me accusat, vt M. Antonius Cn. Carbonem, C. Mu-
tius A. Albutium, P. Sulpitius Cn. Norbanū, C. Fu-
rius M. Aquilium, C. Curio Q. Metellum. Quippe
homines eruditissimi, iuuenes laudis gratia primū
10 hoc rudimentum forensis operæ subibant: vt ali-
quo insigni iudicio ciuibz suis noscerentur. Qui
mos incipiētibus adulescentulis, ad illustrandū in-
genij florem, apud antiquos concessus, diu exole-
uit. quòd si nunc quoque frequens esset, tamen ab
15 hoc procul abfuisset. Nā neque faciūdiæ ostentatio
rudi & indocto, neq; gloriæ cupido rustico & bar-
baro, neq; inceptio patrociniōrū capulari seni cō-
gruisset. nisi fortè Æmilianus, pro sua seueritate,
exemplum dedit, & ipsis maleficiis infensus, accu-
20 sationem istam, pro morum integritate, suscepit.
At hoc ego Æmiliano, non huic Afro: sed illi Afri-
cano, & Numantino, & præterea Censorio vix cre-
didissem: ne huic frutici credam non modò odium
peccatorum, sed saltem intellectum inesse. Quid i-
gitur est? Cuius clarè dilucet aliā rem Inuidia nul-
lam esse: quæ hunc, & Herennium Rufinum, im-

pulforem huius, de quo mox dicā, cæterósque inimicos meos, ad nectendas Magiæ calumnias provocarit. Quinque igitur res sunt, quas me oportet disputare. Nā si probè memini, quod ad Pudentillam attinet hæc obiecere. Vna res est, quòd *numquam eam voluisse nubere post priorem maritum, sed meis carminibus coactam* dixere: altera res est *de epistolis eius*, quam confessionem Magiæ putant: deinde *sexagesimo anno ætatis ad libidinem nupsisse*: & quod in villa, ac non in oppido, *tabulæ nuptiales sint consignatæ*, tertio & quarto loco obiecere. Nouissima & eadem inuidiosissima criminatio *de dote* fuit. ibi omne virus totis viribus adnixa effudère: ibi maximèangebantur. Atque ita dixere: me grandem dotem mox in principio coniunctionis nostræ, mulieri amanti, remotis arbitris, in villa extorsisse. Quæ omnia tam falsa, tam nihili, tam inania ostendam, adeoque facile & sine vlla controuersia refutabo; vt medius fidius verear Maxime, quique in consilio estis, ne dimissum & subornatum à me accusatorem putetis, vt inuidiam meam reperta occasione palàm restinguerem. Mihi credite, quod reapse intelligetur, oppidò quàm mihi laborandum est, ne tam friuolam accusationem me potius callidè excogitasse, quàm illos stultè suscepisse existimetis. Nunc dum ordinem rei breuiter persequor, & efficio vt ipse

Æm i-

Æmilianus recognoscat falsò se ad inuidiam
meam inductum, & longè à vero aberrasse necesse
habeat confiteri; quæso, vti adhuc feceritis, vel si
quo magis etiam potestis, ipsum fontem & funda-
5 mentum mendacij huiusce diligentissimè cogno-
scatis. Æmilia Pudentilla, quæ nunc mihi vxor
est, ex quodam Sicinio Amico, quicum antea nu-
pta fuerat, Pontianum & Pudentem filios genuit:
eòsque pupillos in potestate aui relictos paterni,
10 (nā superstitie patre Amicus decesserat) per annos
fermè quatuordecim memorabili pietate sedulò
aluit. Non tamen libenter in ipso ætatis suæ flo-
re tam diu vidua. sed puerorum auus, inuitam eam
conciliare studebat alteri filio suo Sicinio Claro.
15 eòque cæteros procos absterrebat. & præterea mi-
nabatur, si extrario nupsisset, nihil se filiis eius ex
paternis eorum bonis testamento relicturum.
Quam conditionem cùm obstinatè propositam
videret mulier sapiens, & egregiè pia: ne quid
20 filiis suis eo nomine incommodaret, facit qui-
dem tabulas nuptiales, cum quo iuebatur, cum
Sicinio Claro: verum enim uerò vanis frustra-
tionibus nuptias eludit, eo ad, dum puerorum
auus fato concessisset, relictis filiis eius heredi-
bus: ita vt Pontianus, qui maior natu erat, fratri
suo tutor esset. Eo scrupulo liberata, cùm à princi-

pibus viris in matrimonium peteretur, decreuit, sibi diutius in viduitate non permanendū. Quippe vt solitudinis tedium perpeti posset: tamen ægritudinem corporis ferre nō poterat. Mulier sanctè pudica, tot annis viduitatis sine culpa, sine fabula, 5 assuetudine coniugis torpens, & diutino situ viscerum faucia, vitiatis intimis vteri, sæpe ad extremum vitæ discrimen doloribus obortis exanimabatur. Medici cum obstetricibus consentiebant, penuria matrimonij morbum quæsitum, malum 10 in dies augeri, ægritudinem ingrauescere: dum ætatis aliquid superfit, nuptiis valitudinem medicandum. Consilium istud cū alij approbarent, tum maximè Æmilianus iste, qui paulo prius confidentissimo mendacio adseuerabat, numquam de nu- 15 ptiis Pudentillam cogitasse, priusquàm foret Magicis maleficiis à me coacta: me solum repertum, qui viduitatem eius, velut quādam virginitatem, carminibus & venenis violarem. Sæpe audiui non de nihilo dici, *Mendacem memorem esse oportere* 20 *re*. Attibi Æmiliane non venit in mentem, priusquam ego Oeam venirem, te litteras etiam, vti nuberet, scripsisse ad filium eius Pontianum, qui tum adultus Romæ agebat? Cedò tu epistolam, vel potius da ipsi: legat. sua sibi voce, suisque verbis sese reuincat. INITIVM EPISTOLÆ ÆMILIANI.

Estne

Estne hæc tua epistola? quid palluisti? nam erubescere tu quidem non potes: est ne tua ista subscriptio? Recita quæso clarius, vt omnes intelligant, quantum lingua eius manu discrepet, quātūmq;
5 minor illi sit mecum quàm secum dissensio. E P I -
S T O L A A E M I L I A N I. Scripsisti ne hæc Aemiliane, quæ lecta sunt? *Nubere illam velle, & debere scio: sed quem eligat, nescio.* Rectè tu quidē, nesciebas. Pudentilla enim tibi, cuius infestam malignitatē pro-
10 bè norat, de ipsa re tantūm, ceterūm de petitore nihil fatebatur. At tu dum eam putas etiam nunc Claro fratri tuo denupturam, falsa spe inductus, filio quoque eius Pontiano auctor assentiendi fuisti. Igitur si Claro nupisset, homini rusticano &
15 decrepito seni, sponte eam diceres, sine vlla Magia, iam olim nupturisse: quoniam iuuenem talem, qualem dicitis, elegit, coactam fecisse ais: ceterūm semper nuptias aspernatam. Nescisti improbe, epistolam tuam de ista re teneri: nescisti te tuomet
20 testimonio conuictum iri. Quam tamen epistolam Pudentilla, testem & indicem tuæ voluntatis vt quæ te leuem & mutabilem, nec minus mendacem & impudentem sciret, maluit retinere, quàm mittere. Ceterūm ipsa de ea re Pontiano filio suo Romam scripsit: etiam causas consilij sui plenè allegauit. Dixit illa omnia de valitudine: nihil præ-

terea esse, cur amplius deberet obdurare: hæredita-
 tem auitam longa viduitate, cum despectu salu-
 tis suæ quæsisse: eamdem summa industria auxis-
 se. Iam Deum voluntate, ipsum vxori, fratrem eius
 virili togæ idoneos esse. Tandē aliquando se quo-
 que paterentur solitudini suæ, & ægritudini sub-
 uenire. Cæterum de pietate sua & supremo iudi-
 cio nihil metuerent: qualis vidua eis fuerit, talem
 nuptā futuram. Recitari iubebo exemplū epistolæ
 huius, ad filiū missæ. EPISTOLA PUDENTILLÆ
 AD PONTIANVM F. Satis puto ex istis cuius liquere
 posse, Pudentillā nō meis carminibus ab obstinata
 viduitate cōpulsam: sed olim sua sponte à nubendo
 non alienam, me fortasse præ cæteris maluisse. Quæ
 electio tam grauis feminæ, cur mihi crimini potius
 quàm honori danda sit, non reperio. Non nihil ta-
 men miror, quòd Æmilianus & Rufinus id iudiciū
 mulieris ægrè ferāt: cū ij qui Pudentillam in ma-
 trimonium petiuerunt, æquo animo patiantur me
 sibi prælatum. Quod quidem illa vt faceret, filio suo
 potius quàm animo obsecuta est. Ita factum, nec
 Æmilianus poterit negare. Nam Pontianus acce-
 ptis litteris matris, confestim Roma aduolauit: me-
 tuens ne si quem auarum virum nacta esset, omnia,
 vt sæpè fit, in mariti domum conferret. Ea sollici-
 tudo non mediocriter animū angebat. Omnes illi,
 fratri-

fratříque diuitiarum spes in facultatibus matris sitę
erát. Auus modicum reliquerat, mater H S quadra-
gies possidebat. Ex quo sanè aliquantam pecu-
niam, nullis tabulis, sed vt æquum erat, mera fide
5 acceptam filiis debebat. Hunc ille timorem mussi-
tabat aduersari propalám non audebat, ne videre-
tur diffidere. Cùm in hoc statu res esset, inter pre-
cationem matris, & metum filij; forte ne an fato
ego aduenio, pergens Alexandriam. Dixissem her-
10 culè, Quod vtinam nunquam euenisset; ni me v-
xoris meæ respectus prohiberet. Hyems anni erat.
Ego ex fatigatione itineris aduectus, apud Appios
veteres amicos meos, quos honoris & amoris gra-
tia nomino, aliquam multis diebus decumbo. Eò
15 venit ad me Pontianus. nam fuerat mihi non ita
ante multos annos Athenis, per quosdam commu-
neis amicos conciliatus, & arto postea contuber-
nio intimè iūctus. facit omnia circa honorē meum
obseruanter, circa salutem sollicitè, circa amorem
20 callidè. Quippe etenim videbatur sibi peridoneum
maritum matri reperisse, cui bono periculo totam
domus fortunam concrederet. Ac primò quidem
voluntatem meam verbis inuersis periclitabun-
dus, quoniam me viæ cupidum & conuersum ab
vxoria re videbat, orat saltem paulisper manerem.
velle se mecum proficisci: hyemem alteram pro-

pter Syrtis æstus & bestias opperendam, quòd illam mihi infirmitas exemisset. Multis etiam precibus me ab amicis meis Appiis aufert, vt ad sese in domum matris suæ transferat, salubriorem mihi habitationem futuram. Prætereà prospectu maris, qui mihi gratissimus est, liberius me ex ea fruiturum. Hæc omnia, adnexus impenso studio, persuadet: & matrem suam, suumque fratrem puerum istum mihi commendat. nonnihil à me in communibus studiis adiuuantur. augetur oppidò familiaritas. Interibi reualeasco. Dissero aliquid, postulantibus amicis, publicè. omnes qui aderant, ingenti celebritate basilicam, qui locus auditorij erat, complentes, inter alia pleraque congruentissima voce insigniter acclamant, petentes vt remanerem, fieremque ciuis Oeensium. Mox auditorio misso, Pontianus eo principio me adortus, consensum publicæ vocis pro diuino auspicio interpretatur: aperitque, consilium sibi esse, si ego non nolim, matrem suam, cui plurimi inhient, mecum coniungere, quoniam mihi soli, ait, rerum omnium confidere sese, & credere, vt id onus recipiam: quoniam non formosa pupilla, sed mediocri facie mater liberorum mihi offeratur. Si hæc reputans, formæ aut diuitiarum gratiâ me ad aliam conditionem reseruarem, neque pro amico, neque pro philosopho

5 philosopho facturum. Nimis multa oratio est, si velim
memorare, quæ ego cōtrā responderim, quàm diu
& quoties inter nos verbigeratum sit, quot &
qualibus precibus me adgressus, haud prius omi-
10 serit, quàm denique impetrarit. non, quin ego Pu-
dentillā iam anno perpetim assiduo conuictu pro-
bè spectassem, & virtutum eius dotes explorassem:
sed utpote peregrinationis cupiens, impedimētum
matrimonij aliquantisper recusaueram: mox ta-
15 men talem feminam nihilo segniùs volui, quàm si
vltro appetissem. Persuaserat idem Pontianus ma-
tri suæ, ut me aliis omnibus mallet: & quampri-
mum hæc perficere incredibili studio auebat. Vix
ab eo tantulam moram impetramus, dum prius
20 ipse vxorem duceret: frater eius virilis togæ vsum
auspicaretur: tunc deinde ut nos coniungeremur.
Utinam hercule possem, quæ deinde dicenda sunt,
sine maximo causæ dispendio transgredi: ne Pon-
tiano, cui errorem suum deprecanti simpliciter i-
25 gnoui, videar nunc leuitatē exprobrare. Confiteor
enim, quod mihi obiectum est, eum, postquam
vxorem duxerit, à conspecta fide descivisse, ac de-
repentē animi mutatum, quod antea nimio stu-
dio festinarat, pari pertinacia prohibitum isse: de-
nique matrimonium nostrū ne coalesceret, quid-
uis pati, quiduis facere paratum fuisse. Quamuis

omnis illa tum animi foeda mutatio, & suscepta
contra matrem simulas, non ipsi vitio vortenda
sit, sed focero eius eccilli Herennio Rufino: qui
vnum neminem in terris viliozem se, aut impro-
borem, aut iniquatiorem reliquit. Per paucis ho-
minem, quàm modestissimè potero, necessariò de-
monstrabo: ne si omnino de eo reticuerò, operam
perdiderit, quòd negotium istud mihi ex summis
viribus conflavit. Hic est enim pueruli huius insti-
gator, hic accusationis auctor, hic aduocatorum 10
còductor, hic testium còemptor, hic totius calum-
niæ fornacula, hic Æmiliani huius fax & flagellũ.
Idquæ apud omneis intemperantissimè gloriatur,
me suo machinatu reum postulatum. Et sanè ha-
bet in istis quod sibi plaumat: est enim omnium li- 15
tium deceptor, omnium falsorum commentator,
omnium simulationum architectus, omnium ma-
lorum seminarium: nec non idem libidinum ga-
nearumquæ locus, lustrum, lupanar: iam inde ab
ineunte æuo cunctis probris palam notus: olim in 20
pueritia, priusquàm isto caluitio deformaretur,
emasculatoribus suis ad omnia infanda morigerus:
mox in iuuentute saltandis fabulis exossis planè &
eneruis, sed, vt audio, indocta & rudi mollitia. Ne-
gatur enim quidquam histrionis habuisse, præter
impudicitiam. In hac etiam ætate, qua nunc est,
qui

qui istum deperduint multi sunt. Honos auribus
præfandus est: domus eius tota lenonia, tota fa-
milia contaminata: ipse propudiosus, vxor lupa,
filij similes prorsus: diebus ac noctibus ludibrio iu-
uentutis ianua calcibus propulsata, fenestræ can-
ticis circumstrepitæ, triclinium comissatoribus in-
quietum, cubiculum adulteris peruium. neque e-
nim vlli ad introeundum metus est, nisi qui pre-
tium marito non attulit. Ita ei lecti sui contumelia
10 vectigalis est. Olim solens suo, nunc coniugis cor-
pore vulgò meret. Cum ipso plerique, nec mêtior,
cum ipso inquam de vxoris noctibus paciscuntur.
Iam illa inter virum & vxorem nota collusio, qui
amplam stipem mulieri detulerunt, nemo eos ob-
15 seruat: suo arbitrato ascendunt. Qui inaniore ve-
nêre, signo dato pro adulteris deprehenduntur: &
quasi ad discendum venerint, non prius abeunt
quàm aliquid scripserint. Quid enim faciat homo
miser, ampliuscula fortuna deuolutus, quam ta-
20 men fraude patris ex inopinato inuenerat? Pater
eius plurimis creditoribus descœneratus, maluit re-
tinere pecuniam quàm pudorem: nam cùm vndi-
queuersum tabulis flagitaretur, & quasi insanus
ab omnibus obuiis teneretur; Lex, inquit, negat
posse dissoluere: annulos aureos & omnia insignia
dignitatis abiicit: cum creditoribus depaciscitur.

Pleraque tamen rei familiaris in nomen vxoris cal-
lidissima fraude confert: ipse egens, nudus, & igno-
minia sua tectus reliquit Rufino huic, non mētor,
H s xxx. deuorandum. Tantum enim ad eum de
bonis matris liberum venit, præter quod ei vxor
sua quotidianis dotibus quæsiuit. Quæ tamen om-
nia in paucis annis ita hic degulator studiosè in
ventrē condidit, & omnimodis collurcationi-
bus dilapidauit: vt crederes metuere, ne quid ha-
bere ex fraude paterna diceretur. homo iustus, & 10
morum *dedit operam, quod malè partū erat, vt
malè periret. Nec quidquam ei relictum est ex lar-
giore Fortuna, præter ambitionē miseram, & pro-
fundam gulam. Cæterum vxor iam propemodum
vetula & effoeta, totam domum contumeliis ab- 15
nuit. Filia autem per adulescentulos ditiores, inui-
tamento matris suæ nequidquam circumlata, qui-
busdam etiam procis ad experiundum permissa,
nisi in facilitatem Pontiani incidisset, fortasse an
adhuc vidua antè quàm nupta, domi sedisset. Pon- 20
tianus ei, multum quidem dehortantibus nobis,
nuptiarum titulum falsum & imaginarium dona-
uit; non nescius eam paulo antè quàm duceret, à
quodam honestissimo iuvene, cui prius pacta fue-
pat, post satietatē, derelictam. Venit igitur ad eum
noua nupta, segura & intrepida, pudore dispoliato,
flore

flore exoleto, flāmeo obsoleto, virgo rursus post
recens repudium, nomen potius asserens puellæ
quàm integritatem. Vectabatur octophoro: Vi-
distis profectò, qui affuistis, quàm improba iuue-
5 num circumspectatrix, quàm immodica sui osten-
tatrix. Quis non disciplinam matris agnouit: cùm
in puella videret immedicatū os, & purpurissatas
genas, & illices oculos? Dos erat à creditore omnis
ad teruncium pridie sumpta, & quidem grandior
10 quàm domus exhausta, & plena liberis postulabat.
Sedenim iste, vt est rei modicus, spei immodicus,
pari auaritia & egestate, totum Pudentillæ quadra-
gies præsumptione cassa deuorarat. eóq; me amo-
liendum ratus, quo facilius Pontiani facilitatem,
15 Pudentillæ solitudinem circumueniret: in fit gene-
rum suū obiurgare, quòd matrem suam mihi de-
sponderat. suadet, quamprimum ex tātò periculo,
dum licet, pedem referat, res matris ipse potius ha-
beat, quàm homini extrario sciens transmittat. ni
20 ita faciat, iniicit scrupulum amanti adulescentulo
veterator: minatur se filiam abducturū. Quid mul-
tis? iuuenem simplicem, præterea nouæ nuptæ ille-
cebris obfrenatum, suo arbitratu de via deflectit.
It ille ad matrem, verborum Rufini gerulus: sed
nequidquam tentata eius grauitate, vltro ipse leui-
tatis & inconstantia increpitus, reportat ad socer-

rum haud mollia: Matri suæ, præter ingenium placidissimum, & immobile, iram quoque sua expostulatione accessisse, non mediocre pertinaciæ adiumentum. Respondisse eam denique, non clàm se esse, Rufini ex oratione secum expostulari: eò vel magis sibi auxilium mariti aduersum eius desperatam auaritiam comparandum. Hisce auditis exacerbatur aquariolus iste vxoris suæ, ita ira extumuit, ita exarsit furore, vt in feminā sanctissimam & pudicissimam, præsentem filio eius, digna cubiculo suo diceret: amatricem eam, me Magum & veneficum clamitaret, multis audientibus, quos, si voles, nominabo: se mihi sua manu mortem allaturum. Vix hercule possum iræ moderari. Ingens indignatio animo oboritur. Tūne effeminatissime, tua manu cuiquam viro mortem minitaris? At qua tandem manu? Philomelæ? an Medæ? an Clytæmnestræ? quas tamen cū saltas, tanta mollitia animi, tanta formido ferri est, sine cludine saltas. Sed ne longiùs ab ordine digrediar, Pudentilla, postquam filium videt præter opinionē, contra suā esse sententiam deprauatum, rus profecta, scripsit ad eum obiurgandi gratia illas famosissimas litteras, quibus, vt isti aiebant, confessa est, sese mea Magia in amorem inductā dementare. Quas tamen litteras è tabulario Pontiani, præsentem & contra scribente

bente Æmiliano, nudiustertius tuo iussu Maxime
testatò descripsimus. in quibus omnia contra præ-
dicationem istorum pro me reperiuntur. Quam-
quam etsi districtius Magum me dixisset, posset vi-
5 deri excusabunda se filio vim meam, quàm volun-
tatem suam causari maluisse. An sola Phædra falsum
epistolum de amore commenta est? An non o-
mnibus mulieribus hæc ars vsitata est, vt cùm ali-
quid eiusmodi velle cœperunt, malint coactæ vi-
10 deri? Quod si animo etiam ita putauit me Magum
esse, idcirco ne Magus habear, quia hoc scripsit Pu-
dentilla? Vos tot argumentis, tot testibus, tanta o-
ratione, Magum me non probatis: illa vno verbo
probaret? Et quanto tandem grauius habendum
15 est, quod in iudicio subscribitur, quàm quod in
epistola scribitur? Quin tu me meismet factis, non
alienis verbis reuincis? Cæterum eadem via multi
rei cuiusuis maleficij postulabuntur, si ratum futu-
rum est, quod quisque in epistola sua vel amore
20 vel odio cuiuspiam scripserit. Magum te scripsit
Pudentilla: igitur magus es. Quid si consulem me
scripsisset, consul essem? Quid enim si pictorem,
si medicum? quid denique si innocentem? num
aliquid horum putares, idcirco quòd illa dixisset?
Nihil scilicet. Atqui periniurium est, ei fidem in
peioribus habere, cui in melioribus non haberes:

posse literas eius ad perniciem, non posse ad salutem. *Sed inquieti animi fuit: efflictim te amabat.* Concedo interim. Num tamen omnes qui amantur, Magi sunt, si hoc fortè qui amat scripserit? Cedò nunc, quòd Pudētilla me in eo tempore non amabat, si quidem id foris scripsit, quod palàm erat mihi obfuturum. Postremò quid vis, sanam an insanam fuisse, dum scriberet? Sanam, dices? nihil ergo erat Magicis artibus passa. Insanam respondebis? nesciit ergo quid scripserit: eoque ei fides 10 non habenda est. immo etiam si fuisset insana, insanam se esse nescisset. Nam vt absurdè facit, qui tacere se dicit, quòd ibidem dicendo tacere sese, non tacet, & ipsa professione quod profitetur infirmat: ita vel magis hoc repugnat. Ego insanio, 15 quod verum non est, nisi sciens dicit. Porro sanus est, qui scit quid sit insania. Quippe insania scire se non potest; non magis quàm cæcitas se videre. Igitur Prudentilla compos mētis fuit, si compotem mentis se non putabat. Possum, si velim, pluribus, sed mitto Dialectica. Ipsas litteras longè aliud clamanteis, & quasi dedita opera ad iudicium istud præparatas & accommodatas recitabo. Accipe tu, & lege, vsque dum ego interloquar. L I T E R A E P U D E N T I L L A E. Substine paulisper quæ sequuntur. nam ad diuerticulum rei ventum est. Adhuc

huc enim Maxime, quātum equidem animaduerti, nusquam mulier Magiam nominauit: sed ordinem repetiuit eundem, quem ego paulo prius, de longa viduitate, de remedio valetudinis, de voluntate nubendi, de meis laudibus, quas ex Pontiano cognouerat, de suasu ipsius vt mihi potissimum nuberet. Hæc vsque adhuc lecta sunt. Superest ea pars epistolæ, quæ similiter pro me scripta, in memetipsum vertit cornua: ad expellendum à me
10 crimen Magiæ, sedulo missa, memorabili laude Rufini vocem mutauit; & vltro contrariam mihi opinionem quorundam Oceansium, quasi Mago quæsiuit. Multa fando Maxime audisti, & plura legendo didicisti, non pauca experiendo comperi-
15 sti: sed enim versutiam tam insidiosam, tam admirabili scelere conflata, negabis te vnumquam cognouisse. Quis Palamedes, quis Sisyphus, quis denique Eurybates aut Phrynon das talem excogitasset? Omnes isti, quos nominaui, & si qui præterea fuerunt dolo memorandi, si cum hac vna Rufini fallacia contenduntur, macchi prorsus & buccones videbuntur. O mirum commentum! ô subtilitas digna carcere & robore! Quis credat effici potuisse, vt quæ defensio fuerat, eadem, manentibus iisdem literis, in accusationem transuerteretur? Est hercule incredibile. Sed hoc incredibile quî sit factum pro-

babo. Obiurgatio erat matris ad filium, quod me-
 talem virum, qualem sibi prædicasset, nunc de Ru-
 fini sententia Magum dictitaret. Verba ipsa ad huc
 modum se habebant: Απολείος μάγος, καὶ ἐγὼ ὑπ' αὐτοῦ
 μαμάγαμαι. καὶ ἐρῶ καὶ ἐλθέτω νῦν πρὸς ἐμὲ, ἕως ἐπὶ σωφρονῶ. 5
 Hæc ipsa verba Rufinus, quæ Græcè interposuit,
 sola excerpta, & ab ordine suo seiugata, quasi con-
 fessionem mulieris circumferens, & Pontianum
 per forum ductans, vulgo ostendebat. Ipsas mulie-
 ris litteras illatenus, qua dixi, legendas præbebat: 10
 cætera suprâ & infrâ scripta occultabat. Turpiora
 esse, quàm vt ostenderentur, dictitabat. Satis esse,
 confessionem mulieris de Magia cognosci. Quid
 quæris? verisimile omnibus visum. Quæ purgandi
 mei gratia scripta erant, eadem mihi immanem in- 15
 uidiam apud imperitos conciuere. Turbabat im-
 purus hic, in medio foro bacchabundus: epistolam
 sæpe aperiens proquirabat *Apuleius. Magus: dicit*
ipsa quæ sentit & patitur. quid vultis amplius? Nemo erat
 qui pro me ferret, ac sic responderet: Totam fodes 20
 epistolam cedo: sine omnia inspiciam: principio
 ad finem perlegam. Multa sunt, quæ sola prolata
 calumniæ possint videri obnoxia. Cuius oratio
 insimulari potest; si ea quæ ex prioribus nexa sunt,
 principio sui defraudentur: si quædam ex ordi-
 ne scriptorum ad libidinem supprimantur: si quæ
 simu-

simulationis causa dicta sunt, adseuerantis pronuntiatione quàm exprobrantis legantur. Hæc, & id genus ea, quàm meritò tunc dici potuerint, ipse ordo epistolæ ostendat. At tu Æmiliane recognosce, an & hæc mecum testatò descripseris: βουλομένη γάρ με δι' αὐτῶν εἶπον αἰτίας χαμηθῶμαι, αὐτὸς τὸν ἔπεισας ἀντὶ πάντων ἀρεῖσθαι, θαυμάζων τὸν ἄνδρα, καὶ σπουδάζων αὐτὸν οἰκεῖον ἡμῶν δι' ἐμοῦ ποιῆσαι. νυνὶ δὲ ὡς μοχθηρὸν ὑμᾶς κακοήδεις τε ἀναπείθουσιν, ἀφ' ὧν ἐγὼ ἐλθέτω νυνὶ πρὸς ἐμὲ, ἕως ἐπιστοφῶ. Oro te Maxime, si litteræ ita ut partim vocales dicuntur, etiam propriam vocem usurparent. si verba, ita ut poëtæ aiunt, pinnis apta vulgò volaret; nōne cū primū epistolam istā Rufinus mala fide exciperet, pauca legeret, multa & meliora sciēs reticeret: nōne tunc cæteræ litteræ scelestè se detineri proclamassent? verba suppressa de Rufini manibus foras euolassent? totū forum tumultu cōplessent? se quoque à Pudentilla missas, sibi etiam quæ dicerent mandata? improbo ac nefario homini per alienas litteras falsum facere tentāti ne auscultaret, sibi potius audirent: Apuleium Magiæ non accusatum à Pudentilla, sed accusante Rufino absolutū. Quæ omnia etsi tum dicta non sunt; tamen nunc cū magis profunt, luce illustrius apparent. Patent artes tuæ Rufine, fraudes hiant, detectum menda-

cium est. Veritas olim interuersa, nunc se effert, & velut alto barathro calumniæ emergit. Ad litteras Pudentillæ prouocastis : literis vinco. quarum si vultis extremam quoque clausulam audire, non inuidebo. Dic tu, quibus verbis epistolam finierit, mulier obcantata, vecors, amens, amans. *ἐγὼ ἔπινε μὲν μάγισσά· ὅτι δ' ἔρω, αἰτία ἢ εἰμαρμένη ἐστίν.* Etiamne amplius? Reclamat vobis Pudētilla, & sanitatem suam à vestris calumniis quodam præconio vindicat. Nubendi autem seu rationem, seu necessitatem Fa-¹⁰ to adscribit, à quo multum Magia remota est, vel potius omnino sublata. Quæ enim relinquitur vis cantaminibus & veneficiis, si Fatum rei cuiusque, veluti violentissimus torrens, neque retineri potest, neque impelli? Igitur hac sententia sua Pu-¹⁵ dentilla non modò me Magum, sed omnino esse Magiam negauit. Bene, quòd integras epistolas matris Pontianus ex more adseruauit : bene, quòd vos festinatio iudicij anteuortit, ne quid in istis litteris ex otio nouaretis. Tuum hoc Maxi-²⁰ me, tuæque prouidentiaæ beneficium est, quòd à principio intellectas calumnias, ne corroborarentur tempore, præcipitasti, & nulla impertita mora subneruasti. Finge nunc, aliquid matrem filio secretis literis de amore, vti assolet, confes-
sam. hoccine verum fuit Rufine, hoc non dico
pium.

pium, sed saltem humanum, promulgari eas litteras, & potissimum filij præconio publicari? Sed sum ego inscius, qui postulo vt alienum pudorem conferues, qui tuum perdideris? Cur autem præterita conqueror, cum non sint minus acerba præsentia? Hucusque à vobis miserum istum puerum deprauatum, vt matris suæ epistolas, quas putat amatorias, pro tribunali Proconsuli recitet, apud virum sanctissimum Claudium Maximum; ante
10 has Imperatoris Pij statuas, filius matri suæ pudenda exprobret stupra, & amores obiectet? Quis tam est mitis, quin exacerbescat? Tunc vltro parentis tuæ animum in istis scrutaris? oculos obseruas? suspiritus numeras? affectiones exploras? tabu-
15 las intercipis? amorem reuincis? Tunc quod in cubiculo agat, perquiris? ne mater tua non dico amatrix, sed ne omnino femina est? ne tu in ea cogitas, nisi vnā parentis religionem? O infelix vterum tuum Pudentilla! ô sterilitas liberis potior! ô
20 infausti decem menses! ô ingrati quatuordecim anni viduitatis! Vipera, vt audio, exeso matris vtero in lucem proserpit, atque ita parricidio gignitur. At enim tibi à filio iam adulto, acerbiores morsus viuenti & videnti offeruntur. Silentium tuum laniatur, pudor tuus carpitur, pectus tuum foditur, viscera intima protrahuntur. Hascine gratias bo-

nus filius matri rependis, ob datam vitam? ob adquisitam hereditatem? ob quatuordecim annorum longas alimonias? Hiscine te patruus disciplinis erudiuit, vt si compertum habeas filios tibi similes futuros, non audeas ducere vxorem? Est ille poëta; versus non ignotus:

Odi puerulos præcoci sapientia:

sed enim malitia præcoci puerum quis non auerſetur, atque oderit? cùm videat velut monstrũ quoddam, prius robustum scelere quàm tempore: antè 10 nocentem quàm potentem: viridi pueritia, cana malitia? vel potius hoc magis noxium, quòd cum venia perniciosus est: & nondum pœnæ, iam iniuriæ sufficit. Iniuriæ dico? immò enim sceleri aduersum parentem nefando, immani, impetibili. 15 Athenienses quidem, propter commune ius humanitatis, ex captiuis epistolis Philippi Macedonis hostis sui, vnā epistolam, cùm singulæ publicè legerentur, recitari prohibuerunt, quæ erat ad vxorem Olympiadem conscripta: hosti potius pe- 20 percerunt, ne maritale secretum diuulgarent: præferendum rati fas commune, propriæ vltioni. Tales hostes, aduersus hostem: tu qualis filius aduersus matrem? Vides quàm similia contendam? Tu tamen filius matris epistolas, de amore, vt ais, scriptas, in isto cœtu legis. in quo si aliquem poëtam
lasci-

lasciuiozem iubereris legere, profectò non aude-
res: pudore tamen aliquo impedirè: immò enim
numquam matris tuæ litteras attigisses, si vllas a-
lias litteras attigisses. Atquin ausus es tuam ipsius
5 epistolam legendam dare, quam nimis irreue-
renter, nimis contumeliosè & turpiter de matre
tua scriptam, cùm adhuc in eius sinu alerè, mi-
seras clanculò ad Pontianum: scilicet ne semel
peccasses, ac tam bonum tuum factum obliuio
10 capefferet. Miser non intelligis, idcirco patrum
tuum hoc fieri passum, quo se omnibus purga-
ret: si ex literis tuis nosceretur, te etiam prius
quàm ad eum commigrasses, etiam cùm matri
blandirere, tamen iam tum vulpionem & impium
15 fuisse. Cæterùm nequeo in animum inducere, tam
stultum Æmilianum esse, vt arbitretur mihi litte-
ras pueri, & eiusdem accusatoris mei obfuturas.
Fuit & illa commenticia epistola, neque mea ma-
nu scripta, neque verisimiliter conficta, qua videri
20 volebant blanditiis à me mulierem sollicitatam.
Cur ergo blandirer, si Magiæ confidebam? Qua au-
tem via ad istos peruenit epistola, ad Pudentillam
scilicet per aliquem fidelem missa, vt in re tali acti-
tari solet? Cur præterea tam vitiosis verbis, tam
barbaro sermone ego conscriberem, quem iidem
dicunt nequaquam Græcæ linguæ imperitum? Cur

autem tam absurdis tamque tabernariis blanditiis
subagitarem, quem iidem aiunt versibus amato-
riis satis scitè lasciuire? Sic est profectò: cuius pa-
lâm est: hic qui epistolam Pudentillæ Græcatio-
rem legere non poterat, hanc ut suam facilius le-
git, & aptiùs commendauit. Sed iam de epistolis
satis dictum habebò, si hoc vnum addidero: Puden-
tillam, quæ scripserat dissimulamenti causa & deri-
diculi, ἐλθέτω ἕως ἐπὶ σαρφενῶν, post hæc literas euocas-
se ad se filios, & nurum: cùm his fermè duobus
mensibus conuersatam. Dicat hic pius filius, quid
in eo tempore secus agentem vel loquentem ma-
trem suam propter insaniam, viderit. Neget eam
rationibus villicorum, & opilionum, & equisio-
num solertissimè subscripsisse: neget fratrem suum
Pontianum grauitè ab eà monitum, ut sibi ab in-
sidiis Rufini caueret: neget verè obiurgatum, quòd
litteras, quas ad eum miserat, vulgò circumtulif-
set, nec tamen bona fide legisset: neget post ista
quæ dixi, matrem suam mihi apud villam iam pri-
dem conditò loco nupsisse. Quippe ita placuerat,
in suburbana villa potius ut coniungeremur, ne
ciues denuò ad sportulas conuolarent: cùm haud-
pridè Pudentilla de suo quinquaginta milia num-
mum in populum expunxisset ea die, qua Pontia-
nus uxorem duxit, & hic puerulus toga est inuolu-
tus.

tus. Præterea ut conuiuiis multis ac molestiis super-
 sederemus, quæ fermè ex more nouis maritis obe-
 unda sunt. Habes Æmiliane causam totam, cur ta-
 bulæ nuptiales inter me ac Pudentillam non in op-
 pido sint, sed in villa suburbana consignatæ: ne
 quinquaginta milia nummum denuò profunden-
 da essent, nec tecum aut apud te cænandum. Est ne
 causa idonea? Miror tamen, quòd tu à villa tanto-
 pere abhorreas, qui plerumque ruri versare. Lex
 10 quidem Iulia de maritandis ordinibus, numquam
 scilicet ad hunc modum interdicat: V X O R E M I N
 V I L L A N E D U C I T O. Immò si verum velis, vxor ad
 prolem multo auspicius in villa quàm in oppido
 ducitur: in solo vberi, quàm in loco sterili: in agri
 15 cespite, quàm in fori silice: mater futura in ipso
 materno sinu ac in segete adulta super fœcundam
 glebam: vel enim sub vlmò marita cubet in ipso
 gremio Terræ matris inter soboles herbarum &
 propagines vitium & arborum germina. Ibi &
 20 ille celeberrimus in Comædiis versus de proximo
 congruit, * * * * * * *
 Romanorum etiam maioribus, Quintiis & Ser-
 ranis, & multis aliis similibus, non modò vxores,
 verùm etiam consulatus & dictaturæ in agris offe-
 rebantur. Cohibebo me in tam prolixo loco, ne
 tibi gratum faciam, si villam laudauero. De æ-

tate verò Pudentillæ, de qua post ista satis confidenter mentitus es, ut etiam sexaginta annos natam diceres nupsisse, de ea paucis tibi respondebo. nam in re tam perspicua non est necesse pluribus disputare. Pater eius natam sibi filiam, more cæterorum professus est: tabulæ eius partim tabulario publico, partim domo adseruantur. quæ tibi ob os obiiciuntur. Porrige Æmiliano tabulas istas. lignum consideret, signa quæ impressa sunt recognoscat, Consules legat, annos 10 computet. quos sexaginta mulieri assignabat, probet quinque & quinquaginta. Lustro mentitus est: parum hoc est: liberalius agam. nam & ipse Pudentillæ multos annos largitus est: redonabo igitur vicissim. Decem annos Mezentius cum V-¹⁵lixæ errauit: quinquaginta saltem annorum mulierem ostendat. Quid multis? ut cum quadruplatore agam, bis duplum quinquennium faciam, viginti annos semel detraham. Iube Maxime consules computari. nisi fallor, inuenies nunc Pu-²⁰dentillæ haud multo amplius quadragesimum annum ætatis ire. O falsum audax & nimium! ô mendacium viginti annorum exilio puniendum! dimidio tanta Æmiliane mentiri falsa audes & sequialtera? Si triginta annos pro decem dixisses: posses videri pro computationis gestu errasse: quos circu-

circularē debueris digitos aperuisse. Cū verò
quadraginta, quæ facilius cæteris porrecta palma
significantur, ea quadraginta tu dimidio auges,
non potes digitorum gestu errasse. nisi fortè tri-
5 ginta annorum Pudentillam ratus, binos cuiusque
anni Consules numerasti. Missa hæc facio. Venio
nunc ad ipsam stirpem accusationis: ad ipsam cau-
sam maleficij. Respondeat Æmilianus & Rufinus,
ob quod emolumentum, etsi maximè Magus fo-
10 rem, Pudentillam carminibus & venenis ad matri-
moniū pellexissem. Atque ego scio plerosque reos
alicuius facinoris postulatos, si fuisse quæpiam
causæ probarentur; hoc vno se tamen abundè de-
fendisse, vitam suam procul ab huiusmodi sceleri-
15 bus abhorrere: nec id sibi obesse debere, quòd vi-
deantur quedā fuisse ad maleficium perpetrandum
inuitamēta. Non enim omnia quæ fieri potuerint,
pro factis habenda. Rerū vices varias euenire: cer-
tum indicem cuiusque animum esse: qui semper
20 eodem ingenio ad virtutem vel ad malitiam mo-
ratus, firmum argumentum est accipiendi crimi-
nis, aut respuendi. Hæc ego quamquam possim
meritò dicere, tamen vobis cōdono: nec satis mihi
duco, si me omnium quæ insimulastis abundè pur-
gavi, si nusquam passus sum vel exiguam suspicio-
nem Magiæ consistere. Reputate vobiscum, quāta

fiducia innocentiae meae, quantoq; despectu vestri
agam; si vna causa vel minima fuerit inuenta, cur
ego debuerim Pudentillae nuptias ob aliquod meum
commodum appetere: si quamlibet modicum e-
molumentum probaueritis; ego ille sim Carinon-
das, vel Damigeron, vel is Moses, vel Iannes, vel
Apollonius, vel ipse Dardanus, vel quicunque a-
lius post Zoroastrem & Hostanem inter Magos ce-
lebratus est. Vide quaeso, Maxime, quem tumultum
suscitarint, quoniam ego paucos magorum nomi-
natim percensui. Quid faciam tam rudibus, tam
barbaris? Doceam Rufinum, haec & multo plura
alia nomina in bibliothecis publicis apud clarissi-
mos scriptores me legisse? an disputem, longe aliud
esse notitiam nominum, aliud artis eiusdem habere
re communionem: nec debere doctrinae instru-
mentum & eruditionis memoriam pro confessio-
ne criminis haberi? An quod multo praestabilius
est, tua doctrina Claudii Maxime, tuaque perfecta
eruditione fretus, contemnam stultis & impolis
ad haec respondere? Ita potius faciam. quid ille existi-
ment nauci non putabo. Quod institui, pergam di-
sputare: nullam mihi causam fuisse, Pudentillam ve-
nificiis ad nuptias prolectandi. Formam mulieris
& aetate ipsi ultro improbauerunt, idque mihi vitio
dederunt, talem vxorem causa auaritiae concupisse:
atque

atque adeò primo dotem in congressu grandem
& vberem rapuisse. Ad hæc, Maxime, longa ora-
tione fatigare te non est consilium. Nihil verbis
opus est, cum multo disertius ipsæ tabulæ loquan-
5 tur: in quibus omnia contrà quàm isti ex sua rapa-
citate de me quoque coniectauerunt, facta impræ-
sentiarum, & prouisa in posterum deprehendes.
Iam primùm mulieris locupletissimæ modicam
dotem, neque eam datam, sed tantummodo pro-
10 missam. Præter hæc; ea conditione factam coniun-
ctionem, si nullis ex me susceptis liberis vita demi-
grasset: vt dos omnis apud filios eius Pontianum
& Pudentem maneret: sin verò vno vnâue super-
stite diem suum obisset, vti tum diuidua pars dotis
15 posteriori filio, reliqua prioribus cederet. Hæc, vt
dico, tabulis ipsis docebo. Fors fuerit, vt ne sic
quidem credat Æmilianus, sola trecenta millia
nummûm scripta, eorûmque repetitionem filiis
Pudentillæ pacto datam. Capiens ipse tu manibus
20 tuis tabulas istas, da impulsori tuo Rufino. legat.
Pudeat illum tumidi animi sui, & ambitiosæ men-
dicitatis. quippe ipse egens, nudus, CCCC mili-
bus nummûm à creditore acceptis filiam dotaui.
Pudentilla locuples femina trecentis milibus do-
tis fuit contenta: & maritum habet, & multis sæpe
& ingentibus dotibus spretis, inani nomine tan-

tulæ dotis contentum : cæterum præter vxorem suam nihil computantem : omnem supellectilem cunctasque diuitias in concordia coniugis & mutuo amore ponentem. Quamquam qui omnium vel exigue rerum peritus culpæ auderet ; si mulier, vidua & mediocri forma, at non ætate mediocri, nubere volens, longa dote & molli conditione inuitasset iuuenem, neque corpore, neque animo, neque fortuna pœnitendum? Virgo formosa, etsi sit oppidò pauper, tamen abundè dotata est. Affert 10 quippe ad maritum nouum animi indolem, pulchritudinis gratiam, floris rudimentum. Ipsa virginittatis commendatio, iure meritòque omnibus maritis acceptissima est. Nam quodcunque aliud in dotem acceperis, potes, cùm libuit, ne sis benefici 15 cio obstrictus, omne, vt acceperas, retribuere: pecuniam renumerare, mæcipia restituere, domo demigrare, prædiis cedere. Sola virginitas, cùm semel accepta est, reddi nequitur: sola apud maritum ex rebus dotalibus remanet. Vidua autem qualis nuptiis 20 venit, talis diuortio digreditur. nihil affert irreposcibile: sed venit iam ab alio præflorata: certè tibi, ad quæ velis, minimè docilis: non minus suspectans nouam domum, quàm ipsa iam ob vnum diuortium suspectanda: siue illa morte amisit maritum, vt scæui ominis mulier, & infausti coniugij, minimè

minimè appetēda : seu repudio digressa est, vtram-
uis habeat culpam mulier : quæ aut tam intolerabi-
lis fuit vt repudiaretur, aut tam insolens vt repu-
diaret. Ob hæc & alia viduæ dote aucta procos sol-
5 licitant. Quod Pudentilla quoque in alio marito
fecisset, si philosophum spernentem dotis non re-
perisset. Age verò, si avaritiæ causa mulierem con-
cupissem : quid mihi vtilius ad possidendam do-
mum eius fuit, quàm simultatem inter matrem &
10 filios ferere? alienare ab eius animo liberorum ca-
ritatem, quo liberius & artius desolatam mulierem
solus possiderem? Fuit ne hoc prædonis, quod esse
vos fingitis? Ego verò quietis & concordiæ & pie-
tatis autor, conciliator, fauissor, non modò noua
15 odia non serui, sed vetera quoque funditus extir-
pauit. Suasi vxori meæ, cuius, vt isti aiunt, iam vni-
uersas opeis transuoraram : suasi inquam, ac deni-
que persuasi, vt filiis pecuniam suam reposcenti-
bus, de quo suprà dixeram, vt eam pecuniam sine
20 mora redderet in prædiis vili æstimatis, & quan-
to ipsi volebant : Præterea ex re familiari sua fru-
ctuosissimos agros, & grandem domum, opulen-
tè ornatam, magnamque vim tritici & ordeï, &
vini & olei, cæterorūque fructuum : seruos quo-
que haud minus quadringentos : pecora amplius
neque pauca neque abiecti pretij donaret : vt eos

& ex ea quam tribuisset parte securos haberet, & ad
 cætera hereditatis bona spe inuitaret. Hæc ego ab
 inuita Pudentilla, patietur enim me, vti res fuit, ita
 dicere, ægrè exauditus, ingentibus precibus inuitæ
 & iratæ extorſi; matrem filiis reconciliaui, priui-
 gnos meos, primo hoc vitrici beneficio, grandi
 pecunia auxi. Cognitum hoc est tota ciuitate. Ru-
 finum omnes execrati, me laudibus tulêre. Venerat
 ad nos, priusquam istam donationem mater perficeret,
 cum dissimili isto fratre suo Pontianus: ante
 pedes nostros aduolutus, veniam & obliuionem
 præteritorum omnium postulat; flens & manus
 nostras osculabundus, ac dicens pœnitere, quòd
 Rufino & similibus auscultarit. Petit postea suppli-
 citer, vti se Lolliano quoque Auito C. V. purgem,
 cui haud pridem tyrocinio professionis suæ fuerat
 à me commendatus. quippe compererat, ante pau-
 cos dies omnia me, vt acta erant, ad eum perscripsis-
 se. Id quoque à me impetrat. Itaque acceptis literis
 Carthaginem pergit: vbi iam propè exacto Conſu-
 latus sui munere, Lollianus Auitus te, Maxime, op-
 periebatur. His epistolis meis lectis, pro sua eximia
 humanitate gratulatus Pontiano, quòd citò erro-
 rem suum correxisset, rescripsit mihi per eum, quas
 litteras, Dij boni! qua doctrina! quo lepôre! qua
 verborum amœnitate simul & iucunditate! pror-
 sus vir

sus vt vir bonus dicendi peritus. Scio te, Maxime,
libenter eius litteras auditurum:& quidem si perle-
gam: mea voce pronuntiabo. Cedò tu Auiti epi-
stolas: vt quæ semper ornamento mihi fuerunt,
5 sint nunc etiam saluti. At tu, licebit aquam sinas
fluere. Namque optimi viri literas ter & quater ad-
eo quantouis temporis dispendio lectitarem. LOL-
LIANI AVITI LITERAE. Non sum nescius, debuisse
me post istas Auiti literas perorare. Quē enim lau-
10 datorē locupletiolem, quem testem vitæ meæ san-
ctiorem producam, quem denique aduocatum
facundiolem? Multos in vita mea Romani no-
minis disertos viros sedulò cognoui, sed sum æquē
neminem admiratus. Nemo est hodie, quantum
15 mea opinio fert, alicuius in eloquentia laudis ac
spei, quin Auitus esse longè malit, si cum eo se, re-
mota inuidia, velit conferre. Quippe omnes fandi
virtutes pænè diuersæ in illo viro congruunt. Quā-
cunque orationem struxerit Auitus, ita illa erit
20 vndique sui perfectè absoluta, vt in illa nequē
Cato grauitatem requirat, neque Lælius lenitatem,
neque Gracchus impetum, nec Cæsar calorem,
nec Hortensius distributionem, nec Caluus argu-
tias, nec parsimoniam Sallustius, nec opulentiam
Cicero: prorsus in qua, ne omnis persequar, si
Auitum audias, neque additum quidquam velis,

neque detractum, neque autem aliquid commutatum. Video, Maxime, quàm benignè audias, quæ in amico tuo Auito recognoscis. Tua me comitas, ut vel pauca dicerem de eo, inuitavit. At non usque adeo tuæ beniuolentiæ indulgebo, ut mihi permittam, iam propemodum fesso, in causâ prorsus ad finem inclinata, de egregiis virtutibus eius nunc demû incipere: quin potius eas integris viribus & tēpori libero seruem. Nunc enim mihi, quod ægrè fero, à commemoratione tanti viri, ad 10 pestis istas oratio reuoluenda est. Audēsne te ergo Æmiliane cum Auito conferre? Quemne ille bonum virum ait, cuius animi disputationem tam plenè suis litteris collaudat, eum tu Magiæ, maleficij, criminis infectabere? An inuasisse me 15 domum Pudentillæ, & compilare bona eius, tu magis dolere debes, quàm doluisset Pontianus, qui mihi ob paucorum dierum, vestro scilicet instinctu, ortas similtates, etiam absenti, apud Auitum satisfecit? qui mihi apud tantum virum gra- 20 tias egit? Puta me acta apud Auitum, non litteras ipsius legisse: quid posses, vel quisquis in isto negotio accusare? Pontianus ipse, quod à matre donatum acceperat, meo muneri acceptum ferebat: Pontianus me vitricum sibi cōtigisse intimis affectionibus letabatur. Quòd utinam incolumis Carthagine

thagine reuertisset: vel, quoniam sic ei fuerat Fato
decretum, vtinam tu Rufine supremum eius iudi-
cium non impedisses: quas mihi aut coram, aut
denique in testamento gratias egisset! Litteras ta-
5 men quas ad me Carthagine, vel iam adueniens
ex itinere præmisit, quas adhuc validus, quas
iam æger, plenas honoris, plenas amoris, quæso
Maxime paulisper recitari sinas, vt sciat frater e-
ius, accusator meus, quàm in omnibus Mineræ
10 curriculum cum fratre optimæ memoriæ viro
currat. PONTIANI LITERAE. Audistine voca-
bula, quæ mihi Pontianus frater tuus tribuerat? me
parentem suum, me *dominum*, me *magistrum*, cùm
sæpe aliàs, tum in extremo tempore vitæ vocans?
15 Possem tuas quoque pares epistolas promere: si
vel exiguam moram tanti putarem: potius testa-
mentum illud recens tui fratris, quamquam im-
perfectum, tamen proferri cuperem, in quo mei
officiosissimè & honestissimè meminit. Quod ta-
20 men testamentum Rufinus neque comperari, ne-
que perfici passus est, pudore perditæ hereditatis:
quam paucorum mensium, quibus socer Pontiani
fuit, magno quidem pretio noctium computarat.
Præterea nescio quos Chaldeos cōsuluerat, quo lu-
cro filiam collocaret. Qui, vt audio, vtinam illud
non verè respondissent, primum eius maritum in

paucis mensibus moriturum. Cætera enim de hæ-
reditate, vt assolent, ad consulentis votum confin-
xerunt. Verùm, vt Dij voluere, quasi cæca bestia,
incassum hiauit. Pontianus enim filiam Rufini ma-
lè compertam, non modò hæredem non reliquit, 5
sed ne honesto quidem legato impertiuit: quip-
pe qui ei ad ignominiam lintea adscribi ducen-
torum ferè denariorum iussit: vt intelligeretur
iratus potius externasse eam, quàm oblitus præter-
isse. Scripsit autem heredes tã hoc testamento quàm 10
priori, quod lectum est, matrem cum fratre. cui, vt
vides, admodum puero, eandem illam filiæ suæ ma-
chinam Rufinus admouet: ac mulierem alioqui
multò natu maiorem, nuperrimè vxorem fratris,
misero puero obiicit, & obsternit. At ille puellæ me 15
retriciis blandimentis, & lenonis patris illectamen-
tis captus & possessus, exinde vt frater eius animam
edidit, relicta matre, ad patruum cõmigravit, quo
facilius remotis nobis cœpta perficerentur. Fauet
enim Rufino Æmilianus, & prouentum cupit? E- 20
hem! rectè vos admonetis. etiam suam spem bonus
patruus temperat in isto, ac fouet: qui sciat intestati
pueri legitimum magis quàm iustum hæredem fu-
turum. Nollem hercule hoc à me profectum. Non
fuit meæ moderationis, tacitas omniū suspiciones
palàm abrumperè. malè vos qui suggessistis. Planè
quidem

quidem si verum velis, multi mirantur Æmiliane
tam repentinam circa puerum istū pietatem tuam,
postquam frater eius Pontianus est mortuus: cum
antea tam ignotus illi fueris, ut sæpe ne in occurfu
5 quidem filium fratris de facie agnosceres. At
nunc adeo patientem te ei præbes, itaque eum in-
dulgencia corrumpis, adeo ei nulla re aduersaris: ut
per hæc suspicionibus fidem facias. Inuestem à no-
bis accepisti: vesticipem illico reddidisti. cum à
10 nobis regeretur, ad magistros ibat: at ab iis nunc
magna fugela in ganeū fugit: amicos serios asper-
natur: cū adulescentulis postremissimis inter scor-
ta & pocula puer hoc æui in conuiuio agitatur. Ipse
domi tuæ rector, ipse familiæ dominus, ipse magi-
15 ster in conuiuio. in ludo quoque gladiatorio fre-
quens visitur, nomina gladiatorum & pugnas &
vulnera planè quidem ut puer honestus ab ipso la-
nista docetur. loquitur numquam nisi Punicè, &
si quid adhuc à matre Græcissat. Latina enim
20 neque vult, neque potest. Audisti Maxime paulo
antè, pro nefas! priuignum meum, fratrem Pon-
tiani, disertum iuuenis, vix singulas syllabas fringul-
tientem, cum ab eo quæreres, donasset ne illis
mater, quæ ego dicebā me adiuuante donata. Te-
stor igitur te, Claudii Maxime, vósque qui in confi-
lio estis, vósque etiam qui tribunal mecum adsi-

stitis, hæc damna & dedecora morum eius patruo
huic, & candidato illi focero adsignanda: meque
posthac boni consulturum, quod talis priuignus
curæ meæ iugum ceruice excusserit: neque postea
pro eo matri eius supplicaturum. Nam, quod pæ-
nissimè oblitus sum, nuperrimè cùm testamentum
Pudentilla post mortem Pontiani filij sui, in mala
valitudine scripserit; diu sum aduersus illam reni-
sus, ne hunc ob tot insigneis contumelias, ob tot
iniurias exheredaret. elogium grauiissimum iam
totum mediusfidius perscriptum, vt aboleret, im-
pensis precibus oraui. Postremò ni impetrarem, di-
uersurum me ab ea comminatus sum. mihi hanc
veniam tribueret: malū filium beneficio vinceret;
me inuidia omni liberaret. Nec prius destiti, quàm
ita fecit. Doleo me huncce scrupulum Æmiliano,
dempsisse: tam inopinatam semitam indicasse.
Specta quæso, Maxime, vt hisce auditis, subito ob-
stupuerit, vt oculos ad terras demiserit. enim lon-
gè secius ratus fuerat. nec immeritò, mulierem
filij contumeliis infectam, meis officiis deuinctam
sciebat. De me quoque fuit quod timeret. Quis
enim, vel æquè vt ego spernens hereditatis, tamen
vindicare de tam inofficioso priuigno recusasset?
Hæc præcipuè sollicitudo eos ad accusationem
mei stimulauit. hereditatem omnem mihi relictam
falso

falsò ex sua auaritia coniectauere. Soluo vos in
præteritum isto metu. Namque animum meum
neque hereditatis, neque ultionis occasio potuit
loco dimouere. Pugnaui cum irata matre, pro
5 priuigno malo vitricus, veluti pater pro optimo
filio aduersus nouercam. nec satis fuit: ni bonæ
vxoris prolixam liberalitatem circa me nimio plus
æquo coërcerem. Cedò tu testamentum, iam ini-
mico filio à matre factum: me, quem isti prædo-
10 nem dicunt, verba singula cum precibus præeun-
te. Rumpi tabulas istas iube Maxime: inuenies filiū
heredem: mihi verò tenue nescio quid, honoris gra-
tia legatum; ne, si quid ei humanitūs attigisset, no-
men maritus in vxoris tabulis non haberem. Cape
15 istud matris tuæ testamentum, verè hoc quidem
inofficiosum. Quid ni? in quo obsequentissimum
maritum exheredauit, inimicissimum filium scri-
psit heredem: immò enimuerò non filiū, sed Æmi-
liani spes, & Rufini nuptias; sed temulentum illud
20 collegium, parasitos tuos. Accipe inquam filio-
rum optime, & positis paulisper epistolis amato-
riis matris, lege potius testamentum. si quid quasi
insana scripsit, hîc reperies, & quidem mox à prin-
cipio: SIC INIUS PVDENS FILIUS MEVS
MIHI HERES ESTO. Fateor: qui hoc legerit,
insanam putabit. Hiccine filius heres, qui te in

ipso fratris suo funere, aduocata perditissimorum
iuuenum manu, voluit excludere è domo, quam
ipsa donaueras, qui te sibi à fratre cohæredem re-
lictam, grauiter & acerbè tulit? qui confestim te,
cum tuo luctu & mærore deseruit, & ad Rufinum,
& Æmilianum de sinu tuo aufugit? Qui tibi pluri-
mas postea contumelias dixit coràm, & adiuuante
patruo, fecit? Qui nomen tuum pro tribunalibus
ventilauit? qui pudorem tuum tuismet literis co-
natus est publicè dedecorare? qui maritum tuum, 15
quem elegeras, quem, vt ipse obiiciebat, efflictim
amabas, capitis accusauit? Aperi quæso bone
puer, aperi testamentum: facilius insaniam matris
sic probabis. Quid abnuis? quid recusas, postquam
solicitudinem de hereditate materna repulisti? At 15
ego hæc tabulas Maxime, hic ibidem pro pedi-
bus tuis adiicio: testor quæ me deinceps incuriosius
habiturum, quid Pudentilla testamento suo scri-
bat. Ipse iam, vt libet, matrem suam de cætero
exoret. mihi, vt vltra pro eo deprecer, locum non 20
reliquit. Ipse iam, vt sui potens, ac qui acerbissimas
litteras matri dictet, iram eius deliniat: qui po-
tuit perorare, poterit exorare. Mihi iamdudum
satis est, si non modò crimina obiecta plenissimè
diluï, verùm etiam radicem huius iudicij, id est he-
reditatis quæsitæ inuidiam, funditus substuli. Illud
etiam,

etiam, ne quid omnium præteream, priusquã peroro, falsò obiectum reuincam. Dixistis, me Magia de pecunia mulieris pulcerrimum prædium meo nomine emisse. Dico, exiguum herediolum sexaginta
5 milibus nummum, id quoque non me, sed Pudentillam suo nomine emisse: Pudentillæ nomen in tabulis esse: Pudentillæ nomine pro eo agello tributum dependi. Præsens est quæstor publicus, cui dependum est, Coruinus Celer, vir ornatus. adest etiã tutor, auctor mulieris, vir grauissimus & sanctissimus,
10 omni cum honore mihi nominandus, Cassius Longinus. Quære Maxime, cuius emptionis auctor fuerit: quantulo pretio mulier locuples agellum suum præstinarit. TESTIMONIUM CASSII LONGINI TUTORIS, ET CORVINI CLEMENTIS, QVOD RECITATVM EST. Estne ita vt dixi? vsquam in hac emptione nomen meum adscriptum est? Num ipsum heredioli pretium inuidiosum est? Num vel hoc saltem in me collatum? Quid etiam est Æmiliane, quod
20 non te iudice refutauerim? quod pretium Magiæ meæ reperisti? cur ego Pudentillæ animum beneficiis flecterem? quod ex ea commodum caperem? vti dotem mihi modicam potius quàm amplam diceret? O præclara carmina! an vt eam dotem filiis suis magis restipularetur, quàm penes me sineret? Quid addi ad hanc Magiam potest? an vti rem fa-

miliarem suam meo adhortatu pleramq; filiis con-
 donasset, quæ nihil illis ante me maritū fuerat lar-
 gita, mihi quidquā impartiret? O graue beneficiū,
 dicam, an ingratum beneficium? an vt testamento,
 quod irato filio scribebat, filium potius, cui offensa
 erat, quàm me, cui deuincta, heredem relinqueret?
 Hoc quidem multis carminibus difficilè impetra-
 ui. Putate vos causam nō apud Claudium Maximū
 agere, virum æquum, & Iustitiæ pertinacem; sed
 alium aliquem prauum & sæuum iudicem substi- 10
 tuite, accusationum fautorem, cupidum condem-
 nandi: date ei quod sequatur: ministrare vel tantu-
 lam verisimilem occasionem secundum vos pro-
 nuntiandi. Saltem fingite aliquid, reminiscimini,
 quod respōderatis, qui vos ita rogarit. Et, quoniam 15
 omnem conatum necesse est quæpiam causa præ-
 cedat: respondete, qui Apuleium dicitis animum
 Pudentillæ Magicis illectamentis adortum, quid ex
 ea petierit? cur fecerit? Formā eius voluerat? negatis.
 Diuitias saltem concupierat? negant tabulæ dotis, 20
 negant tabulæ donationis, negāt tabulæ testamēti.
 in quibus non modò non cupidè appetisse, verū
 etiam durè repulisse liberalitatem suæ vxoris osten-
 ditur. Quæ igitur alia causa est? Quid obmutuistis?
 quid tacetis? Vbi illud libellivestri atrox principiū,
 nomine priuigni mei formatum? *Hunc ego, domine*
Maxime,

Maxime, reum apud te facere institui. Quin igitur ad-
dis, reum magistrum, reum vitricum, reum depre-
catorem? Sed quid deinde? *plurimorum maleficiorum*
& manifestissimorum. Cedò vnum de plurimis: cedo
5 dubium, vel saltem obscurum de manifestissimis.
Cæterum ad hæc quæ obiecistis innumera, binis
verbis respondeam. Dentes splendidas: Ignosce
mundiciis. Specula inspicias: Debet philosophus.
Versus facis: licet fieri. Pisces exploras: Aristote-
10 les docet. Lignum consecras: Plato suadet. Vxo-
rem ducis: Leges iubent. Prior natu ea est: Solet
fieri. Lucrum sectatus es dotis: Dotale accipe,
donationem recordare, testamentum lege. Quæ si
omnia affatim retudi, si calumnias omnes refu-
15 tau: si in omnibus non modò criminibus, verum-
etiam maledictis, procul à culpa Philosophiâ tui-
tus sum, si Philosophiæ honorem, qui mihi salute
mea antiquior est, nusquam minui: immò contrà
vbique, si cum septem pennis eum tenui: si hæc ut
20 dico ita sunt: possum securius tuam existimatio-
nem reuereri, quàm potestatem vereri: quod mi-
nus graue & verendum mihi arbitror, à proconsu-
libus damnari, quàm si à tam bono, tamq; emen-
dato viro improber. Dixi.

ISAACI CASAUBONI
in
L. APVLEI APOLOGIAM
Castigationes.

ISAACI CASAVBONI

in

L. ABALAE APOLOGIAM

Castigationes



ISAACI CASAVBONI

in

L. APVLEI APOLOGIAM

CASTIGATIONES.



15 **A**POLOGIA.) In emendando elegantissimo isto libro, vñ sumus veteri editione Romana, quæ omniū prima anno M. CCCC L X I X. cusa est. ea nobis ad manum semper manuscriptorum loco fuit. Eius ope mendas ex tantulo scripto, plurimas & grauissimas sustulimus. vt quī eorum
20 negligentiam excusem nescio, qui hoc ipsum ante nos professi, tam leuiter collatione illius libri sint defuncti. Nos contra eam editionem, vt omnium minimè correctorum manus expertam, & proinde minus corruptam, per omnia secuti sumus: nisi ea manifestè vitiosa esset. Nam & ipsa, præ
25 ter quam quod Græca fere non habuit, graues nec paucas mendas continet. quas nos, Dei virtute, plerasque omnes sagaci coniectura absterfimus. Eiusmodi est quod falsam *ἐπιγραφὴν*, quæ orationem vnicam, & vt Iuriscōsulti loquuntur, actum legitimum, qui necessario continuus esse debet,
30 male dispescebat, emendauimus, quæque vitio separabatur, coniunximus, & in pristinam integritatē restituiimus. Auctoris non esse eam sectionem, nemo sanus in controuersia vocare potest. Nam quare, obsecro, in scribendo oratio-

nem diuississet, quam vno tenore apud Procosl. pronuntias-
 set? quo exemplo? aut quam ob causam? an quia liber lon-
 gior erat futurus? nugæ. quasi non multæ hodie extent &
 Græcorum oratorum & Romanorum longiores. Deinde
 quis non videt, totum orationis contextum vna propo-
 sitione contineri, vno epilogo claudi? Non ergo auctoris erat
 illa *τομή*: quam propterea iure merito sustulimus præsertim
 cum auctoritate summi viri Aurelij Augustini factum no-
 strum tueri possimus: qui *orationem copiosissimam* hunc li-
 brum appellat. nimirum eius ætate nondum exortum erat
 istud ingeniosorum hominum genus, qui partim ignoran-
 tia, partim *ὑπερβία* intolerabili, in bonos auctores pridem
 grassantur. Eiusmodi hominibus partitionem hanc acce-
 ptam ferre debemus: qui etiam Floridorum librum pri-
 mum in duos non minore flagitio tribuerunt. non enim
 quatuor, sed tres solum libri Floridorum ab Apuleio sunt
 relictæ. Male etiam iidem philosophica huius auctoris scri-
 pta digesserunt. cum enim tres libri hi, De dogmate Plato-
 nis, De philosophia, & *Περὶ ἐπιδεικνύμενης* vnum opus sint, &
 corpus vnum debeant efficere, hodie longe aliter eduntur,
 non secus ac si separati sint, & libri singulares. Atqui ita vt
 diximus rem habere, testis ipse Apuleius qui non procul à
 libri *De dogmate Platonis* principio ita scribit, de Platone
 loquens: *Quoniam treis partes Philosophiæ congruere inter se pri-
 mus obtinuit, nos quoque separatim dicemus de singulis, à naturali
 philosophia facientes exordium.* Pollicetur se tres libros scriptu-
 rum de totidem philosophiæ partibus, ex disciplina Plato-
 nica. Quære ab iis qui nobis concinarunt hætenus editio-
 nes Apuleij, vbi illi tres libri sint: negabunt, opinor, integrum
 opus ad nos peruenisse. id verò peruenit, hodièque extat.
 tres illos sane libros quin habeamus nemo negabit. Primus
 est ille ipse, qui *τὸν φυσικὸν τρόπον* complectitur: secundus is, cui
De philosophia hodie index est, in quo *ὁ ἡθικός τρόπος* conti-
 netur.

netur. Eius initium, *Moralis philosophiæ caput est*. Tertium noli dubitare eum esse qui postremum locum obtinere solet in vulgatis editionibus, & Περὶ ἐρμηνείας inscribitur. nam eo complexus auctor τὸν λογικὸν τόπον. Principium ita habet, *Studium sapientiæ quod Philosophiam vocamus, plerisque videtur tres species habere, Naturalem, Moralem, & de qua nunc dicere proposui Rationalem*. Sed redeo ad Romanam editionem: ex qua scire volo lectorem plerasque omnes esse emendationes promptas, quarum ratio hoc libro non reddetur. Porro quis ille fuerit qui primus tantum flagitium admiserit, & tot monstra nobis post illam editionem protulerit, pro certo compertum non habemus. puto tamē Bernardum Philomathē Pisanum fuisse, qui eā editionem curauit quæ anno M. D. X. X. I. Florentia prodiiit: quod ex illius gemina epistola ei editioni præfixa facile quis intelligat. Illi tamen viro, utcumque de cæteris merito, Græca non pauca quæ primus ex suis libris descripsit & edidit, debemus.

Pag. 2, v. 3 (patroni eius) Si rectum est quod modò præcessit, aduersus Grauios, nimirum hîc scribendum, p. eorum.

12 quum paulò prius occisum à me clamitaret) Ita emendauimus vulgatam lectionem, quem p. p. o. à me clamitarat. quæ ferri non potest: est enim prorsus ἀσυντάκτος & incohærens. Romana edit. Igitur Pontiani. cætera ut reliquæ.

25 18 eam solam sibi delegit) Possit videri iam scribendum. Sed nihil debet mutari. Est enim Ἑλληνισμὸς familiaris huic scriptori, apud quem sæpe reperias eam dictionem παρέλκουσαν. Infra, quod animi partem rationalem, quæ longè sanctissima est, eam violet. Tolle eam: sententiæ nihil detraxeris. Ita autem Græci, Herodotus præsertim, & Pausanias, atque è recentioribus Agathias. etsi id propriè Hebræorum dialecti esse certum est.

30 22 scilicet ut obtentu) Placuit hæc distinctio, præ vulgata,

nouo more per alium laceffendi fcilicet : vt obt.

Pag. 3, 1 *ne fic quidem quitus eft.*) Sic Roman. editio. cur mutarunt homines ἀμυνοσι: vulgò enim *quietus eft.* Terentius, *forma in tenebris noſci non quita eft.* Vtitur & alibi Lucius noſter.

3 *ab accuſandi periculo profugus,*) Id eſt, ab accuſando, in quo erat periculũ. Sic ſtatim elegãter & breuiter *in aſſiſtendi venia perſeueravit.* αὐτὶ τὲ in aſſiſtẽdo, vbi ſpes veniæ. Hoc moneo, quia reperti ſunt tam corrupti palati homines, quibus vulgata lectio non ſaperet, ac legi vellent, *in aſſi-* 10 *ſtendi vmbra.* ô acumen!

12 *pro falſo infamarit.*) Malè in omnibus libris *infamaret.*

13 *tanta quidem perrinacia*) Rom. ed. *peruicacia.*

16 *contra clariſſima voce iurauerit recordiſſimus iſte tamen,*) Sic nos emendauimus corruptam lectionem omnium li- 15 brorum, *contra clariſſimam vocem.* Enimuero ea ſcriptura manifeſtò falſa: iſta enim *clariſſima vox* vox Æmiliani eſt non Lollij Urbici. quod ex ſequentibus clarum. Elegantiſſimè autem Apuleius hominem eum χαεαντνεί ζει quẽ Theophraſtus ἀπονεονμῆρον vocat: quòd malam cauſſam 20 tanta confidentia tueatur: quòd iuret tam facilè, imò peieret: quòd alta & clara voce vociferetur. eadẽ Theophraſtus.

20 *ſpero in hoc quoque iudicio erupturam.*) Scribo & diſtinguo, *erupturum:* quippe, qui ſciens innocentem criminatur. *Erum-* 25 *pere vocem,* dictum ἐρεμπντικὸς, vt apud Terentium *erumpere gaudium:* apud Ciceronem, *erumpere ſtomachum in aliquem.* Qui nō animaduenterat: in ſuperiore loco legendũ *clariſſima voce,* eos ne iſtum quidem recte accipere potuiſſe certum eſt. Hoc ait: ſperare ſe fore, vt Æmilianus iſto 30 quoque iudicio victus, idem vœcordiæ ſpecimen edat ac fecit priore illo. Id prius iudicium Romæ non in prouincia fuit celebratum, apud tribunal. Q. Lollij Urbici præfecti

facti Urbis: de quo vetus lapis extat Romæ,

A POLLINI

Q. LOLLIVS. VRBICVS

PRÆF. VRB.

5 Pag. 4, 12 *effutierunt.*) Roman. *effuderunt.* eadem mox, *utiliter blatterata*: hoc est, conducibiliter causæ quam tuebantur, & sui quæstus gratiâ: non seriò neque ex animi sententia. 14 *deprehensa haberi,*) hoc est, pro manifesto falsis, & factis reuictis. Quid si tamen scribamus, *ob mercedem & auctoramenta impudentiæ depensa*: pro, repensa.

10 Pag. 5, 15 *homo verè ille quidem non disertissimus.*) Restituimus negationem ex editione Romana. Ea vera lectio, & ex Apuleij mente, qui etiam infra Tannonio eidem infantiam obiicit: de eo enim sunt hæc, *sed eloqui propter infantiam causidicus summus nequiret.* Mox, *At ego illi contra iustius exprobrauerim, quod qui eloquætiæ patrociniū vulgo profiteatur, etiam honesta dictu sordide blatteret, ac sæpe in rebus nequaquam difficilibus fringuliat, vel omnino obmutescat.*

15 Pag. 6, 2 *Velia oriundum,*) Errat vir ille doctissimus cui ait Coluius placere ut *Elea* scribatur. quasi non idem sint *Ε-λέα* & *Velia*.

20 5 *ut Plato autumat*) Recte ut non &, quod quibus iam placet: qui non vident & præcedentia & sequentia pendere à verbo respondissem. *Autumat* est, *λέγει*, ut rectè vertitur in Glossario. Zenonem Plato vocat *δύμην καὶ χαιέντα ἰδεῖν*.

25 16 *horrore implexus atque impeditus*) Gloss. *Implexa barba δαυπώων*: *νόσσανοπώων* ut quidā. sunt qui scribāt *horrore impex*⁹. Sic in Glossario, *Impexa, ἀκτένισος, φεικτή.* & ita lego in alio eiusdē libri loco *Horridus, ἀκτένισος, φεικτός.* vbi vulgati libri valde corruptè *σιαντο φεικτός.* Sed magis placet lectio omnium librorum *implexus*. Vtraque voce vsus Agathias elegantissimus scriptor, in eadem sententia, οἱ

πλόκαμοι τῶν Τέρκων τε καὶ βαρβάρων ἀπέκτιτοι καὶ αὐχμηροί,
καὶ ῥυπάντες, καὶ ἐνέρσει ἀπρεπῶς ἀναπεπλεγμένοι.

16 *stuppeo tormento*) Mihi videbatur frigidius, ut capil-
lus capitis funi (id enim est *tormentum*) assimilaretur: lege-
bam igitur *tomento*: nihil tamen pronuntio. Rom. cod. 5
stuppæ t.

Pag. 7, 22 *non vidit profectò*) Omnino placet mihi lectio quæ
in quibusdam libris reperitur, *invidit pr.* Digna vox erudi-
tione Apuleij *invidere* pro non videre: ut *inuisus* pro nō vi-
so etiā apud M. Tullium. Si quis propter huiusmodi vo- 10
ces fastidiendam putet huius eruditissimi scriptoris ora-
tionem, eum ego censeo quid scit Latinè scire prorsus i-
gnorare. Nam certum est optimos quosque Latinitatis
auctores plerisque compositis cum *re* vel *in* vel *ex* multi-
fariam uti solitos: quod & veteres critici pridem monue- 15
runt: & nos ad Persium & Suetonium cis paucos menses
Deo faciente, ostendemus.

Pag. 8, 1 *Misi ut petisti*) Magnus error admissus erat in dige-
rendis hisce versibus, quem sustulimus. ita enim absque
dubio debent hæc edi, ut sunt à nobis collocata, nō ut in 20
prioribus editionibus. Proferendi huius epistolij occasio
prima fuit, ut probaret petitu Calpurniani dentifricium
se misisse: ergo illa verba *Misi ut petisti* male post paren-
thesin ponuntur. Iam verò ipsius parenthesesos dedere oc-
casionem illa verba, *ex Arabicis frugibus*, perperam igitur il 25
li subiiciuntur. sed & aliās confusa ista ante edebantur,
quæ iam planissima sunt.

1 *mundicinas dentium*) Vulgo *munditias*, contra modulum
versus. Obseruare licet in scriptoribus eius æui & dein-
cipibus frequentem hunc τύπον. Sic *indicinam* alibi dixit 30
hic idem: Tertullianus *iuridicinam* & *vestificinam*. Ammia-
nus & Symmachus *causidicinam*, ne plura nunc comme-
morem.

20 nihil in se sordidum) Ita Rom. alij sordium eadem Ro. statim, feculentum non fœtulentum.

Pag. 9, 1 è dentium muro)--ποῖόν σε ἔπος φύγῃ ἔρκος ὀδόντων;

2 diceret suo more) Distinctione prava laborabat hic locus. At viro doctissimo caue assentiaris, qui suo iure voluit scribi. Suo more valet, grandiloquē, μεγαληρότης: cui opponuntur mox illa, pro meo capru.

10 Pag. 10, 4 qui se sciat rationem prompturum) Malim orationem. sed alteram lectionē nonnihil confirmat similis locus De dogmate Platonis, homini promptuarium rectæ rationis & suavis-
simæ orationis os datum est.

15 6 de homine nato) Græcum est οὗτις ἀνθρώπου φύσις, vel πεφυκότος. Cicero pro eo dicere solet, qui se hominem meminerit. ea enim ἐνέργεια est Græcæ locutionis, quam exprefit ad verbum Apuleius & hîc & paulo post, An tu ignoras nihil esse aspectabilius homini nato quam formam suam?

20 11 multæ arundines dentibus implectuntur.) Quis locū hunc de mendo habeat suspectum? tamen legendum aio, multæ hircines d. imp. Ælianus, ὁ γουὼ περικόδειλος νήχεται ἅμα καὶ κέχνηεν ἐμπίπτεσιν οὐδ' αἱ βδέλλαι ἐς αὐτὸν, καὶ λυποῦσιν. Confirmat Plinius, cuius verba sunt, Hunc satyrum cibo piscium, & semper esculento ore. nam quomodo esculentum os appellabitur, cui arundines implexæ? Idem ex Aristotele colligas, qui ait trochilos edere purgamenta ista dentium crocodili, quod & Plinius innuit, & apertius scribit Ælianus: non enim sanè tantula avis arundinibus vescitur.

25 14 exscalpit) Minus rectè vulgo, exsculpit. Aristoteles, καὶ θάψει.

30 21 tam proximum argumentum?) Infra, Respondeat mihi Æmilianus quo proximo signo ad accusandum magiæ sit inductus.

Pag. 11, 14 Id genus plurima) Lego, pluria.

Pag. 12, 17 Plania in animo) Magis ex consuetudine linguæ Ro. nescio an & ex veritate, Flania scripseris.

19 C. Lucillum quanquam sit iambicus) Putem verius, C. Lucillum quanquam sit satyricus. adhuc tamen animi pendeo.

20 quod Gentilem) Lege cum Rom. Gentium. Gentius & Macedo puerorum nomina, alterum vt puto, Illyrici, alterum Macedonis.

Pag. 13, 26 *aficisque dolore*) Nollem virum linguæ Latinæ adeo peritum, tantum licentię vsurpasse contra omnem analogiã. par licentia sequenti versu in *amissimus*. Sed, quantum video, disertior Apuleius quam ποικιλιώτερος. Fuit autem ea securitas supina multorum illis tēporibus, vt obtemperare legi metricæ non amplius curarent, quàm amantes, ait poeta Siculus, πατερὸς μύθων καὶ μητὲρ ἀνοίειν. vide quæ passim habet carmina Spartianus.

Pag. 15, 9 *proprio quamque Amore & diuersis amatoribus pollentis.*) χῆμα πρὸς τὸ σημανομένην, *geminam Venerem pollentes quamque.* Est autem Rom. cod. scriptura *pollentis* pro *pollēteis*. qua de re multa Priscianus.

12 *vt immodico trucique perculsorum*) Scriptum erat, *vt in modico tr.* nulla sententia. *Perculsorum* est οἷς ἐπ'λήρων. vt, *ingenti percussus amore.* male qui censent mutandum: sequitur statim: illecebris sectatores suos percellentem.

15 *solis hominibus, & eorum paucis curare*) Nihil mutandum: Plautus Trinummo,

Sed ego sum insipientior qui rebus curem publicis.
& in Truculēto, *curare alienis rebus.* Vide Nonium. Sic paulo post adeo rebus meis curat.

17 *Quippe eius amore*) Ne hīc quidem vlla sententia nedum bona. Lege verò *Quippe eius Amorem non amœnum & lasciuum, sed cōtra incorruptum & serium, pulchritudine honestatis, virtutis amorem amatoribus suis conciliare.* verè Platonica sententia non dubium autem deesse vocem *amorem* ante *amatoribus*, quam restituiamus. Nemo nescit quàm sæpe factum, sæpe fiat ab oscitantibus scribis, vt similiū vocum vici-

vicinarum alteram omittant.

Pag. 16, 23 *tragœdi sŷrmate histrionis*:) Nihil planius ista lectio-
ne: Ait, *tragœdi histrionis*, quia tragicorum histrionum or-
namenta erant *σύρματα*, *σατοὶ*, *ξύσιδες*, & *χρυσόπαντα* id ge-
5 nus *ἰμάτια* personis apta quas ipsi sustinebant. Valerius in
Phormione. *Quid hîc cum tragicis versis & sŷrma facis?* Vale-
rius Max. lib. VII. *togam velut tragicam vestem in foro trahens.*
Frustra igitur sunt qui hîc mendum suspectant: Qui etiâ
in eo grauiſſimè errant, quod ex Luciani loco quodam
10 male intellecto, mimorum centunculos cum ornāmētis
tragicis confundunt. Sed hæc alterius loci.

Pag. 17, 6 *quàm Cereris mundum*) Sic illa vocat quæ mystæ Ce-
reris Eleusiniæ asseruabant in cistis mysticis. Clemēs A-
lexandrinus in Protreptico, *οἷα δὲ καὶ αἱ κίσαι αἱ μυστικαί; δ' εἰ*
15 *γὰρ ὁ πογυμνῶσαι τὰ ἄγια αὐτῆς, καὶ τὰ ἄρρητα εἰπεῖν. & σπασ-*
μαὶ τὰ ὕτα καὶ πνευμαίδες, καὶ τολύπαι, καὶ πόπανα πολυόμφαλα,
χονδροί τε ἁλῶν, καὶ δράκων, &c. vide Arnobium lib. quinto.

18 *& facilitas & similitudo*:) Posteriores editiones, *& fe-*
licitas. nos Romanam hîc quoque probauimus: sequentia
eam lectionem confirmant.

20 Pag. 19, 20 *profectæ à nobis imagines, velut quædam exuuiæ,*) Ita
exprimit vocem Græcā Epicuri *ἀπὸ ῥῥοιαι*: Lucretius *tex-*
turas pro ea dixit: quia non solū fluunt de corporibus hæ-
exuuiæ: sed etiam imaginem obiectu speculi generant &
25 quasi texunt. Sic ille libro quarto,

Et quamuis subito, quouis in tempore, quamque
Rem contra speculum ponas, apparet imago:
Perpetuò fluere ut noscas è corpore summo
Texturas rerum tenuis, tenuisque figuras.

30 Sed venit aliquando mihi in mentem Apuleium eo loco
legisse *Exuuias* non *textures*: itaque esse rescribendum. de
quo iudicent docti viri.

25 *seu mediis oculis proliquari.*) Respicit illa Platonis in dispu

tatione de visu ὥστε τὸ μὲν ἄλλο ὅσον παχύτερον εἶναι πάν' τὸ τοῖστο δὲ μόνον αὐτὸ κατὰ τὸν δυνάμειν.

26 *atque ei uniti*) Sic legi debet, vel vt Coluio visum, *muniti*. Vulgo, *atque muniti*. Plato ibidem. τὸ τῆς ὀφθαλμοῦ ῥῶμα, τὸ τε ἐκπύπτον ὁμοιον πρὸς ὁμοιον συμπαγὲς χυμόδμον, ἐν σῶμα οἰκείῳ δὲν ξυνέση. similia idem mox vbi tractat περὶ τῆς τῆς κατόπτρου εἰδωλοποιίας.

Pag. 20, 2 *intentu aeris fracti*) Petri Pithœi viri doctissimi, & cui æternum hæ nostræ literæ ac Iuris scientia debebūt, est hæc emendatio: nam omnes libri hîc corrupti sunt. 10 Plutarchus in Placitis ex Chrysippo vocat συνέντασιν τῆ μεταξὺ ἀέρος νυχύτος. vt de tanti viri correctione nemo dubitare debeat.

17 *appositum fomitem*) Scribendum, *oppositum*.

26 *ac non modo campo & glebis*) V oculam ac quæ exciderat, ex Rom. restitui- 15 mus: & à praua distinctione male affectum locum, sanauimus.

Pag. 21, 13 à *probatore obstitit*) Vulgo, *approbatore*. sed veram lectionem ex edit. Rom. reposuimus. Sic dictum à probatore ob- 20 stare, vt apud Græcos κρύπτειν & κρύπτεσθαι ἀπὸ τινός, etiam apud poetam præcipuum.

21 *Humilitate abdita & lucifuga*) Scrib. *abditus*.

22 *Ego adeo seruior: tu an habeas ad ag.*) Non dubitauimus veram & certam emendationem nostram in contextu recipere, spre- 25 ta vulgaria scriptura, *seruor & abeas*. Scio *seruor* pro *obseruor* Latinum esse, atque adeo Tullianum: sed id non posse hîc locum habere pertendo. non enim de obseruantia & cultu qui honoris causa à liberis personis exhibetur, intelligit: sed de seruorum διακονία & ministerio. Quid quod sequentia eam lectionem manifestè 30 fragitant? debet enim repeti vox *seruos* quæ in verbo *seruor* intelligitur inclusa: vt in illo τῶν LXX διακονῶν ἰδεῖν δὲ εἶναι. nimirum ἡ δίκη. est enim σχῆμα ἀπὸ κοινοῦ, ὅταν ληπτέον ἐκ τῆ

ἐν τῷ ῥήματι τὸ ὄνομα, vt loquitur Eustath. in Iliad. β. Non igitur *seruor* sed *seruior* legendum. Seneca, *seruis paucioribus seruiri*. De tranquill. vitæ.

24 cum vicinis tuis cambias) Vox Græcæ originis, quam Carisius libro tertio, & Priscianus ex eo vertunt ἀμείβομα. Glossæ veteres *Cacumbear* διάλλασει. Lego, *cambiat* ἀλλάσει. Est à *κάμπτω*, propter Gratiarum vices: semper enim Gratiæ *καμψιδάυλοι* non *σαδιοδρόμοι* esse debent. Inde est nostrum Francoceltarum *change* ἀμοιβή. Græci tamen suum *κάμπτω* non vsurpant pro eo quod est *cambio*: sed pro eo quod veteres Latini *campso* dicebant. Ennius *Leucaten campsan*. Græcum prouerbium apud Strabonem, Μαλέαν δὲ κάμψων ὀπιλάδου τῆς οἴκαδε. & apud geographos sæpe *κάμψαι ἀρεαν*.

15 Pag. 22, 22 ter triumphum una porta egerit) Quasi verò non omnes triumphi eadem porta agerentur Iosephus Ἀλώσεως libro septimo, *πρὸς δὲ τὴν πόλιν* (triumphalem portā intellige) αὐτὸς ἀνέχεται, τὴν δὲ τὸ πέμπεσθαι δὲ αὐτῆς αἰετὸς, *θειάμβης τῆς ποροσηροίας αὐτῆς τετυχίας*. Sed respicit Apuleius ad situm populorum de quibus Curius triumphauit, Sānitum, Sabinorum, Lucanorum: qui omnes ab eodem Tiberis latere sunt siti.

25 Pag. 23, 3 quum iam ad villam publ. v.) Legebatur quoniam male, pro quomiam. Exierat Cato cum tribus seruis: sed cum ad Villam publicam quæ in campo Martio erat, peruenisset, subiit animum cogitatio, nō posse tam paucos seruos sufficere prouinciam administranti: misit ergo in Urbem, qui duos emeret. sic quinque habuit: quot & Plutarchus ait. Hæc vera mens istius loci.

30 14 aduersum diuitias possessa,) An scribendum potius, *aduersum diuitis profess*. vel *aduersam*: hoc sensu, paupertatis professionem esse virtutem amare & sequi, contra quàm soleant diuites: quod & suadent quæ sequuntur. Lipsij e-

mendatio aduersum diuitias possessa, etsi elegans & ingeniosa, propterea minus placet, quia sensum huius *κωλᾶ* suspendit: cum videantur singula membra sensum absol-
uere debere.

19 diuitiarum alumni solent.) Editiones recentes habent, 5
d. alumni sunt. legebam, alumna sunt. haut dubiè melius. sed
veram lectionem in Rom. cod. reperi postea.

22 ubi contra, haud temere) Egregiè emēdauius omnium
librorum *ἡ ἀφ' ἧς*, ubi contra haec. nullo planè sensu. ubi est
ἔπου Græcorum. 10

Pag. 25, 8 Etenim omnibus ad vitæ munia ut.) Scrib. Etenim in
omnibus.

13 irritam copiam) *ἀτρεχτον ὡς ἐσίου*, quæ in rerum actu
magis impediatur, quam adiuuet.

24 qui superuacanea nolu, poscit necessaria.) Inepta & con- 15
tra auctoris mentem scriptio: Lege, possit nec. Sequitur
statim, non ultra volentes quàm poterant. & non longè antè,
delicias ventris & inguinum, neque vult vllas neque potest. quem
locum male sunt quidam arbitrati emendationis egere.

Pag. 26, 9 Non habuit tantam rem familiarem Philus,) Hic est 20
P. Furius Philus vir consularis C. Lælij Sapiientis æqualis
& amicus, ut ex variis locis Ciceronis apparet. quare etiā
idem Tullius in libris De republica hos inuicem loquen-
tes fecerat. vide ad Atticum lib. IIII, & ad Qu. fratrem.

19 quippe qui inopia, desiderio, op.) Scribi debuit, quippe quia 25
inopia desiderio, opulentia fastidio cernuntur.

Pag. 27, 9 pauciores habeo) Vel pauciores res habeo scribendum,
vel pauciora.

18 etiam in ista vitæ humana tempestate) Quia propius abe-
rat hæc lectio à Romana, ideo eam probaui: nam alio- 30
quin sic potius legerim, etiam in ista vitæ humana, ut in tem-
pestate.

22 Proinde gratum habitum) Inest in verbis vulnus, vereor
ut in-

vt insanabile: tamen erit sententia non contemnenda si legas, *Proinde gratum habui cum ad contumeliam diceretis.* Sed præit ad aliam emendationem liber Rom. vbi *dicentis* (pro *dicentis*, vt assolet, legitur, non *diceretis*. Fors fuit defunt

5 aliquot voces: quas sine librorum ope velle comminisci, *μαίνεσθαι μᾶλλον εἰς ἰσως, ἢ μαντεύεσθαι.*

P. 28, 14 Πήρη τις πόλις ἔστι) Qui istius parodiæ Cratetis loco, ipsa Homeri verba, quæ in vulgatis editionibus hîc leguntur, substituit, nã ille fuit insigniter & imperitus & audax. Nã quis stupor aut κορυβαντισμὸς nō vidisse illa non conuenire isti loco: quæ verò audacia discedere, à Rom. ed. vbi diserte ita legitur? Ex ea nos & Græca verba Cratetis (quæ tamen ex Laertio multo ante annotaueramus quam eum librum vidissemus) & eorum versionem

10

15 Apuleij restituiimus.

18 *Iam cætera tam mirifica,)* hæc nempe,

περίρρυπος ἔδεν ἔχουσα.

Εἰς ἣν ἔτε τις εἰσπλεῖ ἀνὴρ μωρὸς, πῶδ' αἰσιτος,

Οὔτε λίχνος πόρνης ἐπαγαλλόμενος πυγῇσι.

20 *Ἀλλὰ θυμὸν καὶ σκόρδα φέρει, καὶ σῦκα καὶ ἄρτες·*

Εξ ὧν ἔπολευσεν πρὸς ἀλλήλους πρὸς τέτων·

Οὐχ ὅπλα κέκτηνται πρὸς κέρματος, ἔπρὸς δόξης.

23 *Et togam palmatam*) Insignia triumphantium, quod notum est, toga picta olim, & tunica palmata fuere. Non tamen propterea suspectum quisquam habeat hunc locum. Nam etiam palmatæ togæ postea factæ: quas reperio fuisse triumphî & consulatus insignis. constat hoc ex Martiale, Tertulliano, Cassiodoro, & Ennodio. Verum de istis alibi.

30 Pag. 29. 6 *vt quædam mendicabula animi sordent.*) Lege, q. m. *nimis sordent* quod & aliis ante nos in mentem venerat. Erroris aperta caussa. Sic I Floridorum *quædam palliata mendicabula obambulant.*

17 *crebris liberalitatibus modice imminutum.*) Imò verò non modicè. Ait ipse Milesia vltima, *Nā & viriculas patrimonij peregrinationis attriuerant impensæ: & erogationes vrbicæ pristinis illis prouincialibus antistabant.* vbi & alia in hanc sententiam. Sed ita hic loquitur Apuleius, quia nihilominus diues remansisse videri voluit.

22 *contemptum patrimonij*) Cæcus sit oportet qui non videat vulgatam lectionem, *contemptu* esse mendosam. nec debuit Coluius, præsertim qui tantum auctorem haberet, de ea in contextum recipienda dubitare.

Pag 30. 7 *unde tibi potius quàm*) Interrogationis nota in fine posita istius periodi, totam sententiam corruperat, quæ hæc est. Æmilianus iste ob cadauerosam faciem & Acheronticam, vulgo Charon audiebat. Infra. *Igitur agnomen-
ei duo indita: Charon, vt iam dixi, ob oris & animi diritatem.* Hic verò vult videri Apuleius non ob turpitudinem formæ id ei adhæsisse cognomen: sed ex eo potius, quod multos suorum cupiditate hereditatis sustulisset. quamquam istud ab eo non tam dicitur quam per figuram innuitur. Simili artificio & sub finem orationis vtitur: vbi causam explicat cur idem Æmilianus cum Rufino consentiat in danda vxore Sicinio puero. vide locum.

7 *De patria mea*) Periodū lōgiusculam & suboscram, & nonnihil etiam corruptam, ita lege, ita distingue, *De patria mea verò quòd eam sitam Numidia & Gaetulia in ipso confinio meis scriptis ostendisti, quibus memet professus sum, cum Lolliano Auito C.V. præsentè publicè differerem, Seminumidam & Semigaetulum: non video q. omnia plana & aperta.*

21 *illa terræ alumna*) Male in prioribus ed. terra. *Alumna terræ τὰ ἐν γῆς φύόμενα.*

25 *in hospitium corporis*) Rom. in hospitali corpore.

Pag. 31. 5 *Melinides fatuus*) vt Græcè *μελιτιδης*: non Miletides. vt vulgò.

18 *tuum Atticum Zarathe*) Sic prisca lib. Ego verò scripserim Zarath: in eo enim ἡ βαρβαρότης quā ridet, quod desinat hoc nomen in aspirationem contra linguæ Græcæ analogiam. alioqui non est quod hoc vocabulum cuiusquam aures offendat magis quam Ζάρηξ & Ζαράς quæ sunt nomina locorum in Græciæ penetralibus, apud Lycophronem & geographos. Apud Ptolemæum scribitur hoc nomen Ζάρατθα: & sane scripsisse hîc puto Apuleium Zarath: in quo præter aspirationem, aliud etiā βαρβα-
 10 εἰσμός ob geminatam consonantem in fine.

Pag. 33. 18 *Quod ingenti tumultu*) Mirum etiam in Rom. legi qua. quod est ineptum.

Pag. 33. 2 *recognosce dicentia*) Illud dicentia an dicemus esse τοῦ ποιητῆ, an potius subditium? Suspiciari licet fuisse prius proximè sequentia verba Græca Latinis characteribus scripta *dis epta* pro δὲς ἐπτά. Inde manasse hanc vocem sono affinem.

17 *ἡ δὲ τὴν ψυχὴν ἔφη*) Lacunam impleuimus appositis Platonis verbis ex Charmide.

23 *ad omnia quæ velit incredibilia*) Melius scripseris *ad omnia quæ velit, incredibili quadam vi. c. p.*

Pag. 34. 20 *suspectata Empedocli Catharmæ*) Sic scriptum, paulo minus, in codice Rom. in quo hoc tantum peccatum est, quod Cathorinee scripserunt operæ: debuerant enim Catharmæ hoc est, καθαρμοί. Nota Empedoclis γοητεία, notum καθαρμοί ex Plutarcho, Laertio, aliis Græcis. At in editionibus post Romanam cufis quam foedè acceptus fuerat hic locus? Ita enim primus opinor Bernardus Philonathes edidit, *Empedocli suspectata est Cathorino*. quam portentosam γοητήν omnes deinceps editiones fideliter seruant. ὅπως ἀταλάπτωρος τοῖς πολλοῖς ἢ τῆς ἀληθείας ζήτησις.

21 *Platonis τὸ ἀγαθόν.*) Non ita accipi hæc debent, quasi Plato fuerit magiæ suspectus: quam ille graui supplicio

proposito de sua Republica exterminat Legum XI. sed quia multa ille de diis differere solitus nō in vulgus nota: ideo visus imperitis novos deos comminisci: quos sub nouorum verborum inuolucro celebraret. Notum quid sit in Academia τὰ γὰρ δὸν.

Pag. 35, 2 post annos tredecim viduitatis) Infra duobus locis ait, quatuordecim: & ita hīc censeo legendum.

10 quod secretò colit.) Ita Rom. alij sanctè.

Pag. 36. 7 de falso inuidia) An scripsit auctor, de falsa inuidia? an potius Græcorum imitatione falso inuidia nouè dixit, 10 vt illi possent ὁ δὲ φθόνος?

Pag. 39, 18 Antipathes illud queritur,) Ita emendauit doctissimus Turnebus lectionem omnium librorum Antiphates. quam scriptionem possis fortasse non minus benedescendere: vt de quadam planta, aut gemma, aliāve re simili intelligatur, quæ inimicandi vim, vt illa insana laurus, ex perpetua contradictione, habeat fere enim quæcunque ad philtia adhibita, ea quam vim crederentur habere, ex ipso nomine paret. Iam antiphates illud contra analogiam Græcam dictum fuerit, (nam illi τὸν ἀντιπάτην dicerent, vt 20 alia quamplurima, in quibus genus mutarunt simul & declinationem Romani. σύρμα Græci & σχῆμα, & τὸν χάρτην: Latini syrma, schemā, chartam sexcenta sunt id genus.

19 Trochiscili, vngues, tania) Non potest, meo iudicio dubitari de voce vngues, quin vt emendat Scaliger legendū sit iunges, id est, iunges. nam quis putet in hoc albo prætermissam auem illam, quam supra omnia impetrabilis efficaciam esse in his sacris crediderunt? Et ratio est: quia cum viderent auiculam, quam ὀψθα appellabant (quæ alia est ab Aristotelis: illi enim ὀψξ non est inter aues quæ κινῆσι 30 τὰ ἔρῃα, vt ροίνικλος, κίσκλος, Τρύγας) assiduè caudam motitare, crediderunt salacissimum esse ζῶον. nā & in scena mimi mimæque, præcipuè Gaditanæ, cinctos ita exprimabant

mebant. Ideo philtreis adhibitæ iynge inter præsentissi-
 ma pharmaca, vt ex poetis Græcis & eorum scholiastis
 notum. Romanis dicitur *σεισπυρίς*, inquit Theocriti ve-
 tus interpres. Sic ille vertit Latinam vocem, *motacilla*. de
 5 qua Varro & Plinius. Glossarium, *σεισπυρίς*, *moticella*, *mo-
 tacilla*: at *ἰνίξ* ab eodem magistro exponitur *frutilla*. Iam di-
 ximus iynge in amatoriis aliam esse ab ea quam descri-
 bunt Aristoteles & Plinius: neque dubium mihi, quamli-
 bet de genere earum quæ, vt ille ait, tremulum crispant,
 10 pro iynge in amantium *φαρμακυντεία*, habitam & ita ap-
 pellatam fuisse. Postea verò non hæ tantum auiculæ, sed
ἀπλῶς omnia quæ conciliandi amoris aut amicitie vim
 habent, ita cepere appellari. sic enim illā vocē disertissimi
 Græcorum, etiam in honesta amicitia vsurpant. *Trochilif-
 ci*, si ea lectio vera, sunt trochi minuti: est enim diminu-
 15 tio duplex vt in Latinis nonnullis, Græcis non paucis. *τό-
 κος τοκάριον, τοκαίδιον. χιών, χτωνίσκος, χτωνισκάριον*. Sic
τερχός, τερχίσκος, τερχοσίλος. Bene autem trochus & iyn-
 ges hîc iunguntur nam & in vsu iungebantur. Scholia-
 20 stes Pindari, Pythionicarum ode quarta *λαμβάνουσα αἱ
 φαρμακίδες τὴν ἰνίξαν, δεσμύουσιν ἐν τερχοῦ πινός ὃν ᾤειε μεῖ-
 σιν ἅμα ἐπ' ἀδυσταί· οἱ δὲ φασιν, ὅτι τὰ ἐν τερχῷ αὐτῆς ἐξελκύουσα
 καὶ δάπτει τὰ τερχῷ*. Theocritus,

Ὡς δινεῖθ' ὁ δὲ ῥόμβος ὁ χάλκεος ἐξ Αφροδίτας,

25 *Ὡς κένος δινοῖτο περ' ἀμετέρῃσι θύραισι.*

Sic possumus eam lectionem tueri atq; interpretari: quia
 tamen ea vox nonnihil insolens est, & versus ratio leui-
 ter repugnat: fortasse non male scripserimus, *trochilisci*, iis-
 dem, sed transpositis literis. *τερχίσκος* est paruus trochi-
 30 lus, quod notum est auiculæ cuiusdam nomen: quæ etsi
 parua, vigoris tamen plena est, & vt de ea Græci scribunt,
δριμύδρον: vnde potius ortum videtur quod de odiis tro-
 chili & aquilæ Plinius ex Græcis refert, quā ex eo quod

ille αἰανίως, prorsus αἰπῶτα, hanc auem videntur veteres philtis aptam censuisse, vt quæ accelerandorum votorū vim haberet: nam & grammatici τροχίλον, ὅθεν τὸ τρέχον dictum volunt. Semper autem, vt antè diximus, ex nomine captabant omen: quod tamen Apuleius oratorie magis quàm verè alibi ridet. *Tæniæ* sunt quæ alij auctores in hoc argumento liciā nominant: quorum non in magicis hisce tantū sacris olim fuit vsus, sed in plerisq; opertaneis. sic apud Clementē Alexandrinum legas ταινίας ἐλείω καὶ πορφύρεα πεποικιλμένας in expiationibus fuisse adhibitas. Erāt 10 & magicæ istæ tæniæ diuersi coloris. Petronius, *Illa de sinu liciū protulit varij coloris filis intortum, ceruicēque vinxit meam.* Non exprimit colorum numerum: ceterum pluri mi aliquando miscebantur: nam in Ciriacis Virgilius *Tērque nouena ligat vario diuersa colore Licia.* fere tamen pau- 15 ciores: puta tres, vt in Pharmaceutria.

Terna tibi hæc primūm triplici diuersa colore Licia circumdo. aut etiam duo: coniicio ex hoc Lelij, seu veriùs Leuij loco. Ita enim hos versiculos & legendos & digerendos censeo:

Trochiscili, iynge, tæniæ

Alterplices bicoloreæ,

Radicula, herba, surculi.

Nam qui vulgatam lectionem conantur explicare, & ad aureas ac cordylas pisces referunt, ij verò τελέως ὅθεν πα- 25 vsat. Quid enim magis καὶ ἡμετέρον oppositum, menti auctoris dici fingiue potuit? Sed id genus scriptorum sententiæ pleræque de numero sententiarum per me tollantur licet. At eam lectionem quam supra posuimus, vt affirmare pro vera nō ausimus, ita nihil absurdi cōtinere asse- 30 ueramus. *Alterplices*, est duplices, vt & Festus interpretatur. Legebam prius *atriplices* & de ea herba accipiebam, quam Græci χευσσάλαχον vocant: de cuius mirabili vir-
tute

tute ex Pythagora refert Plinius libro xx. Sed sequenti
voce *bichordilæ* quid fiet? Placet itaque magis superior e-
mendatio. Ac videtur initio scriptum fuisse *bichoroliæ*
transpositione literarum, pro *bicoloræ*, vel *bicoloreæ*,
quod vsitatus bicolores dicitur. Atque hæc est nostra de
hoc loco sententia: quam contanter & verecundè ideo
proferimus, quia meminimus esse à te, Scaliger eruditissi-
me, aliter pridem emēdata ista & exposita. Legisti tu *An-*
riplices bitortilæ: & refers ad simulacra magica quæ ipsi pli-
ces alio nomine videntur appellata: ingeniosissimè, vt o-
mnia, & doctissimè. Enimuerò non is es tu vir nobilissi-
me, qui in hoc genere literarum, quod (vt de medicinæ
arte Celsus ait) coniecturale magnam partem est, tuas o-
mnes sententias, ceu *νεῖας δόξας*, velis haberi: quod falso
nimis & improbè sycophantas quosdam, non Scaligeri
nominis magis quàm Musarum hostes dictitare non pu-
det. Sed quid eos pudeat, qui ea scribunt, ea tuentur, quæ
nemo legat sanus, quin statim exclamet perisse Fontē de rebus?

22 *Hinnientum dulcedines*) *hinnientiū* scribi iusseramus, ob
metrum: nam primus pes est spondæus trium syllabarum
cum *συνιζήσεις*.

24 *Verisimilius confinxisses*) Ita hæc periodus tota con-
cipienda non vt in vulgatis libris.

P. 40, 2 *Quare autē videatur nihil adiutare.*) legebatur quanquā vi-
deatur, fecimus, quare autem, melius, opinor, & veriùs, quā
docti viri quibus placet, mihi adnutare. Sic in *ὅτι δέσεις* hu-
ius sermonis, *Dixi cur non arbitrer quidnam*, &c.

7 *Quam subsiciam Græciam fecerat.*) *Græca subsiciua*, est
Græcia altera & secunda: sic apud Arnobium libro quin-
to, *subsiciuæ laudes* sunt laudes secundariæ.

11 quos scilicet eum de manibus amissurum n. f.) Scribā, Quos
scire licet eum de manibus missurum non fuisse.

16 *terræ ascripsisse*) Male in vulgatis scripsisse.

19 Τοῖα Διὸς θυγάτηρ) Non fuit difficile locum satis apertè ab auctore indicatum, ex poeta promptum apponere. Est Ὀδυσ. δ.

24 Ὡς ἄρα φωνήσας) Et hîc asterisci erant pro Homeri verbis: quæ ex Odyss. & restituiimus: certum enim non alium locum ab ipso auctore olim appositum. Similem nuper medicinam similiter affecto Symmachi loco faciebamus: ita enim vulgò legitur epistola c. i. lib. ix. ut plane Homeri relatione usus id est æquimanum te esse pronunciam. scribendum, ut plane Homericæ relatione usus 10
 ὡς ἐξ ἑξίου id est æquim. te pron.

26 nec Proteus faciem,) non dicit πρῶτον, sed totius corporis speciem. vide A. Gellium libro xiii. cap. xxviii. sic De deo Socratis, omnem humani animi faciem pati. quod & in Augustini De ciuitate Dei legere memini, ut alia 15 multa huius scriptoris. Idem significat dictio instar. Floridorum libro secundo, ex vulgata diuisione, Psittacus Indicæ auis est: instar illi minimo minus quàm columbarum: sed nec color ei (male vulgò colorum) columbarum. ita legi & interpungi locus ille debet. neque quicquam deest quod falsò quidā 20 sunt arbitrati. Instar est ὅψις, species. sic apud Virgilium quantum instar in ipso. Valerium Maxim. habere instar arcis. Glossæ veteres, Instar, similitudo, ὁμοίωμα, ἀπεικόνισμα. In eodem libro postea scriptum Ister, ἔδος, συνήθεια, τύπος, τέπος. vbi legi debet, Istar. quod valet instar: sic mox istita 25 pro instita. multa enim male lecta, male scribit Græcus ille magister longè doctissimus. Porro Homeri locus est Ὀδυσ. δ. in eodem poemate omnia habes quorum hîc fit mentio: præter cingulum Veneris, de quo sic maximus vatum Ιλιαδ. ξ. 30

Ἡ καὶ ἀπὸ σήθεας ἐλύσατο κέσθον ἰμάντα

Ποικίλον ἔνθα δὲ οἱ θελητήρια πάντα τέτυκτο.

Pag. 41, 19 qui vestem, perfossor) parietū nempe. sed ita ἀπλῶς qui

qui vecticulariam vitam viuunt appellantur. Gloss. Τυχω-
ρύχος, perfossor. Affines his τυμβωρύχοι, qui & νεκρορύχται di-
cuntur, vt apud Phlegontem.

24 vt si thus) Perperam in vulg. *erfithus*.

5 Pag. 42, 3 flexis hamulis apud Pharum insulam famē propulsasse.)

Puto verā lectionem primæ editionis, *propulsatos esse*. Pro-
pulso & propulsor, idem: nam antiqui verba quam pluri-
ma ancipiti terminatione, in vna eadēque significatio-
ne protulerunt: quorum longum catalogum cōtexit Pri-
scianus libro octauo. Cæterum, qui Apuleium commisif-
se hīc ἀμάρτημα μνημονικὸν notant, & reiiciunt nos ad Ὀ-
δυσ. μ. ij verò falluntur, & cuius peccati alium insimulāt,
eiusdem se, ἀφραδίησι νόοιο, obligant. Locus est Ὀδυσ. δ.
vbi poeta Menelaum in hæc verba loquentem facit,

15 Νῆσος ἐπειτα τίς ὅστι πολυκλύς φ' ἐνὶ πόντῳ,
Αἰγυπτε παρπάρεϊδε. φάρον δ' ἐκικλήσκεισι.

& mox de suis sociis,

Αἰεὶ γὰρ παρὶ νῆσον ἀλώμενοι ἰχθυάσπον
Γναυπτοῖς ἀγκίστροισιν· ἔπειρε δὲ γαστέρα λιμός.

20 10 *Vir si helleb.*) Separauimus male coherentes in vulga-
tis lib. sententias.

19 *Tria omnino nominauerunt*) Vulgò, *nominauerant*. per-
peram.

Pag. 43, 4 *callidissimi accusatores mei*) Malim, *Mentiri autem sunt*
25 *callidissimè accus. mei.*

10 *virile marinum*) Caue putes, τὰ *virile marinum* esse ver-
ba Tannonij, & eam quam ridet Apuleius circūlocutio-
nem, quæ non est ab eo posita. Sic autem ipse vocat piscē
quem mox vno nomine *veretillum* appellandum esse do-
cet: sic enim malo quā *veretillam* scribere. Græci ἀγδοῖον θα-
λάττων. Epicharmus apud Athenæum libro tertio, Ἐν πῇ
30 δ' ἀστικοὶ κολύβδαιναί τ' ἐχρυσται ποδία μικρά. sequitur pau-
cis interiectis interpretatio eius loci, Κολύβδαιναν δ' εἶρη-

κεν Ἐπίχαρμος ἐν τοῖς περιεκκεμημένοις, ὡς Νίκανδρος φησι τὸ θαλάττηον αἰδοῖον.

13 quia & ē quodam) Scrib. confugit. Itaque ē quodam in
Pag. 44, 25 ostrea Pergami vermiculata) Multis de caussis mihi
hic locus suspectus. nam & ostreorum mentio hoc loco
aliena est, inter assulas & festucas littorales: cū potius in-
ter superiora essent recensenda: & ostrea Pergami quid
ad hunc locum? imò verò quis vspiam quicquam de iis
legit? Quare portentum hic aliquot suspicor latere:
cæterum qui emendem, non video. Tu Scaliger emen- 10
dabis.

Pag. 45, 6 summa de mari spuria) Sic vocat quæ modò, marina
virginalia. alludens ad vocis originem: quasi spuria, sint in
femina τὰ ἀνδρῶν μόρια. nam & ἀείπειν & ἀγεῖν venu-
stè eo sensu poetæ vsurpant. & vocem spurius ἀπὸ τῆς ἀεί- 15
πειν esse deductam, pars veterum & criticorum & Iuriscō
sultorum existimavit. Fascinum vocari τὸ τῆς ἀνδρὸς μόριον,
& quare ita appelletur, notum est.

8 cancer ad ulcera) ὁ καρκίνος πρὸς τὰ καρκινώματα.

9 alga ad querquerum) Roman. editio, quercerum. c pro qu 20
ut in cocus, coquus & aliis multis. Rectius tamen scripseris
querqueram: nam subauditur febrim: & est iocus valde fa-
cetus, quasi alga quodam algu proprio posset mederi fer-
uori febris.

10 oppidò proxima humanitate) Si quid mutandum, placet 25
quod pridem nobis in mentem venit, proluxa: sed cur pro-
xima non ferimus? nam ita Latinè dicitur homo obuius
& humanus, ὁ ἄνθρωπος καὶ ἀνθρώπινος & obuia humanitas,
talis animi habitus. Ab eadem mente, præsens auxilium,
& præsensem deum dicimus. inde & illud est Hesiodi, 30

Γείτορες ἄζωσοι ἐκίον, ζώσαντο δὲ πηοί.

Pag. 46, 8 ordinatius & cohibilius) τεταγμένως μᾶλλον καὶ σωε-
σταλμένως. sic apud A. Gellium, celer oratio & cohibilis, libro

XVI. capite XIX. & libro septimo dicendi genus subtile & co-
hibitum.

14 *sed utique Natur.*) Omnino ita legendum: nam illud
vulgatum, *sedulique* ineptum est. Atque ita nos hunc lo-
cum pridem, in nostri codicis ora, ut plerisque alios, cur-
sim inter legendum emēdaueramus: postea animaduer-
timus Iustum quoque Lipsium virum doctissimum qui
pro Aristarcho fuit Coluio hunc auctorem recensenti,
similiter emendasse. quod & in aliquot locis aliis usu-
uenit.

Pag. 47, 8 LOCUS EX GRÆCO) Quotiescunque in hac ora-
tione fuisse aliquid recitatum, cum ea pronuntiata est, in-
dicatur: eius quod lectum est titulum, curauimus inseren-
dum ex ipsius auctoris verbis. Qua ratione quantum lu-
cis orationi accedat, nemo non videt. Fuit ea oratorum
præsertim Græcorum consuetudo, ut in scribendis ora-
tionibus quo quæque loco litis instrumēta fuissent pro-
ducta & recitata, titulo apposito indicarent. Nulla fere
hodie extat Græca oratio, ubi indices istiusmodi plures
non reperias. Male ergo meriti sunt de hac oratione,
male de nobis, qui hos titulos exemerunt: quos fuisse
olim ab auctore appositos, vnicus saltem qui reman-
ferat argumento sit. hunc dico qui in ipso fere fine ora-
tionis habetur, TESTIMONIUM CASSII LONGINI, &c.
nam si illū Apuleius adiecit, cur solum? cur eum potissi-
mum? cur non alios quoque omnes? ille verò omnes ἀ-
ναμνησθήτως. Nemo igitur factum nostrum calumnietur:
quod non dubitauerimus absque librorum auctorita-
te, aliena verba in contextum recipere. non enim ita est:
sed inserta olim ab auctore, & male postea sublata, in
suum locum restituimus.

18 *Et, ne operosè animalium genita pergam,*) Hæc lectio ut-
cunque ferri fortasse potest: sed ne quid dissimulem, ali-

ter Apuleium scripsisse arbitror. Lego autem, *Et ne per omnes animalium genitus pergam.* est transitio à primo loco librorum Apuleij De piscibus, ad secundum: is locus fuerat *ὅτι ὅλην τὴν φύσιν* illorum; quæ in multiplici differentia est posita: aliquot recensuit Apuleius præcedentibus verbis, non tamen omnes: ideo hac trāsitione utitur, *ne per omnes animalium genitus pergam.* hoc est, *ὅτι μὴ πᾶσας τὰς ἰδέας τῆς φύσεως αὐτῶν ἔλαβεῖν.* genitus est *φύσιν*. delectatur enim hic auctor ea nominū forma, ut alio loco notamus. Illud operose natū ex compēdio scripturæ peroēs id est, *per omnes.* 10
 Pag. 48, 4 *nisi in communibus differentiis*) Parua menda inerat in his verbis, sed coniuncta cum totius sentētiæ labe. Legebatur, *nec cætera animalia nisi in communibus differentes attingam.* scripsimus *differentiis.* Non attingam inquit alia animalia præter aquatilia: nisi quatenus inter explicādum 15
 horum genera, incidet oratio in differētiis ipsis communes cum reliquis Exemplo res erit clarior. Plinij sunt verba. *Aquatilium tegumenta plura sunt: alia corio & pilo integuntur, ut vituli & hippopotami: alia corio tantum ut delphini.* Vides Plinium dum pergit per species aquatilium incidere in 20
 differentias communes *ὅτι ἐστὶν καὶ χερσαίοις.*

18 *Q. Ennius ades Phagitica*) Non tam facile est veram lectionem istius loci præstare, quàm arguere falsam proclive. Editio Romana habet, *edes phagitica.* Video placere doctissimis viris indicem carminis Enniani fuisse, *Ἰχθυοφαγικά* itaque hîc esse emendandum. Ego dum diligentius veterem lectionem ruspans rimor, adducor in suspicionem, tractasse Ennium eo carmine nō solum de Piscibus, sed & de aliis esculētis: ac quid ubique terrarum palmam obtineret percensuisse. Itaq; pœmati illi fecisse titulum 30
EDESTA vel *PHAGICA.* hoc est, *ΕΔΕΣΤΑ ἢ ΦΑΓΙΚΑ.* Sic Græci quidam, ut ex Athenæo discimus, huius argumenti libros cum scriberent, *Περὶ ἐδεσῶν* inscripserunt: ut
 Mnesi-

Mnesitheus Atheniensis. Varro vnam è Menippeis suis
Περὶ ἐδισμύτων. Ita ergo, fors fuit, in Apuleio scribendū,
Q. Ennius Edestis aut Phaguis, quæ versibus scripsit.

23 Omnibus ut Clypea præstat mustela marina) Hadrianus
5 Turnebus legit, *Omnibus at Clypea.* possumus & at Clypea
vel à Cl. Notum loquendi genus *mustela* Clypea ut vinum
Chio apud Varronem imitatione Græcorum. Clupea est
vrbs veterum Carthaginensium, quam Græci geographi
Ἀπίδα vocant.

10 24 Mures sunt Aeni) In Rom. *Teni.* & est Tenus vna de
Cycladibus. sed ex Archestrati verbis Τὴς μύας Αἶνος ἔχει
ita pridem emendauit magnus ille Hadrianus Turnebus
ὁ πολυμαθὴς τος. quamquam nescio an per omnia in illo
argumento Græcum poetam secutus esset Ennius. num
15 potius in quibusdam suum & suorum Italorum palatum
consulisset. præterea scimus qua licentia versati sint ve-
teres poetæ Latini in Græcis scriptoribus: etiā tum quan-
do eos ex professo vertendos suscipiebant.

20 25 *Mitylenæ est pecten, caprósque apud Ambracienses.)* Hic
versus in cod. Rom. portentose erat deformatus, *Mus Mi-
tilenæ est pecten caradrúmque apud Vmbracia finis.* Hercu-
les ἀλεξίκακς quod genus metri istud est? Doctissimus
Turnebus emendauit, *Mus Mitylenæ est pecten apérque apud
Ambracia amnes.* nos, hoc modo. *Mitylenæ est pecten, caprós-
que apud Ambracienses.* cuius emendationis prius quam ra-
25 tionem reddo, apponam Archestrati versus Græcos vnde
hi facti sunt, ut eos legendos censeo.

Τὴς μύς Αἶνος ἔχει μεγάλας, ὅς ρεῖα δ' Ἀβυδός·
Τὰς ἀρκτὸς Πάριον, τὴς δὲ κτένας ἡ Μιτυλήνη·
30 Πλείστους δ' Ἀμβρακία παρέχει, καπρὸς τε μετ' αὐτῆς·
Μεσσηνίη δὲ πελωριάδες στυγοπορθμίδι κόγχαι.

tertij versus pars posterior apud Athenæum hodie cor-
ruptissimè sic legitur καὶ ἀπ' ἀπὸς μετ' αὐτῶν. nos cum vi-

deremus manifesto, desiderari piscis nomen, & didicissemus ex Aristotele ac Plinio *γάπρον* piscem in ea ora inueniri, emendauimus ex facili *γάπρος* τε μετ' αὐτῶν. sequentem versum ex manuscriptis correximus. Nunc videamus de versu Ennij: in cuius principio vocem *Mus* male positam bene sustulimus. nonne enim iam dictum, *Mures sunt Aeni*? deinde aliter poeta Græcus. vt valde mirer hoc leuiculum potuisse Turnebi acumen fugere. Adiecere hanc voculam ceu tibicinem aut destinam fulciendo versui, qui aliter eum putabant ruiturum. sed non mirabuntur versiculum esse *ἀνέφαλον* vt appellant veteres critici *ἡ γὰρ σιγή* hoc *πάθος* meminerint antiquis poetis per fuisse familiare. In hoc ipso fragmento sequitur,

Melanurum, turdum, merulamque, vmbraque marinam. 15

Polypus Corcyrae.

Iam capros legimus ex vestigiis veteris lectionis *caradrum*. Græcissat scilicet more suo & iure casus poeta: quod norunt qui illius reliquias in deliciis habent. Lego etiam, apud *Ambracienses*, ex illis, apud *Ambraciae finis*. vtrumque dicunt Græci *Ἀμβρακιδεύς* & 20 *Ἀμβρακιώτης*. & Latini similiter, *Ambraciensis* & *Ambrasiota*.

26 *hunc magnus erit si*) Secuti sumus iudicium Turnebi in restituendis quæ hic erant corrupta. Aduersar. XXI.

Pag. 49, 7 *Purpura muriculi, murex*) Vulgati lib. *mures*. nec mutauit Turnebus: sed cur ante recensitos mures denuò 25 cōmemoret? *murex* ergo scribimus, vt sæpe alibi *purpura* & *murex* iuncta leguntur.

24. *Homerus docet*) *Odyssæa* τ

Ωτρίλην δ' Ὀδυσῆος ἀμύμονος ἀντιθέοιο

Δῆσαν ὄπισθ' ἐπὶ μένῳς ἐπαοιδῇ δ' αἶμα κελαιὸν

ἔσχεδον.

30

Pag. 50, 13 in primori fronte animum gestare) Enn ius

Amicitias

Amicitias atque inimicitias in fronte promptas gero.

Plautus Pseudolo, *iram in promptu gerere.* M. Tullius pro Cn. Plancio, *Hic, quod cum ceteris animo sentiebat, id magis quam ceteri, & vultu promptum habuit & lingua.*

5 16 *necdum etiam decerno quid vocent*) Non malè: quid si tamen vocem?

26 *qui asellipiscis*) Legere hoc memini non apud Aristotelem, sed apud Athenæum & Aelianum sæpius: neque id *ὡς δὲ ὀνίσκας* sed *ὄνκας*. verum Romani tam *ὄνον* quam *ὀνίσκον* asellum vocant.

10 Pag. 58, 5 *suomet obsonio dixit*) Emendandum censeo *viuit*, & sensum hunc esse arbitror. Perstringit Æmilianum, quod Sicinium Pudentem puerulum indulgentia corrumpere, ac molliter apud se haberet. addit autem *suomet obsonio*, quod valet, suis ipsius sumtibus. in quo magnum Æmiliani scelus, qui eo tempore illum puerum regebat. qui igitur austerus & verè patruus esse debuit, contra, miserum iuuenē gulæ & nepotatui se passus est dedere, & bona sua in ventrem condere. agnoscent loquendi genus, qui Plautum non ignorant. De sententia quam dixi non dubitabit qui postrema huius orationis legerit.

20 20 *Quod ego gratulor*) Hæc ita in emendatissimis libris scripta erant: *Quod ego gratulor nescire istos, Legisse me Theophrasti quoque* *ὡς δὲ ** *& Nicandri* *Ἰνερταγὰ* *Ceterum me etiam beneficiis postularent, ut qui hoc negotium ex lectione & emulatione Aristoteli nactus sum, non nihil & Platone me adhortante, qui ait eum qui ista vestiget, Nunc &c.* Conferant nunc studiosi lectionē quā edidimus cum isto lacero & in modum cribri perforato textu: omnia sarcuiimus, omnia sanauimus. Indicem sanè libri Theophrasti non fuit difficile ex Laertio nostro promptum apponere. illud miror neminem vidisse adhuc, *veneficij postularent* scribendum esse, non *beneficiis*. quo nihil neque ad intelligendum

ineptius, neque ad emendandum facilius. *caterum* valet
 εἰ δὲ μὴ, vt locis sexcētis in Apuleio. Post vocem *ἑπεί* sequentia
 continuaui: quia in editione Rom. non
 amplius spatij relictum, quàm ad recipiendam eam vo-
 cem quæ ibi deerat. Platonis verba ex Timæo restitui-
 mus: in quo an *ὁ σοφὸς* litauerimus, doctorum erit æstima-
 tio. non enim facile erat ex tam paucis verbis *eum qui ista*
vestiget, quid esset substituendum diuinare. Locus philo-
 sophi ita habet, Τῷ δὲ περὶ φιλομάθειαν καὶ περὶ τὰς τῆς ἀλη-
 θείας προλήσεις ἐστὶν ἐκδοκίμη, καὶ ταῦτα μάλιστα τῶν αὐτῶν γε-
 ννασμένῳ, προεῖν μὲν ἅ τὰ θάνατα καὶ θεῖα, ἀντὶ τῆς ἀληθείας ἐφά-
 πτηται, πάντα ἀνέγκη πρ. prima verba visus expressisse Apu-
 leius illis paucis, *eum qui ista vestiget* breuiter & dextrè ac-
 commodans suo instituto parum aliàs similem locum.
 ideo dixit, *nonnihil & Platone me adhortante*. nempe hac
 laudatione τῆς φιλομαθείας: cuius ambitu etiam illa intel-
 liguntur de quibus hîc disputatur.

P. 52, 5 *disquamari & exdorsari* p.) Scripserim *desquamari, & ex-*
dorsuari vt apud Plautum & Festum.

8 *ad præscriptum opinionis & famæ confinxere*) Non cepe-
 runt elegantiam huius locutionis qui *confluxere* putarunt
 legendum. *ad præscriptum opinionis & famæ* valet, prout præ-
 scribebat & docebat faciendum esse, fama & opinio quæ
 vulgo de magis obtinet. Planè sic accipit præscriptum
 vt Græci suum ὑποχράσσειν & ὑπαγορεύειν. cū ipsa na-
 tura rei, aut hominum communis opinio alicuius nos
 per se admonet.

23 *puerum in aqua simulachrum Mercurij contemplantem*)
 Græci ὕδρομαντεῖαν vocant. Plinius libro XXVIII. *aqua*
tentare Deos. Augustinus de ciuitate Dei libro VII. capite 30
 XXXV. Nam & ipse Numa ad quem nullus Dei propheta,
 nullus sanctus angelus mittebatur, hydromantiam facere compul-
 sus est. vt in aqua videret imagines deorum, vel potius ludificatio-

nes demonum, à quibus, audiret quid in sacris constituere atque ob-
feruare deberet: quod genus diuinationis idem Varro à Persis dicit
fuisse allatum. Plinius libro ultimo, *Ananchitide in Hydro-*
mantia dicunt euocari imagines deorum.

- 5 Pag. 53, 5 quem se à pedissequo in stipe Apollinis accepisse Cato con-
fessus est) Lego in stipem. hoc est cum vellet stipem Apol-
lini conferre: quod tamen apparet eum non fecisse, nego-
tiis, credo, præter expectationem impeditum. De stipe-
diis inferri solita quia notatum aliis, nihil dicam. Sed cur
10 à pedissequo pecuniam accipit Cato? Quia olim moris
non fuit ut viri honesti per urbem incedentes pecunias
secum gestarent: quod si qui ad manum habere vo-
lebant, ut ferè homines liberales, & voluptuosi & osten-
tatores, pedissequorum ipsos comitantium id erat mu-
15 nus & onus. Inde illud est Theophrasti nostri *περὶ ἀλαζο-*
κίας. Καὶ τῷ παιδὶ μάχεσθαι ἐν ἔχοντι χρυσὸν ἐν τῷ ἀκολασθεῖν.
Plutarchus in Cimone, *αὐτῷ νεανίσκοι παρείποντο νόμισμα*
κομίζοντες ἀφθονον, οἱ παριστάμενοι τοῖς κομφοῖς τῶν πενήτων ἐν
ἀγορᾷ, σιωπῇ τῶν κερματίων ἐνέβαλλον εἰς τὰς χεῖρας. Mos est
20 antiquissimus: nam apud Eustathium legere memini sub
finem Iliadis, ex aliquo veteri scriptore, *ἡ δὲ ἱστορία, αἰτ, ἐπαι*
νεῖ τὸν Πεισίστρατον, ἐπειδὴ περὶ αὐτοῦ αἰνεῖ νεανίσκους δύο ἢ τρεῖς ἔ-
χοντας κέρματα, ἐξ ὧν διδῶς εἰσφέρει π καὶ εἰς ταφὴν. Laertius
in Zenone *ποιήσας δὲ ποτε κοῖλον ὅτι θῆμα τῇ ληκύθῳ, περὶ*
25 *φερε νόμισμα, λύσιν ἐτοίμην τῶν ἀναγκαίων ἵν' ἔχοι Κράτης ὁ δι-*
δάσκαλος. Suaue est quod ex eodem scriptore disci-
mus, à delicatis quibusdam & voluptariis aliquando facti-
tatum: ut si serui copia non esset, non solum ipsi num-
mos circumferrent: sed etiam in vicis & angiportis, aliis-
30 ve locis publicis occultatam pecuniam haberent, ibique
feruarent. Verba eius de Polemone, *νέος δ' ὢν, ἀκόλαστος π*
καὶ διακεχυμένος ἦν οὕτως, ὥστε καὶ περὶ φέρειν ἀργύριον πρὸς τὰς
ἐτοίμους λύσεις τῶν ὀπιθυμιῶν ἀλλὰ καὶ ἐν τοῖς σενωποῖς διέκρυ

ᾧ τεν' ἀλλὰ καὶ ἐν Ἀκαδημίᾳ πρὸς κίονι πνιπε τριώβολον ὀρέθη
 πρὸς πεπλασμένον αὐτῶ, διὰ τὴν ὁμοίον τῇ περὶ τὴν ὁμοίον πρὸς
 φασιν. Meminit & alibi idem auctor, alique. Sed hæc
 præter institutum.

22 *debet ille nescio qui puer prouidus*) Leuissimum mendum &
 virgula inter *puer* & *prouidus* interiecta, quosdam impulit,
 ut locum sinistrè acciperent, & emendarent scilicet. *puer*
prouidus dicitur ab Apuleio, is qui ad præuidenda & præ-
 dicenda futura adhibetur.

Pag. 54, 1 *citò ad diuinationem suam redigatur.*) Putabam verius 10
ad diuinam naturam suam, ut paullo antè, *redigi ac redire ad na-*
turam suam, quæ est immortalis scilicet ac diuina. sed nec vulga-
 tam damno.

Pag. 55, 18 *quem pulchro pallio amiciat*) Non displiceat puro pal-
 lio. Vide Festum in *pura vestiment.* 15

Pag. 57. 1 *cuius pueritia etsi nihil ad religionem suffragaretur.*) In
 verbis hæreo: nec scio an satis bene emendem *etsi nihil ad*
libidinem suffragaretur. Sententiam facilè video: quam ite-
 rum infra expressam reperio. Cæterum ait, *nequeo in animum*
inducere tam stultum Æmilianum esse, ut arbitretur mihi literas 20
pueri, & eiusdem accusatoris mei obfuturas.

21 *mea aqua licet ad hoc vtare*) Sic apud oratores Græcos
 ἐν τῷ ἐμῷ ὕδατι λεγέτω:

22 *quid respectas?*) Hæc vera & prisca lectio: non ut vul-
 gò, *expectas.* 25

Pag. 59. 1 *si conscientia nimis multi sunt?*) Nihili lectio: puto
 scribendum, *si conscientia vnus multi sunt?* vocem *nimis* muta-
 mus in *vnus*: quæ dictio totidem apicibus constat. quan-
 quam si quis utrâque vocem censeat retinendam, non re-
 frager. Ita legemus, *conscientia vnus nimis multi sunt.* catum 30
 dictum & nimis verum.

3 *An adiutorio multitudo eorum necessaria fuit.*) Alij libri,
auditorio. credo parum visam Latinam vocem Taciti, Sue-
 tonij.

tonij, & Senecæ, adiutorio. aut illi certè lolio victitabant qui hæc corruerunt tenere hostias dictum vt ab Epicteto apud Arrianum *ἐκ τῆς μαντοδομῶν* quodam loco, *κατατείν τὰ ἀλλάχνα*. nam idem ritus ab utroque intelligitur.

5 Hostiarum lustralium in magicis sacris meminit Tibullus,

*Et me lustravit rædis, & nocte serena
Concidit ad magicos hostia pulla deos.*

8 *eiusdem Thalli valitudinis*) Latinitatis ratio postulat,
10 Thallo. genus loquēdi est translatitium, & iam puerisnotum. In libello tamen De deo Socratis ita emendandus venit locus, quem corruerunt, qui similem huic *φράσιν* non intelligebant. *Socrates sicubi locorum aliena sapientiæ officii consultatio ingruerat, ibi sui demonis præfagio regebatur.* hodie legitur, *alienæ*: nullo planè sensu. Separat officia sapientiæ à diuinatione. sic paullo antè, *sicubi tamen interfectis sapientiæ officii, non consilio, sed præfagio indigebat.* quo loco anceps animi sum, dixeritne auctor *interfecta sapientiæ officia* vt Plautus, *Occisa hæc res est*: an potius legendum, *interfectis,*
15 *vel intercepis.*
20

20 *necubi tibi*) Nullo sensu priùs, *ne ubi tibi.*

Pag. 61, 13 *& pinguis humoris*) Sic *φλέγμα* vertit. Magna autem elegantia & perspicuitate Apuleius, quæ plurib. verbis & obscurius à Platone dicta sunt, paucis exprimit. Studiosi locos comparent.

18 *spiritu indidem parto*) Plato, *πνεῦμα ἐξ ἑξ ὁμοῦ.*

21 *Pectoris enim primorẽ cutim*) Lego *Corporis*: Plato enim, *καταποιήλλει τὸ σῶμα* non τὸ σῆμα. neque autem dicat aliquis, ita fortasse legisse Apuleium: sequitur namque, *leui*
30 *turpidine corporis compensat.* Deinde quo auctore tueri aliquis possit propriam sedem vitiliginis & similium *ἑξ ἀνθημάτων* esse pectus?

Pag. 62, 1 *pernitiosa illa albedo*) Verè emendatũ Coluio, cū in

omnibus libris legeretur *dulcedo*. Platonis illa exprimit,
τὸ λευκὸν φλέγμα ὁποληφθὲν μὲν χολῆς μελαίνης κεραδέν.

16 *quod animi partem rationalem*) Vide quomodo illa nō
vertat, sed interpretetur, νόσημα δὲ ἱεραῖς ὃν φύσεως ἐνδινώτα-
τα ἱερὸν λέγεται. Porro causas huius appellationis alias re- 5
peries apud Hippocratem, Aristotelem, Galenum.

Pag. 63, 7 *De caducis*) tamen apud Diogenem index est Περὶ
ὑπλήψεως, non ὑπλήπτων vel ὑπληπτικῶν.

8 *De non videntibus animalibus*) Lego, *De invidentibus ani-*
malibus. quis fando audiuit, aut legendo didicit Theophra 10
stus scripsisse librum de non videntibus animalibus? re-
ferebam tamen ad librum eius Περὶ τῶν φωλοπόντων ζώων.
parum firma coniectura, ut postea animaduerti. nam ex-
tat hodieque locus Theophrasti quem vertit noster ora-
tor. ita enim Excerpta illa paucula quæ hodie reliqua 15
sunt de libro Περὶ τῶν λεγομένων ζώων φρονεῖν, incipiunt: Οἱ
πὸ χαλεώτης, φασὶ, φρονῶν τῆς ὠφελείας τοῖς ἀνθρώποις, κατα-
πίνει τὸ δέρμα, ὅταν ἐκδύνηται. ἐς γὰρ βοήθημα ὑπλήπτω.

10 *more cæterorum serpentium*) Stellionem inter serpen-
tes numerat: Plinius separat: Theophrastus (ait) *auctior est, an-* 20
guis modo & stelliones senectutem exuere. & melius sanè alij
inter lacertos ponunt: etsi Aristoteles ab utroque genere
distinguit, ut in octauo Historiarum. φωλεῖ τὰ πολλὰ τῶν ἐν
αἵμων οἶον. τὰ τε φολιδῶν τὰ ὄφεις τε καὶ σαῦραι, καὶ ἀσκαλαεῶται.
Pag. 65, 9 *stultitia euectus es.*) Distraximus literas quæ in diph- 25
thogum male coaluerant: legebatur enim, *stultitia uectus*.
sic in libello De interpretatione male in quibusdā libris
maxima minimis efficere, pro *maxima è minimis*.

17 *quanquam ipse aperiret*) Perturbatæ prius & peruersæ
sententiæ attulimus interpunctionis rectæ lucem. 30

Pag. 67, 6 *sicut forte negotium magiæ faceßitur*) Non satis hanc
lectionem concoquo: Puto melius, ut cuique f. n. magiæ fa-
cessetur. vel, simul cui f.

Pag. 68, 3 *tamen Maxime fuisse concedam:*) Non malè scripseris *maximè f.* & sanè non aliter edi debuit. Idè est ac quod statim subiicit, *per me liceat fuerit repertissimum.*

5 23 *Oeam veneram*, *Oeam* & *Oea* perpetuò scripsimus: non vt in vulgatis *Oeeam*, *Oeeæ*, corruptè.

25 *quot sacra nossem percensui.*) Reiecimus quod in omnibus libris inuenimus *quod*. nam alterum sensus postulat, & similes alij loci, *tot mysteriis deum conscium*. & *tot mysteriorum enumerationes.*

10 Pag. 69, 2 *religiosis Oeensibus commendata*) Fuit *Oea* Æsculapij nobile templum: isque deus quasi patronus eius oppidi & tutela habitus: propterea oratio quæ magna ex parte esset de religione & cultu illius numinis, non potuit non esse *Oeensibus* gratissima. Lego autem, *mentionem* Æsculapij religionis *Oeensibus* commendata.

15 10 *tot mysteriis Deum conscium*) Nouè dictum pro *tot mysteriorum*, nisi scribendum *tot mysterium*.

Pag. 70, 11 *Et forsan ne ob hanc diuini contumaciam*) Scribo, *Et fors* fuit vt ob hanc diuini contumaciam non inducat in animum
20 *verum esse quod dixi.* Similiter aliquanto post, *Fors* fuerit vt ne sic quidem credat Æmilianus. In epistolis Symmachi *fors* fuit an nō raro memini legere. pro fortasse, vel fortassean. vt libro primo epistolæ v, & xxxiii. & alibi. *Diuini-contumacia* vox Apuleij vt quæ præcessit, *diuini-sciens*, vbi
25 *Magiam artem piam* & *diuini-scientem* vocauit: nisi tamē & hoc loco *diuum contumaciā*, & illo *diuum scientem* verius est scribi. Falluntur qui putant vocem *contumaciam* hīc non conuenire. Glossarium, *Contumacia κατὰ φρόνησιν, ἀπείθεια.*

30 17 *signum dato*, *Et audiat licet*) Symbolum & vt alibi vocat Apuleius, memoraculum quo se inuicem agnouerūt Matris Deum symmystæ fuit hoc, *Ἐκ τυμπανὸς ἑφαρον, ἐκ κυμβάλου ἑπιον, ἐκ κρηφόρησας, ἐπὶ τὸ πᾶσιν ὑπέδυν.* quo synorgiastæ Liberi patris, *ἀσέβητος, σφαῖρα, εὐβίλος, μήλα,*

ρόμιος, ἔσονται, πόκος quo participes sacrorum Eleusini-
 rum, Ἐνὶ δὲ οὐρα, ἔπιον τὸν κυκεῶνα, ἔλαβον ἐν κίσης ἐργασάμενος
 ἀπεδέμην εἰς κάλαθον, καὶ ἐν κάλαθου εἰς κίση. Adi, si lu-
 bet, par scriptorum doctissimum, Clementem Alexan-
 drinum, & Arnobium.

21 cuius vel iniquissimo animum expleffe) Et hoc ex edit.
 Rom. nam alij, animo.

Pag. 71, 4 quamquam eo tempore) Omnes codd. quamquam meo
 tempore. ineptè. In Rom. verò etiam post aliquot paginas,
 meo tempore iterum vitiosè pro eo tempore.

6 Scilicet eum,) Apertior erit sententia si compositam
 vocem in sua principia dissolvas, Scire licet. cæterum tota
 periodus tenebricosa admodum, non nihil etiam corru-
 pta antè edebatur. quod priores cēsores, non vidēre: nos
 vidimus, nec tūlimus: sed omnes tenebras recta distin-
 ctione, & mutatione vocis *aucupatum*, in *aucupantem*, su-
 stulimus.

13 *fumum terra sua emergentem.*) Scribebatur, *mergentem*:
 hoc est δυνάτα vel δύονδρον. scripsimus *emergentem* auctore
 Homero qui ἀποθερόσκοντα dixit. imò ratione ipsa ita fla-
 gitante, & rerum natura.

19 cui vulturio Alexandrini cæli,) Sperne distinctionem
 vulgarium librorum, cui vulturio, Alexandrini cæli quicquam.

20 *omnis fumi non imperitus*) Non omnes animaduertent
 quare hoc dicat. Obiicit autem Crasso isti vitam parasi-
 ticam: parasitorū enim hæc solertia fuit, hæc palma. Ait
 quidam de eo grege apud Diphilum comicum,

Ἀπενὲς δὲ τηρῶ τὴν μαγίαν τὸν καπνόν·
 Κ' ἀν' μὲν σφοδρὸς φερόμενος εἰς ὄρδον τρέχει,
 Γένηται, καὶ χαίρει τι καὶ πτερύσσεται·
 Ἐὰν δὲ πλάγιος καὶ λεπτὸς, οὐδέως νοῶ
 Ὅτι τὸ τοιοῦτον δειπνὸν ἀλλ' εἶδ' αἴμ' ἔχει.

Præterea fuit ea ætate frequens in ore hominum prouer-
 bium,

bium, quod in historia aliquot Augustorum apud Spar-
tianum & Capitolinum sex septem locis notare memini,
fumum vendere, vel per fumum aliquid vendere: de eo qui gra-
tia qua valebat apud principem ad quæstum suum abute-
batur. Eò etiam allusum esse ab Apuleio declarat quod
infra non longe ait: vt ne impunitum Crasso foret, quòd
Æmiliano homini rustico fumum vendidit.

23 *facilius ad eum Alexandriam vini aura*) Loquitur de
Crasso Alexandria commorante: rectè ergo nos *Alexan-*
driam scripsimus, cum hîc quoque vulgatæ editiones ine-
ptirent: vbi est *Alexandria*. sed & *peruenisset* potius scripse-
rim. iam enim Crassus Alexandria non erat.

26 *ieiunus adhuc & abstemius*) ἀστικός καὶ ἀσωτός. *Abstemius*
comica licetia nō est ὁ μὴ μετέχων οἴνου vt vertitur in Glos-
saria: sed ὁ μὴ πινών: qui pro hora diei nihil dum vini bibit.
Si bene memini ita accipit & Tertullianus de Christia-
norum stationibus & ieiuniis alicubi loquens.

Pag. 72, 6 *quem Oea reliquerit*) Malim, *reliquerat*.

8 *Quam verò subtiliter*) Nimium fastidiosi fuerant, quibus
hec Rom. cod. lectio displicuit, & *sublimiter* maluerunt. En
criticorum vel oscitantiam vel ἀνεπιστάμω.

Pag. 73, 11 *Nam equidem hæc fabra tecum*) Placet admodū quod
docti viri excogitarunt, *hæc fabricantem*. sic tamen vt no-
stræ coniecturæ nōdum nos pœniteat, *hanc fabram tecnam*
id est, *technam*. Imò verò sic potius scribet qui me audiet,
25 *Nam equidem hæc fabra tecum fabricantem* hesternæ die animad-
uersti, &c. nam quia inter *fabra tecum*, & *fabricantem* & litera-
rum & soni est similitudo aliqua, ea re corruptus hic lo-
cus, vt alij μωείσι βήμωείσις. hæc fabra valet, τὰ σοφὰ τὰ ὕτα.
supple *μὴ γανήματα*, & commenta.

30 Pag. 74, 8 *iam pridem abligurriuit*) In cod. Rom. *iam iam pridem*
abligurr. an quod ita auctor scripserit, an scribarum vitio,
non facile dixerim.

Pag. 74, 13 *tribus millibus nummis*) Si ad Latinitatis normam exigas scribes *nummum*, vel *ter mille nummis*. sed illo potius modo auctor scripserat: ut infra *sexaginta millibus nummum*.

21 *haudquaquam occulta res acta est*) Malim *occulto*.

Pag. 75, 4 *quandquam sunt soluta audacia*) Arrisit mihi hæc lectio 5
vetus præ illa noua soluta quæ.

Pag. 75, 16 *Et cum sit sceleti forma turpe & horribile*) Non est nostri moris emendationes nostras venditare, inque illis *περπεπολειται*: tamen hunc locum & quatuor alios qui nō longo interuallo sequuntur, Musis fauentibus emenda- 10
uimus. Legebatur in editionibus aliorum *cum su celeri forma*. scripsimus *sceleti* f. nam quid est *celeri forma*? illa verò quorundam emendatio, *hebeti forma* planè hebes & *α-
ωρροδινωρε*. nostra verò correctio tam certa ut de eane dubitandum quidem sit. Nam *sceleti forma* esse legendum 15
paret liquidò ex ipsa re primum: istud enim de quo agitur sigillum ea facie fuisse dicebatur ab Apuleij accusatori-
bus. arguunt illa mox, *Tertium mendacium vestrum fuit, maci-
lentam vel omnino euisceratam formam dixi cadaueris fabricatam,
prorsus horribilem & larualet*. omnino *sceleti formam* his 20
verbis describit. contrà Apuleius, in refutatione huius falsi, tribuit sigillo suo *faciem decoram & succi plenam*. quæ sunt planè *ὁ ἀντιπρόσωπος* opposita formæ *σκειλετώδης*. Pa-
ret etiam manifestissime ex vestigiis deprauatæ lectionis cum hoc loco: nam editio illa Romana, quam toties lau- 25
damus, præfert *celeti* non *celeri*. tum reliquorum qui se-
quuntur, in quibus *scelestus* legebatur. quis adeò Academicus ut pronunciare dubitet, & *celeti* literulæ adiectione in *sceleti*, & *scelestus* quoties in hac disputatione occur-
rit, vnius item literæ detractio in *sceletus* mutandum? Sed 30
omnem dubitationem vel Pyrrhoni alicui ademerit ipse Apuleius paullo post ita scribens: *Hiccine est sceletus? haccine est larua?* Lege eo loco cum vulgatis *scelestus*. quæram à
te ubi

te ubi antè dictum sit aduersarios Apuleij *laruam* appel-
 lasse istud simulacrum. sed certo certius scripsisse illū *scel-*
etus, voce Græca: pro qua Latinam subiicit *larua* ceu in-
 terpretamentum prioris. Glossarium vetus, *Σκελετός*, *larua*
 5 *scelerus*. nihil opportunius ea auctoritate ad probandam
 nostram emendationem fingi potuit: ex qua duo disci-
 mus: alterū, vocem *larua* in superiore loco esse interpreta-
 tionē dictionis *scelerus*: alterū, vocabulum *scelerus* et si Græ-
 cum purum putum pridem tamen ciuitate Latina fuisse
 10 donatum: ne quis fortè miretur oratorem in foro Roma-
 no vocem Græcam toties vsurpasse. Det verò mihi ali-
 quis Latinum vocabulum proprium (nam *larua* *νεκρώς* a-
 liud est) Græco *το δυνάμην*, & concedam eo potius vsu-
 rum illum fuisse. Norunt tamen eruditi Græcis literis,
 15 quam familiaris ea lingua huic scriptori fuerit: cuius Ve-
 neres & Charitas plurimis locis felicissimè aut vertendo
 exprimit, aut Latine imitatur. quod sæpe interpretes
 quia non animaduertebant, ob Græci sermonis imperi-
 tiam, scedè & turpiter lapsi sunt. Sic mihi risum aliquan-
 20 do mouisse memini Berqaldi subtilem horū verborū in-
 terpretationem Milesia septima, *accipite virum ipsa mor-*
te quam formidant alij meliorem. ubi cum ille non videret
 Græcanicam elegantiam elegantissimam, Deus bone
 quam ineptè se gerit: atqui *morte melior* non aliud quàm
 25 mortis contemtor. Græcè ad verbū dixeris, *δέχεσθαι μὲν τὴν*
θανάτην, ὃν φοβέσονται πάντες, κρείττω. Tale illud quoq; lib. xi.
secretóq; mādaris quibusdā quæ voce meliora sunt. sic enim Græci
τὰ δαίμονα vocant *λόγου κρείττω*. Legas ibidem & inuimus
 quod Græci *ἄλογος* imitatione dictum: vt *illibris* apud Ter-
 30 tullianum *iiii* contra Marcionem pro eo quod Græ-
 ci dicunt *ἄλογος*. Noster verò libro De philosophia etiam
symbolæa Latine protulit ubi tamē *symbolæ* vel *symbola* per-
 peram scribi video. Mirum verò nondum esse emacula-

tum istum eiusdem libri locum, quo notissima Platonis
sententia continetur. *Illum quidem qui natura imbutus est ad
sequendum bonum non modo sibi intus putat: sed omni-
bus etiam hominibus: nec pari aut simili modo: verum etiam unum-
quemque acceptum esse: de hinc proximis, & mox ceteris qui fami-
liari usu vel notitia iunguntur. Quæso, quem sensum ista sic
scripta habent? Legendum est absque omni dubio: non mo-
do sibi ipse natum putat. Deinde, verum patriæ unumquemque
acceptum esse. vel, astrictum ad eone quisquam in literis pere-
grinus, ut ista unde sint desumpta, non statim agnoscat? 10
Ex eodem philosopho debuit & hic locus emendari, lib.
De deo Socratis, quem ita nobis edidit vir ille doctissi-
mus qui nuper, bono publico, cum suis manuscriptis eos
libros contulit. Ita enim est apud Platonem: ne quisquam arbi-
tretur omnia eum vulgò loquentium captasse. quippe etiam semotis 15
arbitris vno cum Phædro extra pomerium sub quodam arboris opa-
co umbraculo signum illud ac nuntium sensit, ne prius transcende-
ret illius amnis modicum fluentum, quàm increpitum inclinatum a-
mor retinendum placasset. Cedo quemuis arbitrum, neminẽ
esse qui ista intelligat ita scripta. sed omnes mendas su- 20
stuleris, si primò omina legeris non omnia: deinde sub quodã
arboris opacæ umb. non opaco. postea ne prius transcenderet Ilissi
amnis m. fl. nam ad Ilissum habitus ille sermo, ut initio eius
dialogi narratur. postrema autem sic, quàm increpitu indi-
gnatum Amorem recinendo placasset. Res sic habet: Socrates 25
post habitam illam orationem quam ab eo expressit Phæ-
drus, traicere Ilissum, ad cuius ripas ambo sedebant, co-
gitabat, ne iterum talem aliquam necessitatem idem ille
imponeret: Inter hæc, suũ illi dæmonium insusurrat, gra-
uiter offensum esse ei Cupidinem ob superiorem oratio- 30
nem, qua amorem increpauerat: faciendum ei omnino ef-
fe, ut eum prius quàm amnem transcendat placet. placan-
di Dei unicam viam & rationem esse statuit Socrates 40*

παλινωδῆν. Hæc ita Plato: quæ eò protulimus vt superio-
 rem emendationem nostram confirmaremus. *Increpitus* di-
 xit Apuleius pro increpatione. sic apud eundem *agnitus*
 pro agnitione. Ita enim legi debet initio III Florido-
 5 rum hic locus: *Reperias apud ipsum multos sales, argumenta lepi-
 dè inflexa, agnitus lucidè explicatos.* Loquitur de Philemone
 comico, & eius comædiis. *agnitus sunt αἱ ἀγνώσεις.*
 quæ fuit vel operosissima pars plerarumque fabularum
 veteris comediæ: vt ex Aristotele, & Plauto ac Terentio
 10 scimus: nam Aristophanes non vtitur: at vulgò scribitur
 in Apuleio *agnatos* perabsurdè. *Recinendo placare* in supe-
 riore loco est, *ἰλάσασθαι τὰ παλινωδῆν.* quod Horatius di-
 xit *recantare opprobria.* Venit & commodum alius loci mi-
 hi nunc in mentem, ex eodem Platone emédandi: quem
 15 & ipsum non possum quin apponam. Legitur sub finem
 libri De dogmate Platonis, in descriptione pererudita
 partiū corporis humani. *At enim illæ optimæ sunt partes, quas
 labor subigit: vt femina. ipsæque sessitandi regio.* Apage tam stul-
 tam sententiam, quæ optimas corporis nostri partes vo-
 20 cat femina & clunes. Scribe, *opimas*, hoc est, vt loquitur
 Plato in Timæo, vnde totus ille locus est expressus, *σαρξὶ
 ξυμπειωλητορμύας.* Sententia aperta & certa: quam habes
 fusius tractatam tum apud alios, tum Lactantium De opi-
 ficio Dei cap. x i i i. Poteram plura adicere vel ex singu-
 25 lis huius elegatissimi auctoris libris: sed hæc satis fuerint,
 excitadæ quorundam supinitati nescio dicam an securi-
 tati: qui nulla aut leuissima Græcarum literarum cogni-
 tione imbuti, solos se aliquid scire putant. At qui plurima
 eos peccare necesse est, quibus id præsidium deest. Equi-
 30 dem vix vnquam in istorum *νῦν ὑπὸ πολλοῖς κριτικῶν* criticorū
 scripta oculos conicio quin certissima indicia *τῆς ἐκ ἐμ-
 πειρίας τῆς Ἑλληνικῶν* animaduertam. At hæc querela alius
 erat loci & temporis.

Pag. 76, 2 *formas è buxo*) Hæc vera *ῥεαφν*. Roman. cod. *Gnos-*
so mendosissimè. gradum fecit ad veram lectionem Ber-
 nardus Philomathes qui è mafs. edidit, *euoxo*. Coluius fe-
 cit *è buxo*. verè & ingeniosè.

9 qui mihi factum volebat.) Imitatur Terentium,

- dij tibi Demea

Bene faxint, cum te video nostræ familiæ

Tam ex animo factum velle.

Simile apud Plautum & hunc nostrum, illi *prouentum cu-*
pit: quod vltatius *velle alicui & cupere alicui*. Illo modo ite 10
 rum locutum memini Apuleiũ De philosophia, *Animas*
bonorum deamare, & studere illis, factumque velle vti quàm plu-
rimum potiantur (ita lege non *potiuntur*) *bonis artibus*. Nihil igi-
 tur mutandum initio epistolæ l. x. Symmachi libro pri-
 mo, *Gelasius cui factum volo, imperialis domus curâ recepit*. quin 15
 potius emendandus alter eiusdem locus epistola l. xxi.
 libri eiusdem, *quæso, vt ei virtute qua celsus es, factum velis*. Le-
 go *factum v*.

14 *ex ea se fecisse*) Roman. & aliæ, *sed ea se. f.* nullo sensu
 quem restituit ex pro *sed repositum*. malo tamen quod po 20
 itea reperi in éditione Philomathis, *Secundum ea*.

Pag. 77, 14 *adeo euidens signum*) Omnes cod. *ante euid.* perspicuè
 mendosè pro *adeo* vel *tam*

22 *cum audirem sceletum*.) Ita esse legendum satis super-
 que ante probauimus. tamen oēs codices & hîc & tribus 25
 locis proximis *scelestus* scriptum habent: vt dubium non
 sit antiquum esse hoc mendum. Sed veritati, vt ille ait,
 nullum temporis spatium præscribere potest.

Pag. 78, 8 *bene tam puris*) Laborantem à praua distinctione lo-
 cum emendauimus.

19 *duat deus iste*) Quid sunt meriti qui hanc *ῥεαφν* Ro-
 manæ edit. mutarunt? nam in aliis omnibus libris legas
aut deus iste. sententiâ nullâ. *Duat* pro *duit* nisi ita scriben-
 dum

dum potius. vel est, vt fuit.

Pag. 79, 14 *nec vice vlla comprehensus*,) Exprime, vt puto voluit vocem Platonice ἀκατανόμαστος. quare lego voce non vice. magis κτ' ποδας libro De dogmate Socratis, ἀρρητον ἀκατανόμαστον vertit *indictum innominabilem*. est ibidem & alia vox Platonis ἀσέμετρος quod esset, *nullo loco comprehensus*. sed illud prius verum est.

Pag. 80, , ὅτ' αὖτε οἰκήσεως) Videtur Cicero cum hac verteret, legisse ὅτ' αὖτε οἰκήσεων: videlicet ἔσα. & ἰερεῖ πάντων θεῶν, absque πᾶσι: quæ tamen dictio retineri potest pro *apud omnes vel consensu omnium gentium*. Ciceronis interpretatio hæc est. Terra igitur, vt focus domiciliorum, *sacra deorum omnium est*. quocirca ne quis iterum idem consecrato.

9 ἐν ἄλλαις πόλεσιν) Cicero, in urbibus, ἐν ταῖς πόλεσι.

15 22 in cæteris causis minimè prosperum matrimonium) Caue assentiaris illi emendationi, in cæteris casibus. Recta enim est vulgata omniū librorū lectio *causis*. & ita in libris Iurisconsultorum accipi vocem, *caussa* alibi monebamus. Sic αἰτία in illo Matthæi, εἰ ἔτις ὅτιν ἡ αἰτία τῶ ἀνδρὸς μετὰ τῆς γυναῖκος. Plane respondet Hebræorum מיתה

20 Pag. 81, 1 *Ceterum cur Æmil.*) Iacentem sententiam ereximus adiectis interrogationis notis.

6 M. Antonius, Cn. Carbonem) Accusationis huius fortasse meminit M. Tullius epistola ad Pætum: vbi de Cn. Carbone loquens. *Iam pater eius*, inquit, *accusatus à M. Antonio, sutorio atramento absolutus putatur*: tamen quia de accusatione suscepta in iuuenili ætate sermo est, nescio an non auctori hîc memoria imposuerit: vt M. Antonio tribueret, quod debuerat L. Crasso: quem certum est, cum esset adolescentulus vnde viginti annorum Cnæum siue Caiū (mira enim vel librorū vel auctorum in hoc prænomine varietas) Carbonē perculisse. Meminit Cicer. variis locis, nec non auctor libri De causis corruptæ eloquentiæ.

6 C. Mutius A. Albutium.) Cicero Titum vocat. Bruto, Mutius augur quod opus erat per se ipse dicebat: ut de pecuniis repetundis contra T. Albutium. Notę inimicitie inter Mutium Scæuolam & Albutium, etiam ex Lucilij versibus quos refert Cicero primo De finibus.

7 P. Sulpitius Cn. Norbanum) Tullius Caium Norbanum vocat De oratore lib. II. Celeberrima fuit ista accusatio, & propter reum, & propter eius patronum M. Antoniū.

7 C. Furius. M. Aquilium.) Existimo scribendum, M. Aquilium. nam hunc constat grauissimorum criminum fuisse postulatum, & M. Antonij patrociniō seruatum.

9 iuuenes laudis gratia plurimum hoc rud. sub.) Cicero pro M. Cælio. Voluit vetere instituto eorum adolescentium exemplo qui post in ciuitate summi viri & clarissimi ciues exstiterant, industriam suam à populo Rom. ex aliqua illustri accusatione cognosci. Auctor libri De causis corruptæ eloquentiæ, Nonodecimo ætatis anno L. Crassus C. Carbonem vno & vigesimo, Cæsar Dolabellam, altero & XX. Asinius Pallio C. Catonem, non multo ætate antecedens Caluus Vatinius, iis orationibus insecuti sunt, quas hodięque cum admiratione legimus. Hieronymus Augustino, puerulis est iactantiæ, quod olim adolescentuli facere consueuerāt, accusando illustres viros suo nomini famam quærere.

20 demissum & subornatum) Satis noue, nescio an satis Latine, demittere accusatorem pro submittere. Fortasse emissum scribendum, quo dicitur modo emissarius: aut Græcissat Apuleius: nam Græcis *ὑποτίθω* & dimittere significat & submittere.

Pag. 84, 6. assuetudine coniugis torpens) An desuetudine? an ita potius, à solitudine coniugij torpens.

Pag. 86, 23 confestim Roma aduolauit:) Erat in omnibus libris Romam prorsus contra rationem: præcessit enim paullo ante. Ipsa de ea re Pontiano filio suo Romam scripsit. Ibi erat Pontianus: inde acceptis matris literis Ocam euestigio venit.

venit. Ac suspicio est scripsisse Apuleium, *Roma Oeam ad-*
nolauit.

Pag. 87. 7 *inter precationem matris*) Suspicio legendum *Proca-*
tionem matris. hoc est, dum illius nuptias proci multi am-
biunt, postquam semel eius animus ad nubendum est
conuersus. Pudentillæ nuptias à pluribus procis fuisse ex-
petitas, non vno loco dicit Apul.

10 quod *utinam numquam euenisset*) est quod Græci dicunt,
ὅ μὴ ποτ' ὦρελον.

10 II *uxoris meæ respectus*) Maneat hæc vetus scriptura,
non *aspectus*: *respectus* hac ratione, Latinum & probum
verbum si probi Iuuenalis Suetonius, ipse Tullius.

15 non ita ante multos annos) Priores omnes editiones per
facetè, non ita pridem ante multos annos.

15 24 *conuersum ab uxoria re*) Imò *auersum.* si satis ego sa-
nus & meæ spontis.

Pag. 88, 5 *prospectu maris qui mihi suauissimus est*) Restituimus
in suum locum veram priscarum editionum lectionem,
maris: nam *matris* quod in recentioribus extat, nullam reli-
querat superlationem *ἀτοπίας.*

20 21 *quoniam mihi soli, ait*) Locus corruptissimus, & quem
frustra fortasse speremus sine libris posse sanare. mihi cer-
tè *ἐξ ἐφικτόν.* tamen, quod in nobis est, vulnus ita obliga-
mus, ut aliqua sit sententia, *quoniam mihi soli, ait, rerum om-*
nium curam crederet: *confidere sese fore ut id onus recipiam.*

25 Vox *crederet* cum deprauata, tum loco mota fuisse vide-
tur. multa in omnibus scriptoribus ita corrupta transpo-
sitione verborum. atque adeo venit in mentem loci è
Plautina Truculento, quem ita perturbatum in omnibus
30 libris vidimus.

pro di immortales Calliclem video senem,
Alteram constricticem, alteram ancillam suam meus
Qui affinis fuit, ancillas duas constrictas ducere.

ita enim restitui debet.

-pro di immortales Calliclem video senem

Meus qui affinis fuit, ancillas duas constrictas ducere.

Alteram constricticem huius, alteram ancillam suam.

22 quoniam non formosa pupilla) Subtili commento Apuleius honori suo velificatur, cum iis argumentis facit Pontianum se ad nuptias hortari quæ alium auertissent: nam quis non potius ducat virginem pupillam hoc est ὀπίκληρον, eamque formosam: quàm viduam mediocri facie mulierem, & liberorum matrem? verùm id quia censet Pontianus alienum à philosophicis Apuleij moribus, ideo hoc argumento duci se ait, ut illum conditione vsurum confidat. Ita interpretor hunc locum: neque iis assentior qui pupulam legendum censent: neque autem iis qui pupillam accipiunt de puppis virginum, quas Græci πλαγγόνας & 15 δαγύδας vocant. Lego deinde, *Sin hæc reputans*. hoc est, incommoda quæ modò diximus.

Pag. 90, 7 ne si omnino) Perperam antè, nisi omn.

18 idem libidinum ganearumque locus) Scripserim lucus. Ganeæ & eiusmodi loca ædilem metuentia, seorsim esse solent ab hominum conspectu: ideo lucum appellat, respiciens ad tenebras lucorum. 20

Pag. 91, 1 qui istum deperduint multi sunt.) Equidem neque istam lectionem satis concoquo: neque eorum emendationem probo, qui legunt depereant: id enim planè contra auctoris 25 mentem. Fortasse scribend. *quî istum di perduint multa sunt.* quî non ut apud comicos in hac locatione, pro utinam: sed pro quare.

24 Lex inquit, negat posse dissoluere) Scribebam, Res inquit. n.p.d. Sed quia vet. omnes codd. habet Flax, inquit n. puto 30 scribendum, *flagitantibus negat posse diss.*

P. 92, H S XXX) Romanus codex XXX. alij eandem summam perscriptam. Ex ipsis Apuleij verbis liquet intelligi-

telligere eum de aliqua summa insanum magna : itaque vel *tricies* verum fuerit : vel etiam maior aliqua fortasse summa.

5 10 *homo iustus & morum*) Nihil deerit si legas *iustus & verus*. sic accipi *verus* pro *δικαίος* notum omnibus.

10 I. *totam domum contumeliosius abnuit*) Si putarem eam esse sententiam quam ij probant qui legi volunt *obuoluit*, dicerem scribendum minore mutatione *obnubit*. & esset dictum vt apud Ciceronem & Sallustium *cooperire facinoribus*. id enim est *obnubere*: vnde apud Solinū *oculos nectatione obnubere*. Nunc puto sententiam esse longè aliam. Scribo autem, *vetula & effœta, nunc demum contumeliosius abnuit*. Vult hominis non paupertatem sed egestatem indicare: qui & patrimonium suum totum abligurrierit : & cui vxor iam effœta desierit esse vectigalis. Sic enim ante dictum lecti sui contumeliam fuisse isti vectigalem. *Abnuere contumeliosius* elegantissime dictum pro eo quod Plautus dicit *exaruisse ex amœnis rebus*. Contumelia vt apud Græcos *ὕβρις* accipitur Latinè non rareret isto modo. & est *ἀρχαῖκῶς* dictum, vt antè, *curare rebus alienis*. Talem sententiam desiderari arguit vox *cæterum*: imò arguunt supra & infra scripta si quis attentè legat. Fuit cum placeret *alit* aut *abluit*: quod esset *πρωτεύειν* Græcorum pro *λοιδορεῖν* aut *ποιεῖν λοιδορεῖσθαι* significatione Hiphil Hebræorum. non placet id nunc mihi. Vocis *totam* prior pars originem habuit à fine

25 vocis præcedentis, male geminata syllaba, vt sæpe.

29 *domi sedisset*) Terentius,
an sedere oportuit

Domus virginem tam grandem?

30 Sic *καθῆσθαι* apud Græcos *ἐπὶ πάσῃ ἀπραξία*.

Pag. 93, 7 *immedicatum os*) Male præcūit qui hæc mutant: non sequor. *immedicatum* est *καταφάρμαχέν* non vt putant *ἀφάρμαχόν*.

Pag. 94, 13 *se mihi manu sua mortem allaturum*) Parum Latinè:
scrib. *illaturum*

18 *quas tamen cum saltas*) Ingeniose Lipsius ita emenda-
uit priorē lectionem *consulas*. Tu, inquit Apuleius, tam i-
gnauus es, vt cum Philomelam, aut Medeam, aut Cly-
temnæstram saltas, gladium non habeas, quem histriones
cum argumētum postulat solent gestare. Hunc gladium
non rectè idem ille vir eruditissimus cum baculo tragæ-
dorum confundit. Baculum illi semper habuerunt præ
manibus, quamcumque fabulam saltarent: gladium non
nisi cum cædes erat in argumento. Ac videntur fuisse hi
gladij histrionici parui ad latus vel clunes dependentes,
ne gestus agentibus essent impedimento. Propterea legi
mox fortasse debet, *tanta formido ferri est, sine clunaclo saltas.*
non cludine. Clunaculum A. Gellius interspecies gladiatorum
refert: & Festus docet gladium esse ad clunes ap-
pendi solitum: quales fere laniorum sunt & coquorum:
Propius accedere ad vulgatam lectionem, in ea emen-
danda non quivi. Qui *sine ludione* corrigunt, & Halicar-
nassensis Dionysij locum afferunt, ij mihi videntur, vt
ingenue loquar, leuissimè in cognitione antiquitatis fuis-
se versati.

26 *è tabulario publico*) Absurdè vulgò, *tabulario Pontiani*
presente, & contrà scribente Aem. lectio quam edimus aper-
tissima est. *Contrascribere* dixit vt Græci *ἀντιγράφειν*. notum
quid sit *ἀντιγράφος* apud oratores Atticos.

Pag. 96, 6 *siquidem id foris scripsit*) Nisi aliud latet, cenfeam scri-
bendum foras.

Pag. 97, 9 *ad expellendum à me crimen M.*) Apponam priorem
lectionē & fidei meæ caussa, & vt videant studiosi, quan-
tum hic locus nobis debeat: *ad expellendum à me crimen Ma-*
gie. sedulo omissa, memorabili laude Rufini vice mutauit Non du-
bito applausuram nostræ emendationi coronam docto-
rum

rum:cæteri quid sentiant,δειξ ἀνὰ μέσον.

Pag.98,5 καὶ ἐρῶ καὶ ἐλθέτω νῦν πρὸς ἐμὲ ἕως ἐπὶ σωφρονῶ.)

Vulgarī codices, καὶ ἐρῶς ἐλθέτω νῦν πρὸς ἐμὲ, ἐπὶ σωφρονῶ.

Scripsimus, καὶ ἐρῶ. vbi enim amoris erit aperta cōfessio in

8 his verbis, ni ita legas? ἕως ante ἐπὶ ex sequentibus locis re-

stituimus. Sensus est, Vos magum dicitis Apuleium, &

me ab eo magicis cātaminibus in amorē illectam: ita est:

amo illum:& coniungi cum eo volo, dū adhuc sum meæ

spontis.elegantius scripseris Ναὶ ἐρῶ. fortasse etiam ἐλθετε

10 non ἐλθέτω legendum. Suadere videntur ista aliquantò

pòst. *Pudentillam quæ scripserat dissimulamenti & deridiculi cau-*

sa, ἐλθέτω ἕως ἐπὶ σωφρονῶ post hasce literas euocasse ad se filios

& nurum. nam si ego illum locum rectè capio, legendum

ibi ἐλθετε: quod si eo loco, etiam in aliis omnibus vbicun-

15 que ista periodus extat. Scribemus ergo: Ναὶ ἐρῶ καὶ ἐλθε-

τε πρὸς ἐμὲ, ἕως ἐπὶ σωφρονῶ. multo commodiore sensu.

6 quæ Græcè interposuit) Rufini ergo aliquæ partes fuerāt,

in causâ dicenda? Non puto. itaque lego, quæ Græcè inter-

posui.

20 19 Nemo erat qui pro me ferret) Ferret eleganter pro re-

ferret.Simplex pro composito: quod apud optimos scri-

ptores creberrimum. Non ergo audiendi qui faceret aut

esset volunt scribi, aut stare. Sic in libro De deo Socratis,

cerni pro discerni. Natura neque vno neque gemino modo, sed plu-

25 ribus cernitur.

Pag.99,2 quàm exprobranti) Supple magis. Hellenismus Lati-

nis quibusdam quàm ipsis Græcis familiarior.

8 ὡς μοχθηρὸς ὕμῃς) Vulgò, ἡμῖν.

10 καὶ ἐρῶ) Iam antè emendauimus.

30 21 ne auscultarent, sibi potius audirent) Sibi audirent ἀρχαῖ-

σμός imitatione, vt videtur, Pacuuij. Illius sunt hi versus.

Nam istis qui linguas auium intelligunt,

Plūsque ex alieno iecore sapiunt quàm ex suo,

Magis audiendum quam auscultandum censeo.

Pag. 100, 6 ἐγὼ ἔπ' ἐμὰ γόμμαι ὅπ' ἔρῳ, αἴτια ἢ εἰμαρμένη ἐ-
 φυ.) Hæc nostra emendatio est, quam eliciimus ex ista
 priorum omnium librorum: ἐγὼ ἔπ' ἐμὰ γόμμαι ἔπ' ἐρῳ
 τὴν εἰμαρμένην ἐφ' ἧς corrupta omnia, & hiātia: deest enim
 verbum αἴτια. Sensus est, Ego, ait, non sum incantata: sed amo-
 ris mei caussa est Fatum. Emendationem nostram non pos-
 sumus librorum auctoritate confirmare: sed possumus A-
 puleij ipsius. nam benè à nobis restitui illa, ὅπ' ἔρῳ, αἴτια
 ἢ εἰμαρμένη ἐφυ, euincunt hæc statim, Nubendi autem seu ra- 10
 tionem seu necessitatem Fato adscribit.

23 nulla impertita mora subneruasti) Quæ malum ista vox
 subneruasti? an scribendum subeneruasti? an subuertisti? Sed
 videtur omnino vox hîc aliqua fuisse ab usu remotior &
 secretior, quam propterea corruerunt quia non intelli- 15
 gebant. Scrib. supperuasti: quod optime cōuenit cum præ-
 cedenti præcipitasti: sunt enim ambo paullo petita longius.
 Supperare quid sit ex Catullo, Festo, Scaligero notum e-
 ruditis.

Pag. 101, 2 Sed sum ego inscius) Græcissat: ita enim vsurpat vocē 20
 inscius, vt Græci ἀμαθὴς de homine inepto & parum pru-
 dente.

10 filius matris suæ pudenda exprobrat supra) Vulgò, matris
 suæ. Illud ante has Imperatoris Pij statuas quam vim habeat
 intelligunt, qui meminerunt sub Imperatoribus capital 25
 fuisse ante principis imaginem vel nudasse se, vel obsceni
 aut dixisse aut fecisse quidquam. Id crimen impietatis hi-
 storici nominant.

15 Tunc quod in cubiculo agat p.) Magnam tenebricosę
 sententię lucem attulerit qui eam ita concipiet: Tunc quod 30
 in cubiculo agat perquiris, ne mater tua amatrix. sed omnino fœ-
 mina? éstne vt in ea cogites nisi vnā parentis religionem? Ne ma-
 ter tua ἀρχαῖνός pro nedum, vel, nō dicam mater tua. Sic
 antè

antè bis locutus hoc lib. quare meritò illa nobis suspecta
vulgi scriptura, *ne mater tua nō dicā amatrix*. scalpellum (nisi
habes ipse aliquid melius) adhibe, & illa mihi refeca, *non*
dico: quæ verba isto quidem loco non emam vitiosa nu-
ce ἔσθ' ἰχάδος μίας.

5 Pag. 102, 15 *nefando, immani, impetibili*.) Mira vox hac notio-
ne, & vt puto, quam legunt plures quàm intelligunt. Pro-
priè *impetibile* idem est ac petitioni obnoxium, quod faci-
lè possit impeti. Solinus de Chamæleonte, *Impetibilis est co-*
10 *rax: à quo cūm interfectus est, victorem suum perimit interemptus.*
Nisi me fallit memoria, non est alius Solino antiquior
qui eam vocem vsurpauit. Postea cepit hoc vocabulum
accipi de re turpi & reprehensioni obnoxia, vt in hoc lo-
co Apuleij. Symmachus epistola CIII libri noni. *Nam*
15 *mihi turpe atque impetibile est, attonito animo & fronte mæsta læ-*
tos adire conuentus. In alia omnia it. vetus magister qui Glos-
sarium scripsit. *Impetibile, ἀνεπιχείρητον, ἀνεπιτήδευτον.* sic in-
terpretatur quasi præpositio negandi vim haberet. non
absurdè tamen ita vsurpatum nondum legi, si bene
20 memini. ab eadem origine est ibidem, *Impeteius, Εἰαίος.* pro
impeteius.

16 *Athenienses quidem*) Non displiceat mihi quondam.

Pag. 103, 9 *tuum factum obliuio capefferet.*) In vulgatis, *obturo.*
scripsimus *obliuio*, ex coniectura, qua nullæ *χαυμικῆς* δει-
25 *ξεις* certiores.

Pag. 104, 4 epistolam Pudentillæ Græcатиorem) *μᾶλλον ἐλ-*
λωίξασαν. duriusculè dictum.

9 *ἔλθετε ἕως ἐπὶ πορεῖν*) De his verbis ante diximus.
Omnino placet *ἔλθετε*. Illa, inquit, prius deridiculi causa
30 scripserat *ἔλθετε ἕως ἐπὶ πορ.* cum tamen non vocaret illos
ad se tum serio: postea verò eadem Pudētilla iterum scri-
psit *ἔλθετε*, & serio ad se liberos suos euocauit. Non vi-
deo qui commodus elici sensus possit ex *ἔλθετε*. Litera e

in ω degenerauit, ut apud Agathiam litera τ. ita enim scribi debuit hic eius locus ex libro primo, καὶ ὅποια ἀττα πα-
 ελοχα ἐν αὐτῇ ξυλινέχθη. non ὅποια ἀῶτα. quod ferri non
 potest. Eo ipso loco, in locum υ successisse doctissimum
 virum, qui elegantissimi eius scriptoris editione immor-
 tali beneficio nos sibi deuinxit, nescio quomodo fugerit.
 Scribendum enim ἐκείνω τὸ φύλω ἐς τὸ δε, δυσμερείας. ἢ λδέ-
 τλω. non τὸ φίλω. Ibidem scribe, εἰσῆρρησε, non εἰσῆρησε. vox
 est Aristophanis: cuius item hæc est libro tertio, in qua ια
 in κ perperam coaluerunt, ibi, οἱ μὲν γὰρ ταῖς σιύραις τὸ πόδε 10
 πῶδε λῖττόμυροι, εἴρροντο τῆς πορείας. Legendum ταῖς σιούραις
 τὸ πόδε πῶδε λ. ut apud eundem comicum ἐν πέντε σιούραις
 ἐγνεκορδὺλημύρας. Loquitur Agathias de Sotericho & eius
 focis, quos hostis in lecto iacentes oppressit: iis fugere tē-
 tantibus, pedes veste stragula inuoluti, fuerunt inutiles. 15
 σιύραις esse dictionem Græcam non facile aliquis mihi
 persuaserit. dubito etiam de voce κλινος ἐόφιον quæ initio
 libri IIII inter κολασήρια ὄργανα recensetur. τὸ δὲ πού
 κεῖται; ut ille ait apud Athenæum. Fortasse legendum, χ-
 λος ἐόφια. Synesius epistola LVIII. καὶ πιεσήριον, καὶ ρι- 20
 νολαβίδα, καὶ ὠτάργαν, καὶ χλως ἐόφιον. Hæc & huius generis
 nō pauca nuper in eo scriptore obseruabamus, cum eum,
 simul in manus venit, auidissimè percurreremus.

22 ne ciues denuo ad sportulas conuolarent) Ita fuit tum mo-
 ris in omni solemnitate: siue aliquis tyrocinij diem cele- 25
 braret, siue nuptias faceret, siue honore insigni aliquo au-
 ctus, eum auspicaretur.

Pag. 105, 15 *mater futura in ipso materno sinu*) Non erat alius in
 isto libro locus magis corruptus: quem tamen nullo ne-
 gotio (quod impune dixisse liceat) in integrum restitui- 30
 mus. Ita autem scribebatur, *mater futura in ipso materno, si nu-
 bat in segete, adulta super fecundam glebam. vel enim sub ulmo
 marita cubet in ipso gremio terra, matres inter s.*

20 ille celeberrimus in comædiis versus) Græcum versum deesse ex eo licet coniecere, quia deest. non est autem dubium, pertinuisse eum versum ad laudationem ruris, aut vitæ rusticæ. Tale illud ex Menandro,

5 ἔστιν ἀρετῆς καὶ βίᾳ διδάσκαλος
ἐλὼ δέγου, τοῖς πᾶσι ἀδελφοῖς ἀγρός.
nec non istud Plauti

Urbani sunt rustici. DO. pudicius.

Faciunt illi, quàm qui non sum rustici.

10 Pag. 106, 24 mentiri falsa audes & sesquialtera?) Adiecimus copulam prorsus necessariam.

Pag. 108, 6 vel is Moses aut Iannes.) Ita scribi debet non ut vulgo Ioannes. Plinius libro XXX. capite primo, *Est & alia Magices factio à Moysè, & Ianne & Iorape Iudæis pendens.*

15 De Moysè quàm falsum sit, & unde ea opinio manarit, scimus nos Christiani. Iannes hic est de quo Paulus, *Ἰαννῆς καὶ Ἰαμβρῆς ἀντέστησαν Μωϋσεῖ.* Iudæum fuisse Iannem, nescio an Plinio debeā accredere: mihi enim verior Numenij Pythagorici sententia videtur, qui Ægyptios *ἰεργαυματοῖς* fuisse scribit: eosque tanta Magiæ fama apud suos, ut omnium iudicio soli digni habiti sint, qui Moyse veris miraculis Ægyptum eo tempore percellenti, se opponerent.

25 Pag. 109, 10 factam coniunctionem) Ineptam lectionem suas res sibi habere iussimus coniectionem. Supra, *me grandem dorem in principio coniunctionis nostræ mulieri amanti extorsisse.* & aliquoties coniungi hoc sensu positum prius.

22 CCCC milibus nummum) Sic codex Rom. alij CCC.

Pag. 110, 3 in concordia coniugis) Magis probem, coniugij.

30 Pag. 111, 14 conciliator fauissor) Quid si, conc. fautor suasor. nam videntur duæ voces in vnam male confusæ.

19 de quo supra dixeram) Fortasse, de qua supra dixi iam. Respicit illa superiora, *Mulier H S quadragies possidebat ex quo*

sanè aliquantam pecuniam nullis tabulis, sed vt æquum erat, mera fide acceptam, filius debebat.

Pag. 12, 6 primo hoc vitrici beneficio) Lego vitricus.

16 tirocinio professionis suæ) caufidicinæ nimirum: fuit enim Pontianus eloquentiæ studiis deditus & disertus, vt ex aliquot locis huius Apologetici apparet professionis legi debere non profectiois, etiam alij viderant.

20 prope exacto consulatu) Scio apud optimos scriptores proconsul & proprætor sæpe inuicem confundi: at consulem appellari qui proconsulari imperio prouinciam aliquam regat, non memini alibi legere: sed quia prouinciæ diuidi olim solitæ in prætorias & consulares, posterior ætas eum qui obtineret prouinciam consularem appellauit consulem, & id munus consulatum, vt hoc loco. Sic ὑπατος Ἀσίας præses. Asiæ prouinciæ dicitur à poeta veteri qui epigramma fecit in Laodicen,

Σὴ μὰ δ' ἀμὲλ' δύναντος ἀνώτιστοιο χρονοιο,

Μάξιμος ἐκδηλον θῆν' Ἀσίας ὑπατος.

Enimuero euiluit tandem superbum Consulis nomen: adeo vt etiam magistratus municipales consules appellari non erubuerint. Sic ait Ausonius se Burdigalæ fuisse consulem: & ita apud Philostratum accipio aliquot locis in Sophistarum vitis, vt in Polemone, ἡ μὲν δὲ πολέμωνος οἰκία, πολλοὶ ὑπατοί. Mox ibidem, Ἡ γὰρ μὲν γὰρ τῷ αὐτοχρόνῳ μᾶλλον ὁ Ἡρόδης ἢ τῷ ὑπατός τε καὶ ἄλλ' ὑπάτων δοκεῖν. Idem libri secūdi initio, Ἡρόδης ἐτέλει μὲν ἐκ πατέρων ἐς τὰς διουπάτοις, vtitur eadem voce & in Niceta, in Aristocle, in Antiocho, & in Antipatro Hierapolitano. quibus omnibus locis caue accipias de Romano consule: sed pro magistratibus, vt dixi, municipalibus, vel alio quo genere dignitatis. ita accipit Agathias libro secundo, vbi de Trallibus terræmotu euerſis loquens, ait Augustum ὑπάτοις ἐπὶ τῶν ἐν τοῖς μάλιστα ὑπατεῖδ' αὐτὸ καὶ δὲ δαμόνων αἰδρᾶν ἐκ τῆς Ρώ-

- 1 μὴς δὲ τοῦ λεξέμενον, ἀμὰ τὰς σφετέρῃς πλὴθει σείλας ἐς τὴν ἀπο-
 2 νίαν. Appellat ὑπάτους, non eos qui tempore Augusti sic no-
 minabantur: sed illos qui coloniæ Tralleis deducendæ
 sunt præfecti. Sed puto scripsisse Agathiā ὑπάτοις ἐπὶ τῇ.
 5 P. 114, 13 cuius animi disputationē.) Lego, cuius Auitus disputationē.
 Pag. 115, 9 quàm in omnibus Minervæ curriculum.) Scribendum
 censeo, quàm in omnibus diversū curriculum cū fratre opt. m. v. currat.
 20 neque comperari neque perfui.) Lego, compleri.
 Pag. 116, 4 filiam Rufini male compertam.) Scribendum censeo,
 10 mali compertam. ut loquuntur optimi auctores.
 9 externasse eam. Proba & sincera lectio, non extermi-
 nanda ut reponunt quidam. Externare valet, pro externo
 habere. Sic dictum ut apud Paulum apostolum ξένος ὁ
 11 ἀλλοτρίων, & ἀπὸ τῶν ἑωρῶν τῆς πολιτείας. ita loquitur &
 15 Appianus quarto De bellis civilibus, Ἡμεῖς δὲ ξένοι καὶ ἄλ-
 λωτριοὶ τῶν συνδικῶν ὄντες, πολεμήσομεν.
 12 eandem illam filia suæ machinam Rufinus admouet.) Cor-
 ruptissimè in prioribus editionibus, tandem illam filia suæ
 machinam Rufino admouet.
 20 15 pueri obicit & obsterit.) Obstertere est ob oculos ster-
 nere. Cur malint quidam substerit nulla ratio legitima af-
 ferri potest. Scribo deinde, At ille puellæ meretricis blandi-
 mentis, & lenoniis patris illicet.
 Pag. 117, 1 si verum velis.) Legebatur, si puerum velis. sustulimus
 25 exuberantem literam: certiore, opinor, coniectura, quàm
 alij quibus visum, si pueri velis. A nobis stat sententia quæ
 illam emendationem respuit: & similes loci, qui nostram
 confirmant. Supra, Imo enim si audire verum velis. Emiliane,
 tu potius caducus. item, Imo si verum velis, uxor ad prolem multo
 30 auspiciatius in villa quàm in oppido ducitur.
 8 Inuestem à nobis accepisti.) Inuestis, propriè, cui nōdum
 vestitur pudor, ut loquitur Tertullianus. tamen aliter
 Glossarum auctor, Inuestis, ἀφ' ὧν ἔσ. rectè: nam quod in fe-

mina virgo, id in mare inuestis. Tertullianus De virginibus velandis, *Materfamilia vocatur licet virgo, & paterfamilie licet inuestis*. Ibidem, *Si virgo mulier non est, nec vir inuestis est*. Est igitur inuestis qui Græcè ἡδεός: quo sensu veteres Latini etiam pueros virgines vocarunt, ut notat Nonius: & in patrum scriptis frequenter. sic & παρθένος accipitur interdum pro ἡδεός, ut Apocalypseos cap. xiiii. contrarium est vesticeps, ὁ ἐφ' ἑαυτοῦ καὶ τῶν ἀφ' αὐτοῦ διδίων πείραν ἔχων.

15 in ludo quoque glad.) In hac periodo non pauca fuerant deprauata, in hunc modum, in ludo q. g. frequens visitor, 10 nomina g. & p. & v. planè quidem, ut puer honestè ab ipso l. d. Porro ex hoc loco apparet, in ludo gladiatorio lanistam nō nisi honestiores docuisse per se: reliquos autem per alios, quorum opera ipse vice ἀποδιδασκάλων utebatur: sic fieri amat in aliis quoque ludis.

Pag. 118, 13 mihi hanc veniam tribueret) Venia, nō est συγγνώμη sed χάρις. Sic apud Ciceronem sæpissimè.

19 enim longè serius ratus f.) Ita Rom. edit. Enim initio sententiæ, ut apud Terentium & alios veteres non rarò.

20 filij contumeliis infectam,) Scrib. infestam. ut ex antithesi colligitur, deuinctam.

Pag. 119, 13 si quid ei humanitus attigisset,) Alterutrum puto scripsisse Apuleium, accidisset, vel contigisset.

14 Cape istud matris tuæ testam.) Vulg. lib. cape ista ut m. r.

16 obsequentissimum maritum) Sic in veteri lapide.

D. M.

ÆMILIO. VALERIO
CHORINTO. HOMINI. BONO
QVI VIXIT ANN. XL.

DEFVNCTO HONORIBVS ÆDILICIIS 30
ANTONIA TORTONIA
MARITO OBSEQUENTISSIMO
B. M. F.

26 *insanam putabit*) Male in vulgatis *insanum*. Simili errore paullo post in iisdem, *relictum* pro *relictam*. Ipsam Pudentillam compellat.

5 Pag. 120, 16 pro *pedibus tuis adiicio*) Sententia, ni fallor, postulat *abiicio*.

21 *Ipsē iam ut sui potens, ac qui acerb.*) Vulg. *Ipsē iam ut sui potens ac vir, acerbiss.*

Pag. 122, 14 *reminiscimini, quod responderatis.*) Apertè corruptus locus: legendum fortasse, *Saltem fingite aliquid, comminiscimini quid responderetis ei qui vos ita rogaret: Quoniam omnē &c.*

10 Pag. 123, 7 *Dentes splendidas*) Ex editione Romana. vulgo *splendidos*.

11 *Prior natu ea est.*) Pudendo errore in omnibus editionibus, *is est*. quam multis supra de ætate Pudentillæ disputatum?

12 *Dotale accipe.*) videlicet instrumentum: sic Græci Iurisconsulti τὸ *δοτικόν*. non rectè vulgo, *Dotalem ac*.

16 *procul à culpā philosophiam tuitus sum.*) Male hic quoque locus à scribis imperitis fuerat acceptus: ita nempe, *procul à culpa philosophiæ tuitus sum*. inepta sententia. Principio dixit, esse sibi purgandam apud imperitos philosophiam: nunc in epilogo ait se id fecisse, & quod initio suscepit præstitisse. Ita ergo legendum ut est à nobis emendatum.

18 *imo contra ubique si cum septem pennis eum tenui.*) Nullus locus æquè me exercuit atque hic: quid profecerim docti iudicabunt. Scribo, *immo contra ubique, si circumseptum pennis eum tenui*. sermo est allegoricus: quem accipio de Æmiliano præcipuo accusatore. illius accusationi & calumniis ita respondisse gloriatur, ut non solum infontem se probarit: sed hoc amplius illum ubiq; fontem: idque rationibus adeo clavis ut refelli nequeant. hoc illa verba significant, *circumseptum pennis tenui*. allusio est ad venationem ferarum, quæ fit per lineam pennis rubenti-

bus distinctam. Lucanus,

- dum pauidos formidine ceruos

Claud. it odoratos metuentes aëra pennæ.

Ouid. *Nec formidatis ceruos includite pennis.* meminerunt
& alij poetæ, ac Seneca non semel. Ea linea formido La-
tine dicitur, Oppiano *δειγμάτων ἑνός*, cui simile apud
Lycophronem, in alio genere venationis *ἰξὺς πτερόν*.
Hæc lectio proximè abest à veteri Romana: in recentio-
ribus *pœnis* non *pennis* scriptum est.

20 *tuam existimationem reuereri, quàm potestatem vereri.* 10
Acutè vt alia multa. Floridorum primo. *Neminem procon-
sulum, quod sciam, provincia Africa magis reuerita est, minus
verita.*

24 *Dixi.* Debemus hanc quoque vocem editioni Ro-
manæ: nam illam recentiores editiones omisere. 15

Pag. 174 tolle annotationem quæ incipit versu 12. & eius loco hanc
reponere. 23 nulla impertita mora subneruasti Putabam scribendum
supperuasti. sed nihil mutandum. *Subneruare* vetus & proba
vox est, idem significans ac *suppermare*. similique analogia
facta. Ea dictione memini veterem Bibliorū interpretem 20
exprimere aliquot locis Hebræum *רָפָה* quod est succide-
re suffragines. vt 2. Samuelis cap. VIII. vbi LXX. verbo
ῥαλύνει vtuntur. & Iosux capite XI. bis: vbi LXX.
ῥαλύνει pro eo dixerunt. Glossariū, *ῥαλύνει*, subneruo.

Quæ sequuntur ita emendabis.

Pag. 19, 26 ei vniti. 20, 5 tangant. 19 in nubibus varij, & d. 30, 26 quid ex ist
33, 17 *ῥαλύνει* d. 34, 20 Catharmæ, Socrati dæmonion, Platonis τ. 48, 7 percen-
sere. Gr. 82, 20 d. missum. 143, 11 *φαρμακία*. 144, 25 *ῥαλύνει*. 162, 14 *ῥαλύνει*.
P. 169, 11 hac notione. Pa. 149, 31 adde: His iam editis obseruauimus Bernardum Phi-
lomathem ex suis mss. vno aut altero loco hoc titulos in sua editione reposuisse.

INDEX


INDEX RERVM NOTATV
DIGNIORVM IN IS. CASAV-
boni Castigationibus.

A		F	
<i>Abnuere contumelias.</i>	171	<i>Facies.</i>	146
<i>Abstemius.</i>	161	<i>Factum velle alicui</i>	166
<i>Agnitus.</i>	165	<i>Falso inuidia. p.</i>	142
<i>Alterplices.</i>	144	<i>Fascinum.</i>	148
<i>Aniphares.</i>	142	<i>Fors fuat.</i>	159
<i>Ανέφαλοι</i> versus.	152	<i>Fumum vendere.</i>	161
<i>Agathiae loci emendati</i>	176. 179	G	
<i>Apuleius in aliis scriptis emendatus</i>	pag. 128. & 146. 157. 163. 164. 165. 166.	<i>Genitus</i>	150
<i>Archestrati locus correctus</i>	151	<i>Glossarium emendatur.</i>	146
<i>Auriplex.</i>	144	H	
<i>Auriplices.</i>	145	<i>Hellenismi notati.</i>	163
C		I	
<i>Cambio.</i>	137	<i>Iannes magus.</i>	177
<i>Campso.</i>	ib.	<i>Immedicatum os.</i>	172
<i>Causa.</i>	167	<i>Impetibile.</i>	175
<i>χειροσφόριον.</i>	176	<i>Inuestis.</i>	180
<i>κλινοσφόριον.</i>	ibid.	<i>Instar.</i>	146
<i>Clunaculum.</i>	172	<i>Inuidere pro non videre.</i>	132
<i>Cohibilis.</i>	148	<i>Lux.</i>	142
<i>Consules municipales.</i>	178	<i>Ιὺξ.</i>	142
<i>Consulatus pro Proconsulatu.</i>	ibid.	L	
<i>Curare rebus alienis.</i>	134	<i>Lucretij locus.</i>	135
D		<i>Lustrales hostiae.</i>	157
<i>Demittere.</i>	168	M	
<i>Diuini contumacia.</i>	159	<i>Mos circa pecuniam.</i>	155
<i>Duat.</i>	166	<i>Motacilla.</i>	143
E		<i>Mundicina.</i>	132
<i>Ennij loci correcti.</i>	151	N	
<i>Externare.</i>	179	<i>Ne pro nedom.</i>	134
		O	
		<i>Obnubere.</i>	171
		<i>Obsquens maritus.</i>	180

INDEX

P		Symmachus emendatur. 146. 166
Plauti locus restitutus.	169	Symbola variorum sacrorum.
Πλαύτιν.	171	159
Porta triumphalis.	137	Syrma. 135. & 142
Propulsor actiue	147	T
Pronomen is vacans.	129	Tenæ quorundam sacrorum di-
Proxima humanitas	148	uerſi coloris. 144
Q		Toga palmata. 139
Querquera.	148	Trochiliscus. 143
Quitus.	130	Trochiscilus. ibid.
S		V
Sceletus.	162. 163	Veretillum. 147
Σεισενυγίς.	143	Vesticeps. 180
Sernior.	136	Virile marinum. 147
Σκῦρα.	176	Y
Spuria.	148	Υἱοποιαντεία. 154
Stellio.	158	Υπαῖς. 358
Subſicina Græcia.	145	Z
Subneruare.	187	Zaratth. 141
Supernare.	ibid.	

FINIS.



GEO. PERBODY

875

.01

Apr 94

1594

c. 1

4926346

1A614

31387.

